

**NATIONAL ASSEMBLY OF
SEYCHELLES**

Tuesday 30th March 2021

The Assembly met at 09am

National Anthem

Moment of Reflection

Mr Speaker is the Chair

MR SPEAKER

Bonzour tou Manm Onorab e bonzour osi nou lodyans an deor. Nou annan en *Public Bill* pou *First Reading*. Madanm Clerk.

MADAM CLERK

Mersi Mr Speaker. Bonzour Mr Speaker. Bonzour tou bann Manm e tou dimoun ki a lekout.

Bill ki pe ganny prezante *ce matin for First Reading*:

Proceeds of Crimes (Civil Confiscation) (Amendment) Bill, 2021.

This Act may be cited as The Proceeds of Crimes (Civil Confiscation) (Amendment) Act 2021. Mersi Mr Speaker.

MR SPEAKER

Mersi Madanm Clerk. Onorab Andre in demann mwan laparol pour adres en pwen ki konsern

Bills Committee ki i *Chairman*. Onorab.

HON CLIFFORD ANDRE

Bonzour Mr Speaker. Bonzour Manm Onorab. Mersi Mr Speaker pou donn mwan laparol. I konsern en privez Lasanble ki mon santi in ganny afekte par en program ki ti pase lo *SBC* yer swar dan kapasite “*Tête à Tête*”.

Mr Speaker Dr Patrick Herminie ki Dirizan, Prezidan Parti *US*. Ti dir sa yer dan program “*Tête à Tête*”. I dir,

“Sa Gouvernman, in sey anmenn en *Bill* pour ki tou nou bann Manm ki pey zot *membership fee* 25poursan i bezwen al pou Gouvernman.

Si madanm entel i kontribye R100 *then* R25 ladan i ganny pran koman *tax*. E erezman zot prop *Bills Committee* *ok*, in dir *sorry* sa pe al tro lwen, in fer sa *Bill* retournen.”

Mr Speaker nou’n ganny sa referans sorti lo sours *YouTube*, video *SBC* “*Tête à Tête*” Dr Patrick Herminie le 29 Mars 2021. E sa in ganny dir prezizeman dan sa program 26.21minit.

Alors Mr Speaker, i enportan ki nou met sa rikord drwat. *Bills Committee* ti annefe, zwenn Vandredi le 12

Mars 2021, pou diskite aneef *Political Parties (Registrations and Registration) (Amendment) Bill, 2021*.

E *in attendance* Mr Speaker, ti annan Komisyoner Zeneral, Depite Komisyoner Zeneral sorti kot *Seychelles Revenue Commission, (SRC)*. E ti osi annan Direkter Zeneral pou *Tax* ek Finans sorti dan Minister Finans.

Mr Speaker prezan ti tou Manm *Bills Committee* ki enkli mwan menm. Koman *Chair*, Onorab Hoareau koman *Vice-Chair*. Onorab Sathya Naidu e Onorab (Josee) Henrie. Ti osi annan bann Manm ki sorti dan Parti *US*, ki enkli Onorab *Leader* Lopozisyon, Onorab Pillay, Onorab Churchill Gill.

Non-*sorry*. Onorab Churchill Gill apre Onorab Conrad Gabriel. *Sorry in attendance* ti *LOTO*, me selman lot Manm se Onorab Loze.

So *LOTO* ti *in attendance* e nou ti pran sa topik nou ti diskite parey nou abitye fer pou tou *Bill* pou nou annan en rapor, pour nou anmenn devan Lasanble. E pour nou pas sa *Bill* si i annan okenn lamannman pou nou fer sa.

Annefe ou osi ti ganny met a latansyon rezilta nou *meeting* ki ti date le 15 Mars 2021 kot nou ti eksplik ou ki rezilta nou

miting. E avek ou permisyon Mr Speaker mon pou osi lir sa let pour ki piblik i ganny en apersi lo vreman ki ti pase dan nou *meeting*.

Mon le fer sa Mr Speaker akoz normalman, normalman en *Committee meeting* i konfidansyel, avek zot bann *guest* ki vini ziskan ler i ganny anmennen devan Lasanble.

E ki Lasanble i pran en pozisyon lo bann rapor ki nou, nou anmennen akoz nou en Komite Lasanble, so nou *answerable to* Lasanble.

Me avek ou permisyon Mr Speaker, pou klarite mon pour demann ou ...?

MR SPEAKER

Go ahead.

HON CLIFFORD ANDRE

Ok mersi. Nou ti dir, sa let ti adres lo ou atraver Clerk. I date le 15 Mars, 2021.

“Dear Mr Speaker, Re-scrutiny of Bills Committee. Political Parties (Registration and ‘Registrations’) (Amendment) Bill, 2021.

The scrutiny of Bills Committee of the 7th National Assembly considered the Political Parties (Registration and ‘Registrations’) (Amendment) Bill, 2021.

MR SPEAKER

Registration and Regulations
Onorab.

HON CLIFFORD ANDRE

Sorry! Sorry! Registration and Regulations. Eskiz mwan Mr Speaker.

MR SPEAKER

Ok, carry on.

HON CLIFFORD ANDRE

(Registration and Regulations) (Amendment) Bill, 2021 on Friday 12th March 2021.

In attendance the Committee had the Commissioner General and Deputy Commissioner General of the Seychelles Revenue Commission, (SRC) and the Director General for Tax and Finance Sector from The Ministry of Finance.

Further to discussions, the Committee was advised by the representatives of SRC, that the above-mentioned Bill will not be enforceable unless certain provisions are amended in the Business Tax Act Cap 20.

The Committee wishes your guidance on the matter and proposes that both amendments are submitted simultaneously for consideration”.

Mr Speaker mon le dir sa akoz i pa korek, i pa korek pou

dir ki erezman zot prop *Bills Committee* ok, in dir sorry sa *Bill* pe al tro lwen, in fer sa *Bill* retournen.

I pa korek e nou, nou ti pe koman *Bills Committee* nou'n diskite e nou'n vwar ki bann *sponsors* si oule - ki Minister Finans ek SRC zot in met serten konsern devan. E nou nou'n pran sa konsern koman *Bills Committee*, nou'n met sa a ou latansyon ki ou'n enform mwan ou'n fer serten prosedir adisyonnal, ki anliny avek travay ki nou bezwen fer.

So avek sa Mr Speaker, mon le dir. Mon pa pe demann ou pou fer *Ruling*. Me solman mon le dir ki travay Lasanble in ganny afekte, privez Lasanble in ganny afekte akoz en reportaz ki'n ganny fer par en swadizan Dirizan en Parti Politik.

Me i pa'n fer sa dan konteks ki nou, nou ti fer e nou pa ti donn li, i pa'n demann nou en rapor ofisyel, pou nou dir li ki'n arive. E nou ti'n fer sa atraver ou Lofis, si i ti'n demann nou, ou ti'n donn nou permisyon pou fer. Nou ti a dir li ki vreman ti'n pase dan nou miting.

Me mon ti a demann tou Manm Komite e osi bann dimoun ki vin kot nou letan nou demann zot pou gard nou

meeting konfidansyel ziskan ler i neser pou nou dir.

E si i annan en *press release* pou fer, se pa zot ki fer. Se nou ki a fer *press release* ki pou dir nou annan en *meeting* avek tel Departman Gouvernman.

E nou, nou'n ariv lo tel konklizyon an referans avek en *Bill* ki'n ganny met devan nou. Mr Speaker mon ti a kontan remersye ou. Mersi.

MR SPEAKER

Mersi Onorab. Zis pou dir ki mon ti gannyen let sorti kot Onorab Andre, *Chairman Bills Committee*. Mon ti anvoy let kot *Attorney General* e kot Minister Finans pou demann zot ki manner zot anvi prosede.

E mon pa ti ankor ganny repons, me bomaten mon'n telefonn *Attorney General*. E in dir mwan i pe adres bann pwen ki *Bills Committee* in leve e i a refer en plan pour ki manner pour prosede avek sa *Bill*. Mersi.

Onorab Pillay mon pa konpran akoz ou pe al adres sa. Ou zis dir mwan klerman, premye ki pwen ou anvi fer?

HON SEBASTIEN PILLAY

Mersi Mr Chairman. Bonzour Mr Chairman e bonzour, bonzour. Mr Speaker sorry nou

pa ankor al dan Staz Komite. Bonzour tou koleg Lasanble.

Mr Speaker mon le *raise* en *point of order* an relasyon avek sa ki'n arive bomaten. Akoz mon krwar i enportan pou nou ganny en gidans sorti kot ou kote lo de pwen.

MR SPEAKER

Wi. Ki *point of order*? Onorab.

HON SEBASTIEN PILLAY

Lo premye pwen i relye avek *Order* nou Lasanble ki *deal* avek *matter of privilege* Mr Speaker.

Mon konnen ou louvraz i pa fasil anler dan sa sez, pour pandan en long lazournen ou la avek nou e ou bezwen ou deside lo tou bann keksoz ki pase.

Me selman parfwa i enportan pou nou met bann keksoz a ou latansyon e demann ou pou pran konsiderasyon sa bann size.

MR SPEAKER

Ale dir nou. Ki *point of order*?

HON SEBASTIEN PILLAY

Premyerman Mr Chairman. Nou *Standing Order* i prevwar lafason ki en *matter of privilege* i ganny *deal* avek. E mon pe zis fer referans ek sa an relasyon avek letan mwan mon'n *raise matter of privilege*. Kot mon

pa'n ganny loportinite pou mwan fer sa ki Onorab Andre in fer. E ou ou'n lir mon *matter of privilege* e donn en *Ruling* lo la.

Mon ti demann ou dernyen fwa pou donn nou en gidans. So mon kontan ki sa i nouvo lapros ki nou pran. Ki ler en Manm i pou lev son *matter of privilege* i pou ganny loportinite pou li fer son *statement regarding son matter of privilege*.

E mon apresye Mr, Mr Chairman ki ou'n pran sa ki mon ti dir ou an konsiderasyon.

MR SPEAKER

Mersi.

HON SEBASTIEN PILLAY

Dezyenmman, mon ti a kontan met en *issue* a ou latansyon. En keksoz ki nou *Standing Order* i fer, i koz lo an relasyon ek kestyon sa. I koz lo en keksoz ki'n ganny dir dan lapres. Sirtou si sa dimoun i annan en kapasite ofisyel.

Usually dan sa konteks i pou vin lo lefe si en dimoun i annan en rol, en fonksyon ofisyel vizavi Gouvernman, oubyen si en dimoun i annan en fonksyon ofisyel vizavi en lot aktivite ki i sipoze pe fer.

Mon'n ekout Onorab Andre *regarding son matter of privilege*.

MR SPEAKER

Onorab Pillay mon pa krwar nou bezwen tou sa bann detay pou *deal* avek sa. Mon pare pou *deal* avek sa la. E mon a demann ou ...

HON SEBASTIEN PILLAY

Eski mon kapab fini Mr Chairman? Avek ou permisyon?

MR SPEAKER

Sanmenm mon pe al dir ou. Terminen silvouple, akoz mon pare pou *deal* avek sa. Nou pa bezwen plis detay lo la.

HON SEBASTIEN PILLAY

Mersi Mr Chairman, Mr Chairman mon krwar poudir. Si en Manm pou *raise en matter of privilege* lo sak fwa en dimoun an deor i fer en *statement* lo lapres.

Nou pou annan, nou pou annan en kantite *matter of privilege*. A leksepsyon, a leksepsyon ki ler mwan mon ti fer li, Minis Radegonde i en Minis dan Gouvernman e i ti'n deza vin devan Lasanble.

Mon ti ava presye Mr Chairman ki nou ganny li kler lo ki mannyer nou pou *proceed* avek en *matter of privilege*. E mon kontan ki Onorab Andre in ekout "*Tête à Tête*" *Leader* nou

parti, e bann keksoz ki'n dir.
Mersi Mr Chairman.

MR SPEAKER

Ale, nou pa bezwen sa bann detay. Onorab Pillay mersi. Ok. Mon fer kler. Mon'n aksepte sa *matter of privilege*, akoz i konsern travay en Komite dan Lasanble e *Chairman Bills Committee* i annan en responsabilite menm, pou li eklersi ki mannyer sa in pase. Non selman pou nou Manm isi prezan, me osi pou piblik. Mersi.

HEALTH CARE AGENCY

MR SPEAKER

Nou a prosede avek nou *Order Paper* e nou a pas dan Staz Komite pou nou kontinyen avek *Appropriation Bill*. Nou annan delegasyon *Health Care Agency*, nou ava apel delegasyon pou zwenn nou silvouple?

Bon, bonzour delegasyon *Health Care Agency* e nou annan avek nou ozordi pou sa. Nou annan Mrs Peggy Vidot *Minister of Health* e byensir nou *welcome* ankor Mr Damien Thesee e Mrs Astride Tamatave sorti kot Minister Finans.

Lo kote *Health Care Agency* li menm nou annan Dr

Danny Louange son *Chief Executive Officer*, Mrs Mirose Boniface son *Director General Human Resources and Centralized Services*. E Mr Michel Brutus, *Financial Controller*.

Bidze *Health Care Agency* i enn parmi plizyer ki konsern Minister Lasante ki nou pe pran ozordi. Bon mon oule le dir zot *welcome* akoz mon konnen nou'n *postpone* zot plizyer fwa. E fotespere zot in kontan ki finalman zot arive pou prezant zot Bidze.

Mon pou demann Minis Vidot pou prezant Bidze *Health Care Agency* e mon asire i pou fer li. Me selman zis mon a mansyonnen, ki vi ki nou annan plizyer antite anba sa Minister, ki a diriz Lasanble klerman lo manda e responsabilite *Health Care Agency*, pou bann Manm kapab *focus* zot kestyon. Minis mon a envit ou prezant ou Bidze silvouple.

MINISTER PEGGY VIDOT

Mersi Mr Chairman. Mr Chairman *Leader* Lopozisyon, *Leader* Zafer Gouvernman, Manm Onorab, oditer e telespektater.

Lazans Swen Lasante i sa antite ki annan manda pou donn swen lasante primer,

segonder e osi ede pou donn sa swen ki ede pou reabilit dimoun kan sa i nesese pou tou sitwayen Seselwa.

Nou konnen ki servis lasante i en size ki okip bokou dimoun. E tre posibil ki tou dimoun dan en serten letan i servi sa sant, en sant lasante pou en swen primer, ou en lopital pou en swen segonder, ou *tertiaire* ou menm reabilitativ.

Servis lasante i en keksoz ki lamazorite dimoun i annan en viv lentere ladan, pou plizyer rezon. Me prensipalman nou tou nou ti a kontan konnen ki si nou tonm malad, nou pou kapab ganny swen pou remet nou lo nou lipye pli vit posibil.

Mr Chairman lakantite e kalite maladi ki nou pep pe gannyen, i kontinyelman ogmante, malgre lefor ki ganny mete dan bann aktivite prevansyon.

Nou bann maladi ki ganny klasifye koman maladi kronik ou si *non-communicable diseases* i en gran konsern, akoz i pa zis afekte kalite lavi dimoun ki ganny afekte, me i osi annan en lefe sosyal e ekonomik an menm tan met en gran lour lo Bidze Lafanmir e Bidze Leta.

I koute pou sonny sa bann maladi, ki souvan zot annan

bann konplikasyon ki ase signifikan. En kantite sa bann maladi zot devlopman i kapab ganny retarde ou sinon menm anpese.

Si nou ti kapab pran en serten stratezi ki pou ed nou avek sa e sa i komans avek nou tou. E nou tou nou konnen poudir nou lasante i nou responsabilite.

A en tan nou ti panse ki nou'n arive met bann maladi ki transmisib anba en serten kontrol. Nou sistenm vaksinasyon pou serten maladi in marse tre byen, kont maladi tel ki larouzol, difteri, lakoklis, tantannos.

Me sa ki nou pe vwar, se ki de tanzaot i annan nouvo maladi ki deklare. Nou'n vwar SARS, nou'n vwar *Ebola* e la nou pe viv sa ki nou pe vwar *COVID-19*.

COVID-19 Mr Chairman in teste nou Sistenm Lasante. In anmenn en gran kou ekonomik pou nou pei. In anmenn bokou soufrans. E in fer nou kestyonn lafason ki nou fer keksoz. Sa i vre pou tou sekter, me dan lasante, sa in vremen vin pli vizib.

Par egzanp nou konnen ki dimoun pa'n kapab libreman al vwar zot pros ler zot pros ler zot in malad dan lopital. Dan serten ka, pa'n kapab al dir sa

dernyen orevwar zot pros. Zot in ganny zot swen parey, vizit spesyalis ou si non loperasyon ganny anvoye.

Sa pa'n fasil pou tou dimoun, ni pou bann travayer lasante. Lazans pou fer tou sa ki zot kapab pou zot atrap tou sa retar ki nou'n gannye, pou fer sir ki zot ganny zot servis, a en tan apropiye.

Nou osi vwar ki avek evolisyon lasyans ek teknolozi, lafason ki bann maladi i ganny trete in sanze, i sanze kontinyelman. Ki i fer, kou pour donn swen i sanze e laplipar ditan sa i monte.

Me parkont i kapab annan teknolozi ki kapab fer kou desann, parey fer loperasyon ki mwen en *invasive*, parey *keyhole surgery* kot pasyan pa bezwen reste lontan lopital e i kapab retourn travay tou bokou pli vit.

Me an premye lye i demann en lenvestisman ase signifikan, pour nou kapab ganny sa bann lekipman. Anvi tou sa, nou vwar ki Bidze pou sa antite ki pe donn tretman in osi monte.

Alor Mr Chairman nou remarke ki Bidze ki'n ganny propoze pou Lazans Swen Lasante, pou sa lannen i osi reflekte en logmantasyon R87milyon 381mil.

Nou ankor pe pas dan sa pandemi, ki pe kout nou en kantite, pou nou anpes transmisyon *COVID*. E osi pou nou donn swen bann ki devlop sa maladi.

Nou'n komans nou program vaksinyasyon e sa pe byen demare, avek 63mil 148 dimoun ki'n pran premye doz vaksen. En to 64poursan popilasyon. Ou sinon 36mil360 dimoun ki'n pran tou lede doz vaksen. En poursantaz 37poursan popilasyon.

E sa deza pe montre nou benefis, aköz bann dimoun ki'n ganny vaksen, menm si zot in teste pozitiv nou'n remarke ki zot napa okenn sentonm. Ou sinon sentonm i tre minim.

Resaman nou'n vwar en *outbreak* dan Lopital North East Point. Kot nou'n vwar ki annan 62 rezidan ki'n teste pozitiv e *quelque* zour pli tar nou'n vwar 29 rezidan al dan *Mental Home* ki'n osi teste pozitiv.

Lamazorite zot, in rekipere. Malerezman avek sagren nou'n perdi de nou rezidan. E sa de, malerezman pa ti'n kapab pran vaksen.

E la dernyen *weekend* nou'n remarke ki nou'n annan ankor 5 dimoun, rezidan ki'n teste pozitiv. Me zot, zot kontinyen reste stab.

An menm tan nou konnen ki dimoun avek lezot maladi i bezwen ganny zot tretman. Nou'n remarke ki en bann maladi, zot frekans pe vin pli komen. Nou vwar ki kantite ka kanser, maladi kardiyovaskiler, dyabet i kontinyelman ogmante.

Nou vwar plis dimoun ki bezwen servis tel ki dyaliz ki tre koute. An se moman nou vwar ki nou pe servi preski 10poursan Bidze Lazans Lasante, pou aprosan 200 dimoun ki servi servis dyaliz.

Nou realize ki sa pa soutenab e nou bezwen revwar lafason ki sa servis i ganny donnen e administre.

Nou remarke ki bann rediksyon mazer dan sa Bidze an korperasyon avek lannen 2020, i dan bann vot kot lannen pase ti annan en reazisteman Bidze. Plis larzan ti ganny donnen lo sa bann vot pou kouver bann kou ki Lazans ti bezwen fer, pou zot fer fas avek COVID-19.

Tel ki materyo nesese e diferan kou pou diferan servis parey transpor, *overtime*, *COVID allowance*, e devalyasyon rounpa pa'n ede akouz kou pou materyo in kontinyen ogmante e menm kou pou fre.

Sa bann defi pou ankor avek nou pandan sa lannen. Me lazans pou met bokou lanfaz lo prevansyon, lo amelyorasyon lo kalite servis. Nou pou al sey fer nou servis vin pli efikas, nou pe envestir en sonm \$4.05milyon dan en *system Health Information*, ki nou konnen pou ed en kantite dan sa demars.

Tel ki annan en bon sistenm apwentman, rikord elektronik e pli bon sistenm swivi.

Nou pou koup lo gaspiyaz tel ki annan diplikasyon dan bann tes laboratwar ki fer dan bann preskripsyon ki ava ganny repete. E sa i ava ed nou pou fer en lekonomi dan sa bann domenn.

Lazans pou osi met plis zefor lo meyer fason servi bann profesyonnel lasante, pou amelyore la kalite servis ki zot donnen. Tel ki anmenn plis servis dan kominote. Sa pou vin pli fasil la ki nou ava annan rikord elektronik, ki profesyonnel ki otorize pou kapab ganny akse avek.

Nou pou vwar koman nou kapab anmenn plis spesyalis isi pou ed nou, sirtou bann spesyalis ki nou napa dan pei. Nou pou osi ankouraz bann Seselwa ki pe travay koman bann profesyonnel lasante dan lezot pei, pou zot vini, vin donn

nou en koudmen kan zot kapab.

Lanfaz pou osi ganny mete, pou nou donn nou bann profesyonnel lasante plis loportinite pou zot agrandi zot konesans e konpetans. Nou pe regard tou fason posib pou organiz sa.

Nou an diskisyon avek diferan lenstitisyon ki donn program *online*, pou nou profesyonnel kapab ganny akse avek.

Sa i ava ede pou gard zot azour e pou ogmant zot profesyon, zot *knowledge* profesyonnel.

Mr Chairman i pou nou plezir fourni plis lenformasyon lo sa Bidze ki nou pe demann Lasanble pou aprouve. Mersi.

MR SPEAKER

Mersi Minis. Mon'n mank en pti par dan prosedir. Mon krwar mon pa'n lir detay paz lo Bidze.

Bidze pou *Health Care Agency* i lo paz 393 ziska 405 pou en total R1bilyon 301milyon 931mil. Mersi.

Mon a zis verifye mon lalis Manm ki'n lev lanmen silvouple zis pou nou al pli soz. Lo sa kote tou dimoun in lev lanmen pa trakase. Lo kote *LDS* mon annan Onorab Bastienne, Roucou, Labonte, Mondon, Bistoquet, Zialor, Esparon

Woodcock, Hoareau, Naidu, Roucou, Monthy, Labrosse, Adelaide, Porice, Andre, Romain, Samynadin, William, Henrie e Arissol, e osi Onorab Loizeau e Onorab Arissol. Mersi.

Bon nou ava komanse. E touzour difisil konnen ki lord pou swiv. Mon a komans avek Onorab Labrosse.

HON RICHARD LABROSSE

Bonzour Mr Speaker mersi pou donn mwan laparol premye. Bonzour tou mon bann koleg e tou dimoun ki a lekout espesyalman zabitan Plaisance.

Minis koman en dimoun ki sorti Plaisance mon byen fyer e kontan pou vwar ou dan nou Lasanble. Ki ou pa'n ekout okenn parol demagozi pou ou demisyonnen parski ou pe fer en bon travay dan sa pei.

(APPLAUSE)

HON RICHARD LABROSSE

So alors mon ti a kontan ou kit ou moral byen o akoz ou sorti dan en bastyon vreman entelizan.

Nou premye, mon premye kestyon pou ou Minis i konsern en pe bann servis ki pou *i mean* pou *Health Care Agency*. I annan bann servis spesyalize mon konnen ki avek letan

COVID la zot ti'n *minimize* li en pe.

Mon mazine kekfw pou met latansyon lo vaksen. So la mon ti a kontan si ou kapab enform Lasanble ek dimoun an deor, ki mannyer bann nouvo prosedir pe ale. Si i annan okenn sanzman dan fason ki bann tretman spesyaliz pe ale?

E mon dezyenm kestyon i konsernan osi lo fason kominikasyon ki vaksen pe ganny donner osi Minis ki i annan bann konsern ki'n ganny sorti ek bann rezidan, sirtou bann ki pli aze.

Yer detrwa zot in *call* mwan, in met dan mon latansyon. Ki i annan bann lanons ki pe ganny sorti deor pou zot vin pran zot dezyenm, zot dezyenm doz. Par egzanp pou Plaisance zot pe al kot Sant Kominoter Mont Fleuri.

Me yer en bon pe zot ti'n desann nou bann vye, me ler zot in ariv laba zot in ganny enformen ki ozordi i pa sipoze zot tour, e sa in koz en serten pti fristrasyon parmi zot.

So la mon ti kapab demann, sizere ki Minister ler zot fer bann lanons, bann parey, konmsi pou target sa bann dimoun parey, konmsi ki lenformasyon i kapab sorti byen kot zot. Mersi Minis.

MR SPEAKER

Mersi Minis. Ou a diriz ou *panel* lekel ki pou reponn. Sa ki reponn, pou reponn zis lev lanmen silvouple pou sinyal mwan pou mwan rekonnnet zot. *Dr Louange*.

CEO DR DANNY LOUANGE

Mersi Mr Speaker. Bonzour Mr Speaker. Bonzour tou Onorab. Bonzour tou dimoun a lekout. Mersi Onorab pou ou kestyon osi. Mon pou reponn lo kote premye kestyon kote spesyalis.

Wi avek sa bann restriksyon mouvman ki ti annan komansman lafen Desanm, komansman Zanvyè, nou'n reviz nou bann servis spesyalize.

E menm servis spesyalize menm depi lannen pase letan ti annan *outbreak*, nou'n osi met li dan en fason ki nou pou, pou nou protez premyerman protez bann pasyan dan lopital.

Dezyenmman e osi fer en fason re aranz nou servis ki nou fer en fason pou nou kapab *deployed staff* pour bann al lo *frontline* dan Sant Izolasyon, dan bann Sant Karantenn, dan bann lezot *facilities*.

Alor dan, pour bann servis spesyalize premyerman bann loperasyon nou ti'n redwir. Nou ti'n redwir pou fer zis

loperasyon *emergency* avek bann dimoun ki annan kanser.

E sa in ale ziskan, nou'n re ouver li pou bann dimoun ki osi ki nou apel *elective* so sa ti'n kontinyen.

Aprè nou'n redwir ankor la ver dan Zanvye komansman Zanvye nou ti'n redwir akòz sa *outbreak*, sa *surge* ki nou ti annan.

Me la nou'n reouver ankor. Me selman pou loperasyon nou'n bezwen restriktir li dan en fason pou menm protez nou *staff*, protez bann pasyan ki nou pe deservi.

In redwir sa kantite ki nou ti kapab fer, parey avan. Me selman nou'n fer en fason ki nou pe fer bann dimoun ki *top priority* avan, dimoun ki annan kanser, *emergency* i reste priyorite, e bann *elective* nou swazir. Sa lo kote loperasyon e lo kote servis *in-patient* lopital.

Me lo kote bann klinik prezan, nou'n rekomanse nou bann klinik nou ti'n redwir, la nou'n rekomans dan Lopital Sesel *Specialists Outpatient Clinic* nou'n rekomans tou nou bann servis.

Me osi nou al dan *peripheral* osi dan bann Sant Lasante Praslin, La Digue e bann *regional* osi. Sa in rekomanse. Mersi Onorab pou ou kestyon.

MR SPEAKER

Wi Minis.

MINISTER PEGGY VIDOT

Mersi Mr Chairman. Mersi Onorab pou ou kestyon. E mon osi mon byen kontan mon sorti dan distrik Plaisance.

Onorab mon'n pran *note* ou komanter lo lafason ki nou fer kominikasyon pou vaksen nou esey de tanzaot *improve* anmezir ki nou ganny bann komanter koumsa.

E mersi nou ava pran *note* e fer sir ki kominikasyon i sorti pli byen. Lo sa bann, nou bann keksoz koman vaksinasyon e bann servis ki nou pe donner. Parey menm bann servis ki Dr Louange in eksplike ki nou pe rekomanse dan bann *outpatient* swa kot *Yellow Roof*, swa dan bann distrik.

Nou a fer sir ki kominikasyon i pli kler ki tou dimoun i konpran ki pe arive. Mersi.

MR SPEAKER

Mersi. Wi Onorab.

HON RICHARD LABROSSE

Minis zis pou azout osi lo en pti zafer ankor en. Parey nou konnen, nou Seselwa nou kiltir ki nou ladan sirtou parey ler

nou annan en fanmir ki lopital sirtou en fanmir pros.

Parey la *weekend* la mon ti rankontre en fanmir ki zot in met en pti pe dezapwentman devan mwan. Konmsi zot problem se ki, *at least* parey ler zot bann dernyen staz, parey kekfwa si Minister ti kapab *at least* koz ek en fanmir. Kekfwa en dimoun ti kapab vin ek sa fanmir pandan son bann dernyen letan.

Akoz nou osi nou kapab ganny en konpran presyon ki bann *staff* lasante i annan konmsi pou zot kapab get sak endividi. Mersi Mr Speaker.

MR SPEAKER

Mersi Minis.

MINISTER PEGGY VIDOT

Mersi Onorab. Nou konpran sa sityasyon e nou pe fer nou mye pou aranze. E konmela Polisi se si nou vwar en kondisyon i deteryore, nou kriy lafanmir pli pre. E pou zot kapab ganny en sans vin vwar zot malad.

E me nou pe realize poudir sa i koz en kantite problem pou diferan dimoun dan diferan fason. Nou pe fer nou mye pou nou regarde si nou pe kapab amelyor sa sityasyon. Petet annan en lasanm kot nou kapab bouz sa dimoun pou donn sa bann fanmir en pe plis

letan, kalite letan, avek zot pros. Mersi.

MR SPEAKER

Mersi Onorab Monthy.

HON PHILIP MONTHY

Mersi Mr Chair. Bonzour Mr Chair, bonzour Minis avek ou delegasyon. Ler mon get anba *programme 1*. Mon vwar preski R3milyon pour *overseas airfares*.

Mon prezimen i tiket avyon pou bann *staff* etranze al vakans kot zot, mon prezimen. Donk mon kestyon se, eski ou kapab dir nou dan ki seksyon ki zot annan plis etranze? E kwa ki pe ganny fer pou sey minimiz lakantite etranze ki nou annan?

E mon dezyenm kestyon dan zot '*current challenges*' mon vwar zot in met '*inadequate infrastructures such as amongst others*' i annan '*isolation ward*'.

Mon konnen ki i annan en *Isolation Center* ki pe al ganny konstrir si Minis i kapab donn nou en, en *timeframe*, kan apepre ki sa Sant Izolasyon pou terminen?

E aköz ki dan lepase nou pa'n proaktiv pou annan en sant pare? Ki nou'n esper en pandemik frap nou, ki la prezan ki nou pe al konstrir en sant izolasyon? Mersi.

MR SPEAKER

Mersi. Mon a demann bann Manm pou tenir kont bann kestasyon ki konsern Minister Lasante an zeneral.

E pour anmenn li ler nou pran Minister Lasante. Antretan *panel* i a kapab decide si zot le soz. Lekel ki pou komanse. Dr Louange wi?

CEO DR DANNY LOUANGE

Mersi Mr Chair. Mersi Onorab pou ou kestasyon. Mon krwar i relevan. Sa bann *overseas airfare* i annan de kategori *staff* ki nou, nou dedye sa bann *airfares* pou.

Pou reponn ou kestasyon nou annan nou, dan *Health Care Agency* nou annan nou 180 *expatriates*. Laplipar *expatriates* se bann dokter, parmi bann dokter, apre ki 99 dokter ki *expatriates*. Apre nou annan 55 *nurse* ki osi *expatriate*. Apre i ganny distribye dan bann lezot servis.

Sa bann *overseas airfare* i pou sa bann *expatriates* letan zot al vakans. E pou bann *Cubans* ti annan osi *excess* bann *coopérant* i annan bann *excess luggage* osi ki nou i dan zot agreman.

Apre osi nou servi sa *overseas airfare* osi pou bann spesyalis ki nou napa isi, ki

vini. Par egzanp dan bann pasyan ki lo dyaliz ki bezwen fer zot *fistula* sa i annan en dokter ki vini.

Nou annan en lot dokter ki fer, ki i en *neurologist* i osi i vini. I annan detrwa ki vini *on a regular basis* e sa pour ed nou pour konplimant nou servis ki nou pe donner.

Ou lot kestasyon siplemanter lo *expatriate*, i ki nou pe fer pou nou kapab redwir *expatriate* dan nou Lazans. Wi nou annan en program. Me menm la si ou pe gete letan ou get dokter pou dokter, zis dokter nou annan nou dan *Health Care Agency* 191 dokter.

Parmi sa 191 parey mon'n dir i annan 99 ki *expatriate*, me nou annan 92 ki Seselwa. So dan sa detrwa lannen ki Minister Lasante in sey in devlop sa laspe e nou'n fer en ta *training* i annan en ta, en bon pe Seselwa ki'n al etidye medsin.

E la osi nou annan osi en program pou nou kapab fer zot spesyalize. E sa bann i bann aktivite ki nou pe fer, stratezi ki nou pe fer pou kapab ranplas sa bann *expatriate*. Mon a pas ... Mersi.

MR SPEAKER

Minis wi.

MINISTER PEGGY VIDOT

Mersi Mr Chairman. Mersi Onorab pou ou kestyon. Pou azoute lo sa ki dokter Louange i dir. Wi nou annan en program ki nou pe esey *train* plis bann dokter Seselwa pour zot vin bann spesyalis ki nou bezwen.

Nou realize poudir sa in en pti pe dousman e pour diferan rezon. Me nou'n vwar poudir akse avek bann program spesyalize i pa toultan fasil e i en pe koute. Pou sa rezon Minister in angaz li avek Liniversite *La Reunion*, ansanm avek Liniversite Sesel pou nou *train* diferan dokter, diferan spesyalis pandan sa lannen ki pe vini.

Nou'n fini siny Lagreman e nou panse ki *training* i ava komanse disi petet Septanm pou diferan group. Nou osi realize poudir en kantite bann *training* konmela i kapab fer *online*.

E sirtou pou nou bann zenn dokter ki'n pare, nou pe ankouraz zot pour zot fer laplikasyon e nou espere ki zot a kapab byento komans sa bann *training* ki neser pou zot kapab vin serten spesyalis.

An toutfwa nou ankor an diskisyon avek Minister Ledikasyon pou regarde konbyen *scholarship* nou kapab

gannyen, pour nou anvoy bann ki bezwen al fer zot spesyalite deor.

A term izolasyon, sant en izolasyon i lo - mon sipoze lo kad Minister Lasante pou en bon pe letan. Rezon akoz i pa'n ganny fer dan lepase, mon pa pou tro kapab dir ou.

Me an vi ki i annan en lenportans pou nou annan en sant, Gouvernman pe fer son mye pou regard, rod *sponsors* e nou, nou panse ki nou pou kapab komanse sa lannen. Nou plan in fini komans ganny diskite avek bann *staff* ki pou pe servi sa sant.

E i dan faz kot i ankor an diskisyon pe ale vini avek diferan, ek *architect* isi. An vi i en i pou en sant en pe spesyalize, nou pe bezwen osi ganny en pe, en pe lopinyon bann larsitek ki fer lopital e sirtou bann sant koumsa e sa pe ganny fer.

E dek ki plan i ava pare ki nou'n fer tou bann diskisyon posibil, *then* avek *sponsor* ki ava an plas nou pou kapab demare. Konbyen letan i pou pran? An se moman mon pa pou kapab donn ou en letan defini. Mersi.

MR SPEAKER

Mersi. Onorab Gabriel.

HON CONRAD GABRIEL

Mersi Mr Chair. *Welcome* Minis ek ou delegasyon. Minister mon premye pwen se ki Pointe Larue i en distrik kot premyerman i ganny servi, bann dimoun i debark kot nou e pou ale osi zot al kot, servi menm fasilite avyon.

So mon ti a kontan konnen petet ki zot annan pour asir kominote Pointe Larue ki zot pou gard sa landrwa *safe, contain* li? Akoz i annan rapor nou'n vwar, i annan touris pe marse *without their mask*. Zis donn nou lasirans akoz i annan *out there* pe viv dan lensertitid.

Donn zot sa lasirans ki zot pou met tou regilasyon an plas, pou kapab *contained* sa sityasyon, *in the eventuality* ki annan en *community spread*. Sa mon premye pwen.

Ou'n tous en pti pe zafer sant izolasyon. Zis Minis, vi ki lafrontyer in ouver e ti annan bann lotel zot pe servi pou *cater* pou bann touris ki pe vini.

Petet ki solisyon imedya zot annan la, pour ouver sa bann landrwa ek sa bann lotel konmsi donn zot, zot space pou kapab touris vini?

A dot mo mon trwazyenm pwen Minis mon ti a kontan elabor en pti pe sa pwen. Ti annan en letan ti annan bann *spaying* dan distrik. Dan distrik ti annan bann lanfaz ki ti mete

pou kontrol en pe *dengue fever*, bann *spread*, bann *disease*.

Tou dernyerman mon vwar zot, zot in tenir en pe lo la. So mon ti a kontan zis gete dan sa Bidze la ki zot annan pou zafer *spray* dan distrik li menm. Elimin en pe moustik, bann keksoz koumsa apre bann lezot pes, *rodents* bann zafer en pe kot *bin site* osi.

Apre zot zafer lenspeksyon lo bato. Ler bato i vini son *before docking*. Eski i ankor pe marse? Eski i ankor an plas sa sistenm? Mersi

MR SPEAKER

Mersi bann Manm annou sey gard limit trwa pwen. Akoz i annan en kantite Manm ki pou demann kestyon e bann kestyon pou remonte apre. Mersi Minis. Wi.

MINISTER PEGGY VIDOT

Mersi Mr Chair. Mersi Onorab. Mr Chair mon ti a kontan pran sa kestyon, regard Pointe Larue koman annan sa *safeguard* e sa landrwa *safety* pou Pointe Larue. An relasyon avek *Airport* avek *spaying* ek bato, e tou sa. Anba *Public Health Authority* si ou permet. Akoz sa i pli lye avek *Public Health Authority* ki swen Lazans Swen Lasante.

Me pou lotel, an vi ki ou'n demann mwan ki sa ki nou pe

fer, pou nou donn lotel son *space* pou li kapab pran son touris.

Nou ankor pe servi ziska ozordi *Avani* ki pa ankor dir nou poudir zot bezwen zot lotel pou fer sa, pour zot komans rann sa servis.

Me nou ankor an diskisyon, avek, avek Berjaya ki ziska prezan zot pa ti pe sarz nou par lasanm, zot ti pe sarz nou zot pou bann *utilities*.

E nou pe vwar koman sa pou pe deroule. Nou ankor an diskisyon e bann diskisyon pe ganny zere par, par koman dir Finans. Nou annan osi Praslin ki nou ti pe ganny ede avek en lotel e zot, zot in deside poudir zot pou pe bezwen ganny zot lotel *back*.

E nou annan an plas landrwa parey ki nou ti servi oparavan parey *Pension House*. So i annan keksoz ki nou pe met an plas. Me ziska prezan pour bann gran lotel zis *Berjaya* avek *Indian Ocean Island Lodge* Praslin ki'n dir nou poudir zot pe rebran.

Me solman nou satisfè ki nou annan sifizaman plas pou nou kapab servi pou izolasyon pou le moman. Mersi.

MR SPEAKER

Mersi. Onorab nou a rezerv ou bann lezot pwen pou *Public*

Health Authority. Onorab Roucou Michel.

HON MICHEL ROUCOU

Mersi Mr Chair. *Welcome panel*. Minis mon osi mon anvi donn ou de mo lankourazman. Sorti kot zabitan Mont Fleuri e mon konnen poudir Sesel antye osi tou zot apresye bann travay ki zot pe fer pour nou Nasyon. Pour vi ki nou dan sa problemm lepidemi la.

E Minis mwan osi dan mon distrik i annan en bokou bann travay, bann travayer lasante ki reste Mont Fleuri e mon osi mon anvi tir mon sapo akoz mon le dir zot poudir zot bann ero, zot pe fer louvraz ki bokou pa ti a voudre pe fer dan sa bann letan la. Mersi.

Minis mon premye kestyon ki mon pou demann ou, i annan bokou bann travayer *expatriate* ki'n natiralize Sesel. Mon pe gete eski zot ankor *still* annan, bann ki'n natiralize eski zot ankor *still* lo sa *package* ki bann dokter i vini i gannyen?

Mon dezyenm kestyon i kote lenfrastruktir. Pour vi ki Klinik Corgat Estate sa landrwa kot si en dimoun i annan sa, i ganny sa problemm *COVID* i vini.

Nou annan en pti pe bann problemm enfrastruktir laba an

term koule. Mon byen apresye ki *aircon* in ganny sanze dan lasanm kot dokter i konsilte bann pasyan.

Aprè nou annan sa problemn kot i annan sa miray ki vir avek *bus stop* pou desann anvil. Sa osi pe tonbe, mon pa anvi ki demen okenn dimoun i ganny afekte ki lasante i vwar zot dan en difikilte.

Mon trwazyenm kestyon Minis i lo kote sa *cleaning*, bann *cleaner* ki netway klinik la en bann lopital, eski Minister i annan plan pou zot abzorb sa, sa departman pou fer zot vin en sel avek ou Minister? Mersi.

MR SPEAKER

Mersi. *Panel?* Wi, lev lanmen letan ou pou reponn. *Yes DG.*

DG/HR MAYROSE BONIFACE

Mersi Onorab pou ou kestyon. Pour reponn ou kestyon sa ki mon kapab konfirman se ki *expatriates* letan zot ganny anploye zot, kot i konsern zot *salary package*, byensir i parey pou en Seselwa la nou pe konsern *basic salary*.

Me zot annan lezot *allowances* ki zot ti gannye ki ti diferan. *Once* ki zot natitalize otomatikman zot antre lo sa *package* ki Seselwa i gannye. E kot i konsern *accommodation* sa osi tou zot pey zot *own*

accommodation. Nou pa donn zot *accommodation for free*. Mersi pou ou kestyon.

MR SPEAKER

Mersi *DG*. *Yes*, Dr Louange wi.

CEO DR DANNY LOUANGE

Mersi Mr Chair. Lo kote lenfrastruktir Mont Fleuri, Sant Lasante Corgat Estate, wi nou, nou realize ki annan bann keksoz ki nou bezwen aranze. E mersi pou fer monte sa pwen osi lo kote miray.

Nou pe kontinyelman fer, fer sir ki nou bann fasilite i *safe* e konvenab pou nou *staff* avek pou nou bann pasyan. Mersi pour *share* sa avek nou.

MR SPEAKER

Wi Minis?

MINISTER PEGGY VIDOT

Mersi Onorab pour ou kestyon e mersi pou ou sipor. Onorab pou sa lannen nou pou kontinyen avek *cleaners* anba ki nou pe pran avek *Cleaners Corporative*.

E i pa dan plan e nou pou napa i pa dan Bidze pou aranze pou sa lannen. Me nou pe evalye tou bann servis ki nou'n *outsource* koman pe fer, koman pe ale,. Ki sa ki nou pe ganny bon servis avek. Ki sa ki nou krwar fodre sanze. E, me

selman pou la pou lemoman nou pe reste avek *Cleaners Cooperative*.

MR SPEAKER

Mersi. Wi Onorab, nou a gard dezyenm *round* pou klarifikasyon silvouple. Wi.

HON MICHEL ROUCOU

Dokter zis mon anvi zis dir ou konmsi pli vit posibil ki zot kapab fer get sa miray, aköz petet i annan dimoun ki pa pe remarke zot kapab vini apiy avek. E si i tonbe i kapab ganny en dimal en. Mersi.

MR SPEAKER

Mersi. *Panel* in note, mon asire. Nou ava al lo Onorab Porice.

HON DOYACE PORICE

Mersi Chair. Bonzour Minis avek ou delegasyon. Bonzour mon bann koleg *MNAs*. Minis eski dan ou Bidze ou'n prevwar renovasyon Lopital Baie Ste Anne? Kan eski travay pou komanse? Konbyen i pou kout ou Minister?

Parey nou konnen ti annan klinik dan bann sou distrik, parey sa enn Anse La Blague, Baie Ste Anne Praslin. Eski dan ou Bidze zot pou remet anmars sa klinik?

Regarding bann spesyalis ki vin lo Praslin. Eski zot pe

revwar konsernan zot reste *overnight*? Aköz ler zot vin bomaten zot annan bokou retar? E nou bann dimoun i asiz en ta letan pou espere.

En pti bout Minis konsernan *PCR test* pou bann etranze. Kot zot pe fer bann tes ziska 11er bomaten. Si i ti posibil pou zot pous li en pti pe li tar aköz i en lenkonvenyans pou bann touris ki vin Praslin. Mersi.

MR SPEAKER

Mersi. Wi *panel*? Yes Dr Louange.

CEO DR DANNY LOUANGE

Mersi Mr Chair. Mersi Onorab pou ou kestyon. Lo kote renovasyon Baie Ste Anne Lopital Baie Ste Anne. Wi nou ti annan plan, menm lannen 2019 apre nou'n kontinyen 2020.

E nou ankor annan plan pour, refer en pe travay. I annan en pe *painting* apre son plafon osi, i annan detrwa landrwa ki nou bezwen re refer.

Dan si ou regard la dan Bidze nou *PSIP*, napa en sonm ki'n ganny *allocate*. Me nou annan provizyon pou nou kapab *vire*, aköz sa i enn nou bann priyorite. Aköz kondisyon lopital i pa konvenab pou nou,

pou nou delivre en servis lasante.

Me zis pou an bref pou dir ou aköz i pa'n arive i aköz nou'n deza fer de *tender*. E sa de *tender* nou'n bezwen kennsel aköz enn ti tro o, enn ti tro ba.

E nou'n kontinyen pe travay avek tou bann *stakeholdres* pou nou kapab *expedite* sa proze. Me malerezman avek *COVID* osi in *delay* sa proze. Sanmenm sa ki aprezan nou'n bezwen rekonmanse sa *tender process* pou nou kapab fer sir ki sa lannen nou *renovate* Baie StE Anne Hospital. Mersi.

MR SPEAKER

Wi Minis.

MINISTER PEGGY VIDOT

Mersi Onorab pou ou kestyon. Lo kestyon eski nou pou revwar, me rekomans bann klinik dan bann sou distrik dan sa lannen?

Pou sa lannen nou pa pou rekomans bann klinik dan bann sou distrik. Me sa ki nou pe fer, nou pou pe analize, evalye bezwen Praslin an antye. E fer sir ki dan nou program lannen prosenn, priyorite.

Si nou vwar poudir sou distrik i vin en priyorite i ava ladan. Me si i pou annan lezot priyorite ki nou ava diskite avek

dimoun Praslin e tou, nou ava plito pran Bidze met kot i annan plis priyorite. So pou sa lannen i pa pou ladan.

Si nou kapab fer nou spesyalis reste de zour, ou sinon zis en zour, nou ava vwar ki meyer fason pou fer li. Si i bezwen reste de zour, osi non i bezwen vin pli souvan, nou ava regarde e nou ava fer meyer fason ki pou fer sir ki dimoun Praslin i pa ganny enkonvenyans, e i pa atann tro lontan avan i vwar en spesyalis.

Lo kote kot ou dir mwan PCR pe koz en serten lenkonvenyans. Nou ava regarde, nou'n note e nou ava fer nou mye pou nou aranze pou retir okenn lenkonvenyans ki annan, swa pour touris, swa pou popilasyon ki pe vin dan klinik. Mersi.

MR SPEAKER

Mersi Minis. Wi Onorab.

HON DOYACE PORICE

Mersi pou repons. Mon felisit zot Minis avek ou lekip pour sa bann bon travay ki zot pe fer. Mersi.

MR SPEAKER

Mersi. Onorab Vidot.

HON AUDREY VIDOT

Bonzour. Bonzour Mr Chair Minis ek delegasyon tou Manm Onorab. e tou dimoun ki a lekout.

Minis ou Minister avek bann lezot lazans in toultan resevwar en Bidze ki bokou pli o ki lezot bann, lezot group Lazans Gouvernman e bann departman.

Akoz i responsab byensir pou asire ki personn pa ganny kit deryer. E ki nou bann dimoun i ganny en bon swen e servis i ariv de pres avek zot. Alors i enportan ki nou bann serviter Lepep, nou pas zot bann konsern e bann defi.

Me toudmenm nou apresye travay ki bann, zofisyè lasante pe fer pou zot kapab byensir okip nou bann dimoun.

Mon kestyon pou *Health Care Agency* i koumsa, ki lasirans ki zot pe donn, pe donn nou pep, ki zot pe vreman rikord tou bann, rikord bann rapor ek tou bann ka lanmor ek *COVID*?

Eksplik nou byen mannyer ki zot pe administre sa bann tes. E rapor lo bann dimoun ki pe mor avek *COVID*. Akoz i annan konsern, ki mwens *contact tracing* pe ganny fer pou rezon, swa sant i plen, oubyen akoz i pe kout larzan.

Bann sif pa korek, akoz pa neserman bann ka *COVID*

pe ganny *rule out*. Pe konsantre plis lo bann ki pe mor ek lezot maladi.

Alors donn nou en leklersisman pou adres sa bann konsern ki piblik i annan. E pou asire ki nou bann dimoun pa perdi okenn, okenn *faith* dan nou sistenm lasante ki nou'n investir en kantite ladan. Atraver bann, nou ansyen ladministrasyon. Mersi.

MR SPEAKER

Mersi Onorab. Yes, CEO wi.

CEO DR DANNY LOUANGE

Mersi Mr. Mersi Mr Chair. Mersi Onorab pou ou kestyon mon krwar ki i relevan. Lo kote bann lanmor, bann dimoun ki nou'n perdi avek *COVID*. I annan en gid ki nou'n devlope e baze lo bann lo bann kriter, bann en gid ki nou'n adopte avek *WHO*, *CDC* bann Lazans enternasyonal.

Pou gid nou ki mannyer, pou gid nou pou deside lekel pasyan ki nou pou konsider ki'n mor avek *COVID*, e lekel pasyan. Akoz par egzanp en si en dimoun in pozitiv, in ganny aksidan i pa neserman in mor avek *COVID*.

I sa bann difikilte ki nou annan dan bann klinik dan bann desizyon klinik ki nou bezwen fer. Me i kler la ki nou

annan sa gid e nou annan en tim ki fer bann, bann *assessment* letan en pasyan in mor, si in teste *COVID* menm avan in mor, si in teste *COVID* oubyen si apre ki'n mor in teste *COVID* dan son *postmortem* peryod nou fer en *assessment*.

E sa *assessment* i pa bann spesyalis pou decide si nou pou deklare, rikorde sa pasyan in mor avek *COVID* oubyen non.

E tou sa bann dokimantasyon nou annan, e nou pe kontinyen met zot azour. E nou napa, e i pa en kestyon ki nou pou, nou pe kasyet. Akoz i pran en pe letan pou fer sa, sa analiz. E nou bezwen get tou sa *pictures*. Son *clinical picture* e tou pou nou kapab met ansanm.

Mon a pas laparol avek Minis pou kontinyen.

MR SPEAKER

Mersi. Wi Minis.

MINISTER PEGGY VIDOT

Onorab mersi pou ou kestyon. E mon ti a kontan donn ou lasirans ki *contact tracing* pe ganny fer. I enn bann pilye dan nou stratezi pou nou kapab arive aret transmisyon *COVID*, se teste, fer kontak, izole e fer *contact tracing*. *Contact tracing* i gran e nou vwar nou pli an plis

nou bezwen plis dimoun. Pou sa rezon nou ganny *help*, nou ganny lasistans avek *Red Cross*, nou ganny lasistans avek *NDS* ki'n donn nou en bon pe zot bann dimoun pou nou fer *contact tracing*.

An se moman nou annan, (konbyen 6?) 10 sorti kot *NDS*, nou annan 6 sorti kot *Red Cross* e nou annan bann *staff* par egzanzp. *Staff* dantis ki pa pe fer gran travay dan danter e bokou bann sanniter e tou sa bann dimoun ansanm avek sa *unit* ki sirvey maladi pe fer *contact tracing*.

I en prose ki kapab lant akoz annandler en sel dimoun i ava annan li kekfwa 90 kontak, dan sa peryod. Alor i pran en pti pe letan.

Me nou kapab asir ou poudir i pe ganny fer, e bann dimoun ki vwar ki ler zot in fer zot nivo *risk assessment*, ki zot ganny klasifye koman o risk. Zot ganny fer zot tes.

Pa toultan ki tes i bezwen ganny fer zour zot ganny kontakte, akoz si nou fer li pli boner i pa pou montre nou en portre ki neserman vre. Nou bezwen atann sa letan kot nou krwar si sa dimoun in ganny sa viris, ki la i pe montre i pou donn nou en tes ki pozitiv.

Alor menm si nou kontakte ou ozordi pou dir ou

en kontak ou bezwen reste an karantenn, kekwfa ou tes pa pou fer ziska 7enm, 8enm zour.

Me selman nou kapab asir ou, Sesel i enn bann pei ki pe fer sir e i ki kontak i ganny *trace*, kontak i ganny teste. E kontak i ganny karantenn depandan lo zot risk.

E tou nou bann ka, tou nou bann ka pe ganny rikorde. E pou sa rezon kekwfa dimoun souvan i dir ka i o. Me kekwfa enn akoz, dan diferan pei e partou dan lemonn en kantite kontak pa zanmen ganny kontakte, pa zanmen ganny rikorde;- en kantite ka pa zanmen ganny kontakte, pa zanmen ganny rikorde.

Alor nou Sesel koman en pei nou pe montre le vre portre, vre portre ki lezot pei kekwfa pa dan menm lig ki nou. Alor mersi Onorab.

MR SPEAKER

Wi Onorab.

HON AUDREY VIDOT

Mersi. Mersi Minis avek Dr Louange pou ou larepons. Petet zis en pti leklersisman eski zot osi pe, bann tes ki pe ganny rikorde eski bann, bann *private practice* pe osi donn zot bann lenformasyon. Pou zot aziste avek *tally* ki zot Lazans pe fer?

MR SPEAKER

Mersi. Minis wi.

MINISTER PEGGY VIDOT

Wi an se moman i annan zis en, en *private practice* ki pe fer *PCR test*. E wi enn son bann kondisyon se ki i donn nou tou e antre bann soz lo nou detabes pou nou konnen egzakteman konbyen i pe fer, konbyen ki pozitiv, konbyen ki negativ.

Nou annan en lot sant ki pe fer, li i pa pe fer *PCR*. I pe fer *antigen* e osi enn son bann kondisyon ki son rezilta i ganny *shared* avek nou.

I *part of* nou protokol, e si zot pa pe fer li zot kapab pa ganny permisyon pour zot kapab fer sa bann tes.

MR SPEAKER

Mersi Minis. Onorab Bastienne.

HON DESHEILA BASTIENNE

Mersi Mr Chair. Bonzour Mr Chair. Bonzour Minis ek ou delegasyon. Bonzour tou Onorab, tou Onorab e bonzour tou zabitan Perseverance.

Minis eski ou kapab donn zabitan Perseverance, lasirans lo ki prekasyon ki *Health Care Agency* i annan an plas pou asire ki lasante bann zabitan Perseverance i ganny proteze?

Prenon kont ki Lopital Lafanmir in vin en Sant

Izolasyon e tou resaman nou pe tann enn de lanmor an relasyon avek *COVID-19* dan sa lopital. Vi ki osi pour le moman sel sirkilasyon transpor se atraver vilaz menm.

E mon dezyenm keston, dan Perseverance i annan pasyan ki *bed ridden* e osi bann avek dezabilite ki napa, ki pa kapab deplase pou zot ariv kot klinik.

An relasyon ek sa Bidze, eski Minis ou kapab konfirman, si fasilite transpor ek deplasman pou bann travayer avek, pou bann travayer lasante kapab arive al fer vizit dan sa bann distrik lo baz regilye, pou ganny priyotize? Akoz dan lepase vizit kot lakour ti vin difisil avek problemn transpor.

E osi letan bann zofisye lasante pe al fer zot vizit kot dan kominote kot sa bann lakour, eski zot pe fer sir ki zot annan e pe ranforsi lo servi bann *PPEs*? Mersi.

MR SPEAKER

Mersi Onorab. Wi Dr Louange.

CEO DR DANNY LOUANGE

Mersi Mr Chair. Mersi Onorab pou ou keston. Wi lo kote si Minister Lasante i pou, pe protez popilasyon Perseverance protez zot lasante. Akoz, i

annan fasilite izolasyon Perseverance menm, akoz nou'n servi *Family Hospital* pou tret bann pasyan ki annan *COVID* e osi izole zot osi.

Wi letan nou'n servi *Family Hospital* pour tret pasyan ki'n teste pozitiv pou *COVID* sirtou bann pasyan ki zot sentonm i *moderate, severe* avek *critical*.

Nou transfer zot laba. Nou osi transfer bann ki annan bann sentonm *mild* sentonm kot *Coastguard* osi. So osi i dan zanmirant.

Me bann nou annan bann gid nou bann protokol an plas ki i fer ki sa viris i *contained* vedir dan *periphery* savedir deor lopital ou pou napa en risk pou ganny *COVID*.

Me menm transportasyon sa bann pasyan ziskan kot *Family Hospital* kot *Coastguard* osi nou annan bann gid ki fer sir ki sa, viris pa ganny transmet.

Me selman osi fodre ou realize ki i pa sel fasilite izolasyon kot *Family Hospital*. Nou annan bann fasilite izolasyon *Avani, Berjaya* zot osi zot osi zot pe *accommodate* bann dimoun ki pozitiv.

So sa mon asir ou ki nou, nou osi nou konsernen *about* sa e nou fer sir ki napa transmisyon deor sa *bubble* ki

nou'n fer pou protez popilasyon.

Lo kote bann pasyan ki dan kominote ki *bedridden*. Wi nou annan en program pou vizit bann pasyan ki *bedridden*. Nou annan en lalis dimoun ki *bedridden*, nou annan e lalis dimoun ki annan dezabilite, bann dimoun ki pe viv avek dezabilite.

So sa bann, pou sa bann dimoun, pou sa bann pasyan nou vizit zot dan lakour parey ou konnen.

Wi nou annan in annan dan lepase bann defi. E enn bann defi ki ou'n mansyonnen i transpor, lot defi osi i nou bann, nou bann *staff* akoz par ler i annan bann *workload* dan sant ki fer, i afekte sa servis *domiciliary* ki nou donnen.

Nou'n, nou'n travay avek Minis Finans e nou'n *acquire* en pe plis transpor al *towards* lafen, lafen 2020. E nou ankor pe kontinyen travay ek Minis Finans pou nou kapab ranplas nou bann transpor ki nou bezwen *write-off* e rod fason pour nou kapab met plis transpor an plas. Pou nou kapab delivre sa servis *effectively*.

Nou ankor pe kontinyen travay in amelyor en kantite nou bann, nou bann vizit. Pour lemoman la avek *COVID*, avek

nou bann *deployment*, nou bann *staff* in afekte en pe sa servis. Me nou okouran e nou'n fer bann fason parey nou fer bann preskripsyon oubyen si annan *dressing* pou fer sa bann servis priyorite ki nou a pe donn sa bann pasyan pou lemoman.

Me wi mersi pou ou kestyon. Mon krwar mon'n nabou adres ou kestyon. Mersi.

MR SPEAKER

Wi Minis, ou le azoute.

MINISTER PEGGY VIDOT

Mersi Onorab pou ou kestyon. Onorab mon ti a kontan dir poudir lanfaz, swen lasante i vremen lo prevansyon. Nou pe met li lo prevansyon e anmenn servis pli pre posib avek popilasyon.

So nou kapab asir ou poudir wi, nou annan en pe de i en pe de ekilibre an se moman akoz nou ankor pe *deal* avek *COVID*.

Me sa i nou priyorite, pou nou fer sir ki tou keksoz ki nou kapab fer pou anpes maladi, pou anpes kondisyon dimoun agrave. E donn swen dimoun kot zot bezwen swen e pour ganny fer dan sa koman en priyorite swen lasante. Mersi.

MR SPEAKER

Mersi. Onorab Henrie.

HON GERVAIS HENRIE

Mersi Mr Chair. Bonzour tou dimoun. Mr Chair avan mon komanse mon le zis salye travay tou travayer lasante. Mon krwar zot fer en travay formidab e mon remersye zot pou sa lo non tou bann dimoun Mont Buxton.

Premyerman Mr Chair mon ti ava kontan demann *panel*, partikilyerman PS Finans, an vi ki *Health Care Agency* i ganny *second largest Bidze*. 1.3billion vreman konsekan e enportan.

E letan nou koz *health sector* dan tou pei, i annan en risk tre o kot i konsern koripsyon, pou la senp rezon ki bann *procurements* ouswa *contract management* i annan en kantite risk ki asosye avek sa.

Lekel dalon ki ou pe fer gannyen, ki vites ki ou *procure* avek, son bann *billing system* i konpleks. Me sa risk i la.

Eski ozordi dan sa Bidze ki nou pe donner dan bann Bidze avan, ki bann flag ki'n ganny leve e ki nou koman en Lasanble nou bezwen okouran anmezir ki nou travay avek zot koman en partener enportan? Sa i mon premye kestyon.

Dezyenm kestyon, taler i annan en Manm in koz lo

konfidans piblik, en sistenm lasante ki'n ganny batir. E ozordi repitasyon sa sistenm lasante i an menas aköz nou annan en Lopozisyon ki pe anmenn en kanpanny asarnen, ki pe dir nou poudir i annan lenterferans politik.

Mon anv i ki *panel* i reasir nou, poudir abilite, leksperyans bann profesyonnel lasante ozordi pe ganny respekte, e ki napa politisyen ki pe met en fizi deryer zot latet. Si i le ka zot dir nou. Konmsi zis dir nou laverite ki mwan letan mon vote pou donn zot en Bidze mon konfortab, poudir mon *trust* ou lentegrite koman en profesyonnel. Sa i mon dezyenm pwen.

Trwazyenm, e dernyen Mr Chair. Preski *Health Care Agency* i *procure materials* avek latizann. *Now condoms* ouswa kapot, i en keksoz ki *available* ozordi, dan bann diferan landrwa dimoun i ale, i gannyen pou nanryen. Mon annan en kestyon lo la dan le sans ki, ki kantite larzan *Health Care Agency* i depanse lo la? Mon pe demann sa aköz mon annan en propozisyon mon le fer.

Whatever amount of money, ki Sesel i investir dan aste *condoms* aköz wi lalit kont *HIV AIDS*, *make sex* i en *choix*, *it's pleasure I choose to do it or*

not. E mwan mon ganny *condom* pou nanryen avek Minister Lasante.

Parkont lo lot kote bann zenn fiy ki trouv zot reg tou lemwan e ozordi avek sityasyon ekonomik ki serten fanmir vilnerab. Paran pe bezwen aste *sanitary pads* ki zot servi. Ki posibilite ki Minister Lasante, *Health Care Agency* i komans reflexir ki en poursantaz sa larzan nou aste, e nou fer li *available* pou bann fanmir vilnerab bann zenn fiy.

Dan segonder, pos-segonder en landrwa zot ale zot kapab gannnen. Eski i annan en posibilite ki nou kapab reflexir dan sa direksyon? Sa i mon 3 kontribisyon pou bomaten. Mersi Mr Chair.

MR SPEAKER

Mersi wi Minis. Minis wi.

MINISTER PEGGY VIDOT

Mersi Mr Chair. Mersi Onorab pou ou kestyon. Mon ava pran sa kestyon lo *political interference* an premye. Apre mon ava demann *PS* Finans pou dir nou lo risk koripsyon e *Dr Louange* ava koz lo *procurement of condoms* e larzan ki nou pe *spend* lo la.

Mon kapab dir e asir sa Lasanble, ki depi ki mon'n pran *lead* Minister Lasante an

Novanm 2020. Mon pa'n annan, mon pa'n vwar *political interference*, nou'n respekte tou desizyon profesyonnel, nou demann bann profesyonnel zot konsey, zot zistifikasyon pou zot konsey, e pou donn nou tou, tou lenformasyon ki nou bezwen pou fer en desizyon.

Si demann zistifikasyon i ganny vwar koman lenterferans, pou nou, nou pa vwar li dan sa fason. Si ou dir nou fer en keksoz koumsa, nou bezwen demande. Akoz ki pou annan? Ki lenpak? Ki kwa?

Me mon kapab asir zot poudir nou respekte. Mwan personnelman mon'n travay avek tou sa bann profesyonnel lasante ki dan bann pozisyon kle an se moman.

E mon respekte zot lopinyon, mon demann zot lopinyon lo tou bann pwen ki enportan e nou pa'n vwar okenn lenterferans politik ladan.

Ler ki profesyonnel lasante in bezwen konsey *Cabinet of Ministers* or in bezwen en konsey *Platinum* Komite. Zot in fer li *freely*, zot in ganny demann kestyon, ki zot in reponn e zot rekomandasyon in toultan rekomandasyon *Platinum*, profesyonnel lasante ki'n ganny aksepte.

Alor pou mwan mon pa'n vwar *political interference*. Mon kapab asir ou sa Onorab.

MR SPEAKER

Mersi. *PS* Thesee pou pran avan. Wi, *PS carry on*.

PS DAMIEN THESEE

Mersi Mr Chair e bonzour. Bonzour tou Manm Onorab. Mon krwar ou'n tous le pwen ki annan risk dan Minister Lasante e nou'n fer diskisyon avek zot pou detrwa lannen *basically* pou port atansyon sa bann risk ki annan. E mon krwar *Health Care Agency* i *aware* zot osi.

I annan en *issue* kapasite, e risk la i plizoumwèn lo son *revenue management* ek son bann *inventories*. E sa i en keksoz *across the board* dan Gouvènmàn akòz nou'n tant pou donn lenportans zis avek depans savedir Bidze i vini, depanse, depanse.

Me selman nou pa pe zer, sa lot laspe ki ler ou pe depanse ou pe aste *consumables* ou bezwen zer li byen. So pou lemoman nou konnen lo *procurements of medicines* pa pe neserman ganny fer dapre *procurements rules*.

I ganny fer *internally* dan Minister Lasante kot i annan bann eksper *internal*. So sa i en

keksoz ki nou'n koz ek zot ki zot bezwen ouver li, pou asire ki sa bann *latizann* e bann *consumables medicals* ki nou pe rode, vre nou pe fer li lo en fason transparan. So nou pe fer diskisyon lo la.

I annan *issue capacity* osi tou. Lo *procurement* i en resours oubyen en lekspertiz ki rar dan Gouvènmàn ki pa fasil pou atrakte. So Minister Lasante pe ganny difikilte pou fer li.

E dezyenm risk lo *inventories* se son *stores* osi tou. Savedir fason ki dan Minister Lasante zot zer fason ki nou, zer *inventories* savedir from son *réquisition* from son *order*, from son *storage*, from son fason ki ou distribye avek bann diferan *units*.

Aprè fason ki ou *maintain* ou *level of inventories* pou konnen la in ler pou nou *reorder*. Ler ou'n donn en *unit* serten *inventories* ki serten letan i sipoze servi sa bann *inventories* avan ki i redemann ankor.

I *still* annan bann fason ki nou pe *raise* kestyon ler i pe redemann ankor, avan i sipoze son letan. So sa i en bann risk ki nou, ki nou vwar. E osi lo plizoumwèn ki *manner* zot administre sa.

E osi trwazyenmman son *capital project*. Sa osi dan bann

lannen pase in ganny difikilte pou li kapab egzekite son *capital project even if* son Bidze i lour.

So ankor la i en *issue* kapasite pou li kapab atrakte, bann lekspertiz teknikal pou li kapab *beef up* son bann *unit*. Me solman nou'n depi 2019, nou'n segonn en *internal auditor* kot Minister Lasante pou ede vwar sa bann *gaps* ki zot annan.

Solman depi lannen pase avek *COVID* nou'n bezwen retire. Zot annan, nou'n osi met a en *inventory accountant* ek Minister Lasante. I en pos nouvo dan Gouvernman, so sa *inventory accountant* i sipoze ed zot vwar fason ki zot pe zer zot bann resours ki mannyer zot *issue* bann *stock items* osi. E pou *pinpoint* bann *flags* ki nou annan. Mersi Mr Chair.

MR SPEAKER

Mersi. Wi Dr Louange.

CEO DR DANNY LOUANGE

Mersi Mr Chair. Mersi Onorab pou ou kestyon. Lo kote *condoms* nou napa en sif egzakt. Me ki nou kapab donn ou, i sif pou kontraseptiv. Nou pe depans apepre R1milyon, lo non-*sorry*. Wi apepre R1milyon lo kontraseptiv an antye. Sa bann pilil, *condoms* ek tou son

bann, tou bann lezot, enplant lekipman kontraseptiv.

Wi ou annan, ou'n fer sorti en bon pwen e pou bann dimoun ki vilnerab, sa popilasyon vilnerab parey bann dimoun, bann zenn fiy ki pa le ganny vwar an piblik pou zot al anmas bann eleman kontraseptiv, sa ou'n fer monte en bon pwen.

Nou annan en program *Family Planning* e ti al, e nou annan en program *Family Health Program* ki zer sa. E nou kapab, i en pwen ki'n fer monte, i annan bann aktivite servis ki ... Apre i annan, zis mon ti pe mazine i annan *Youth Health* osi ki nou annan en sant o bor English River Servis Lasante, *center, Health Centre* English River i pre-o bor, sa osi.

Apre zot osi zot annan en fason ki zot al dan bann lekol, dan bann lezot landrwa ki bor bann zenn i frekante. E nou a kontinyen travay nou, nou *welcome* ou pwen e nou a kontinyen travay pou nou kapab kouver plis popilasyon ki vilnerab. Mersi.

MR SPEAKER

Mersi. Onorab Cosgrow.

HON WALLACE COSGROW

Bonzour Mr Chair. Bonzour Minis, bonzour Minis. Bonzour

CEO avek zot delegasyon. Bonzour tou Manm Onorab.

Mr Chair mon pou komans mon lentervansyon par zwenn Onorab Henrie pour sa lenspirasyon ki'n gannyen avek *Scottish Parliament* ki'n fek pas en *Bill* pour donn *free periods product in Scotland*.

Mon *welcome* sa nide e mon osi mon krwar si nou kapab al dan sa laliny ti ava en tre bon linisyativ pou nou pei.

Mr Chair an dizan sa letan *SFRSA*, ti vin dan Lasanble, mon ti koz lo zafer servis lanbilans. Mon en dimoun ki fermeman krwar ki servis lanbilans i devret dan en servis *emergency services*. Pa neserman atase avek lopital. *Well* sa i mon pwennvi.

An dizan sa mon vwar R5milyon dan Bidze pour *purchase of ambulances*. Eski zot kapab dir nou ki *status* sa bann lanbilans ki nou ti ganny donasyon avek Gouvernman Lenn? Eski zot pe marse? Eski zot pa pe marse? Akoz aparaman zot pa neserman la kot zot ti ete kot lopital.

Dezyenm, mon le koz en pti pe lo *procurement of services*. E la i enkli par egzanz bann servis ki zot *procure selective bidding* anba R150mil. Ki mannyer zot tret par egzanz par egzanz bann dimoun ki *bid*,

ki zot kapab fer bann *selective bidding*, ki *bid* pou en serten pri apre ler i donn servis i annan *additional cost* ki vin avek?

Eski zot *strictly adhere* to sa ki *Procurement Laws* i dir. Ouswa i annan bann varyasyon ki ganny fer baze lo sa? E ler mon pe koz lo *procurement of services* osi mon pe mazin, *food ration* dan Bidze ki R7milyon.

Mon prezimen sa i pou bann manze ki pou bann pasyan, avek travayer lasante ler zot pe travay e pasyan lo *ward*. Me parkont nou annan en lakwizin North East Point kot pa pe ganny itilize.

Petet, petet la dan sa ka *COVID* la pou nou annan serten protokol North East Point pou anpes dimoun ale vini, petet sa lakwizin ti a kapab ganny servi. E redwir en pti pe lo nou *cost of food and ration*.

Trwazyenm i konsernan, zot *Localization Plan*. Dr Louange in koz en pe lo la. In koz longman lo la, mon ti le zis anvi antre dan en pti bout en pe pli detaye konsernan *biomedical*.

Mon konnen zot annan en etranze ki laba *biomedical* pou apepre, pou preski 10an si pa plis ki 10an. Ki zot pe fer petet pour, akoz i annan en pe Seselwa dan sa *area*, ki petet kapab *take over*. Ki zot pe fer

pou *localized* sa bann pos dan *biomedical*? Mersi bokou.

MR SPEAKER

Mersi. Wi Minis.

MINISTER PEGGY VIDOT

Mersi Onorab pou ou kestyon. Mon ava reponn lo kestyon lo lakwizin ki nou plan ladan. Apre lo kestyon *localization* e apre nou a demann dokter, CEO pou li kapab reponn lo ki nou pe fer lo zafer *selective bidding*. Avek servis lanbilans konbyen ki marse.

An term lakwizin, an se moman nou pe aste tou manze parey ou dir i korek ki nou annan lakwizin North East Point. Nou ti annan osi en lakwizin kot Lopital Victoria. E tou lede sa de lakwizin ti byen ekipe. Ti annan tou sa ki nou ti bezwen pou nou kapab prepar manze pasyan, prepar manze pasyan lafason ki i bezwen prepare e kalite manze.

Me ler, nou'n deside pou nou *outsource* malerezman nou pa'n gard sa bann lakwizin fonksyonnel. E la pou nou kapab refer sa i pou kout nou en kantite an term dan en, en soz en *capital investment* pou nou al met sa de lakwizin operasyonnel.

Me nou pou fer en travay ki pou regarde eski i vo lapenn

fer sa kalite investisman, pou nou kapab ganny en meyer servis? E sa i pou en travay ki nou pou bezwen fer avan nou kapab pran en desizyon. Ler nou ava vwar ki sa ki pou pli *cost effective*, ki sa ki pe anmenn plis benefis e *better outcome*, then nou ava pran desizyon baze lo la.

Me pou le moman pou nou zis antre ladan i pa posib aköz nou vreman, nou annan en striktir ki apel en lakwizin, me nou napa en striktir ki fonksyonnel koman en lakwizin. E sa i pou *both* North East Point ek Lopital Victoria.

An term *Localization Plan* parey dokter in dir *earlier* nou pe regard, nou pe gard an antye. Ki kote kot dokter, kote kot ners, kote kot *Biomedical* e tou. Nou annan an se moman o mwens de dimoun ki'n *trained* dan *biomedical* Seselwa a sa enzenyer avek konpetans enzenyer. E nou pe regarde koman zot pou pe ale, i pa pou zis en kestyon *once* ou'n vin sa, ou kapab otomatikman pran laspe zesyon.

I tousala nou pe regarde ansanm. Me nou kapab dir pour lemoman *biomedical* i en servis ki, ki, ki vreman ganny byen zere, pe byen, i byen marse e ki i tou nou bann, mazorite letan koman nou

ganny en *breakdown* i ganny adrese ase vit.

Me selman koman plan, koman par nou *Localization Plan* tou, tou servis i pou ganny vwar. Mersi.

MR SPEAKER

Mersi. Yes Dr Louange.

CEO DR DANNY LOUANGE

Mersi Mr Chair. Mersi Onorab pou ou keston. Lo kote lanbilans, wi nou'n resaman ganny bann lanbilans koman donasyon. Dan dernyen 3an nou'n ganny nou 14 lanbilans, 10 *Tata* avek Gouvernman Lenn, pre 2 avek en *donor* ki baze isi Sesel, avek en lot de ki nou'n fek gannyen osi en *donor* ki baze isi Sesel .

Pour sa bann *Tata*, wi nou ti pe ganny problem avek zot masin. Kot zot pa ti kapab mont bann montanny, fer bann mont zot pa ti kapab *cope* avek nou teren *at* en *speed* ki nou, nou ti bezwen koman en lanbilans.

Pour en servis lanbilans. Me parkont la avek, avek bann dan sityasyon *COVID* letan nou bezwen transfer bann pasyan, depi sorti dan lakour pou al dan bann sant izolasyon, oubyen ant lopital. Nou'n vwar ki sa i pe servi nou byen.

Sa bann lanbilans pe servi nou byen, aköz zot pa bezwen al

en vites koman en *emergency*. So nou pe servi zot pour sa bann, pour sa bann aktivite.

Apré nou annan de lezot ki nou'n met dan nou *fleet*, ki pe ed nou nou'n met zot santral. Apré i annan de ki'n fek arive nou ankor dan prosedir rezistrasyon pour avan met zot lo semen.

Me nou, nou annan en *fleet* lanbilans ki bezwen kan ranplase osi aköz i annan bann sirtou nou vwar bann *Toyota*, bann *minibus Toyota high roof* zot pli solid e zot en pe pli dirab. Ti annan bann donasyon ki nou'n gannyen e bann ki nou ti aste ki zot in *manufactured La Chine* e plizyer lezot landrwa e i pa ti e i pa'n *last* lontan.

Me nou vwar bann *Toyota* i mars byen pou nou. E sa nou pe sey *standardized* nou bann *fleet* ki nou pou gannyen. Si i annan en *donor* ki pou donn nou, nou pe demann, nou pou en pe strik lo sa ki nou, nou bezwen.

E sanmenm sa ki i annan sa 5milyon dan nou *budget* pou nou kapab *procure* plis lanbilans, pou nou kapab deservi sa *emergency* demann ki nou annan lo Mahé, Praslin ek La Digue.

Lo kote *tender* pour bann *supplies* e menm bann travay par lao, par anba 150mil. Wi

nou annan bann prosedir an plas e nou servi sa ki i dir dan *Procurement Act* e menm regilasyon, nou en pe strik lo la. Nou strik lo la. Nou'n menm angaz nou *Procurement Unit*.

I annan en *staff* dan *Procurement Unit* ki osi ed nou lo bann *tender*, konmkwa ki nou diriz sa laspe *tender from project management* nou ava plis dan *procurement* ki nou annan plis kontrol.

E nou'n travay osi pre avek *Procurement Oversight Unit* letan nou annan *kestyon* letan parey i annan bann *appeals* oubyen i annan *additional work* pou fer e nou *lease* avek *procurement* pou gid nou ki manner nou pou zer li. Mon krwar i pe mars byen. E nou annan plis kontrol lo la. Mersi Onorab. Mersi Mr Chair.

MR SPEAKER

Wi klarifikasyon Onorab.

HON WALLACE COSGROW

Yes, Mr Chair. Mersi bokou, zis en pti klarifikasyon avek Minis konsernan lakwizin la. Mon pa ti pe demann pou nou refer, konmsi retourn lakwizin Lopital Victoria mwan. Mon ti pe zis dir sa enn North East Point vi ki nou dan en sityasyon *COVID* la, pou nou sey kree en *bubble* anndan ki dimoun pa ale vini.

Konmsi nou kapab *secure* sa landrwa, servi lakwizin tanporerman touzour.

MR SPEAKER

Mersi.

HON WALLACE COSGROW

Konmsi *not for*, petet pa pour *long-term*. Apre dernyen mon ti a zis kontan dir *CEO* zis pou met en pti lizye an plis lo sa zafer *procurement*, silvouple. Mersi.

MR SPEAKER

Mersi. Minis eski ou annan en mo pou adres sa pwen? Wi.

MINISTER PEGGY VIDOT

Zis poudir Onorab, pou dir lakwizin i pa dan en *state* ki nou pou kapab prepar manze la, an se moman. E sa i pou en konsern. Mersi.

MR SPEAKER

Mersi. Nou a pran en poz la, e nou a rezwenn 11er 05. Mersi

(BREAK)

HEALTH CARE AGENCY
(Cont)

MR SPEAKER

Onorab Adelaide. Ou annan laparol.

HON FRANCOIS ADELAIDE

Mersi Mr Chair. Bonzour Minis avek ou delegasyon. Bonzour tou dimoun. Minis ouswa *panel* petet zot, mon kestyon i pou lo sa proze dan *PSIP* nouvo klinik Baie Lazare. Petet mon pou demann zot akoz ki pandan sa 3an lannen pase ki Bidze ti'n ganny mete e sa klinik pa'n zanmen abouti?

E petet la, avek sa prononsman ki Prezidan in fer ki nou sipoze ganny en *sponsor* pou fer en nouvo klinik. So ki zistans zot ete avek sa proze? E eski bann zabitan Baie Lazare pour ganny konsilte, anmezir ki sa proze i pe ganny fer? Mersi.

MR SPEAKER

Mersi. Minis wi.

MINISTER PEGGY VIDOT

Mersi Mr Chairman. Mersi Onorab pou ou kestyon. Mon pa kapab reponn akoz i pa'n ganny fer dan sa bann dernyen 3an. Me selman mon konnen ki la pou le moman nou'n demars in al ase lwen. En plan in fini ganny fer i annan en problem avek lanplasman, avek *sewage* ki nou ankor pe diskite avek *land MLUH* pou regarde kote pou mete.

Si nou pe met li lo kote kot klinik i ete, nou pou bezwen bouz sa lakaz gard. Me si nou

pa fer sa nou bezwen met li lo lot kote semen i pe pran en pe plis letan pour zot kapab fer sa kalite diskisyon.

E dek ki sa i a fini, dek ki si ava arive nou a konnen kote nou ete, nou ava dan en pozisyon pou nou komans konsiltasyon. Konsiltasyon lo son *actual building* in ganny fer avek entern avek travayer.

Me selman i annan serten keksoz ankor ki'n bezwen ganny sanze, e ki'n bezwen ganny aranze e dek ki nou pou pare. Wi, nou pou fer konsiltasyon koumsa ki zot ava konnen. Mersi.

MR SPEAKER

Mersi Minis. Onorab Clive Roucou.

HON CLIVE ROUCOU

Mersi Mr Speaker. Bonzour tou koleg Onorab. Bonzour Minis avek ou delegasyon. Bonzour tou dimoun ki a lekout. Mr Speaker pou komanse mon anvi felisit tou mon bann koleg ki travay dan Minister Lasante e sa i enkli Minis osi.

Mr Chairman mon premye kestyon se *programme 2. 'Hospital and specialized services'*. Mon anvi demann Minis, si sa Bidze en pe plis ki R810milyon pou fer provizyon e asire ki tou bann lekipman ki

kot nou apel kot *X-ray Department*.

Sa nou bann masin *X-ray*, masin *MRI* e masin *CT scan*, i fonksyonnel pou tir sa bann *backlog* ki annan? Mannyer mon pe konpran *X-ray machine* zis enn ki marse, *CT scan* enn in kase, *MRI* pa ankor fer *service*. Sa mon premye kestyon.

Mon dezyenm kestyon avek sa gro Bidze en pe plis ki 1.3bilyon, mon pe demann Minis si *Health Care Agency* pe fer okenn evalyasyon lo bann *post dan management* kot mon krwar i vreman *top heavy*?

Zis mon'n fer en kont vitman, mon krwar i annan plis ki 18 dokter dan *Red Roof*. Plis ki 18 a en 20enn ners dan *Red Roof* e *Blue Roof*. Kot mon krwar i annan en kantite *duplication of duties*.

E mon dernyen pwen Minis in koz lo *biomedical engineer*. Mwan mon anvi met en lanfaz, en pledwari avek Minis. Sa i en keksoz ki mon'n koz en kantite lo la dan sizyenm Lasanble e menm dan mon *SONA*.

Minis mon pe enplor ou, pour ou al vwar sa bann dimoun kot *Biomedical Engineer*. Ou! Tou respe pou annan pou Dr Louange, tou dokter respe mon annan pou

miss Boniface. Al vwar zot ou! Sa pa aktyalite ki ete laba. Nou bann Seselwa pe pas en kantite soufrans avek Mr Welly avek Yves Porice. Silvouple vwar zot. Mersi.

MR SPEAKER

Mersi Onorab. Minis.

MINISTER PEGGY VIDOT

Mersi Onorab pou ou kestyon. Mon ava komans avek lekipman. Ki ou demann nou si Bidze pou kapab soutenir kou pou *MRI* avek tou bann fasilite *radiologie*. I annan zis en *X-ray machine* ki dan *X-ray*, dan sa sant an se moman, vre ki marse.

Me lot *X-ray machine* ki ti Anse Royale ki pa ganny servi in fini pe ganny transfer dan sa landrwa. E nou pe ganny *sparcs* pou aranz sa trwazyenm.

I menm keksoz avek *scan* akoz i annan gran, gran morso lekipman ki kout en kantite ki bezwen ganny servi pou rode, pou aranz li. E ankor sa mon konpran pou pe arive dan en semenn ou de.

MRI i wi i pa'n ganny servi diferan letan e sa i fer i afekte son fonksyonman. Mon'n ganny dir pou dir pa'n, sa pa'n ganny fer akoz rezon *COVID* lannen pase. Bann enzenyer ki

sipoze vini pa'n kapab vini avek *lockdown* dan diferan pei.

Me selman i annan en, en program ki zot an kontak direk avek sa bann enzenyer, e ki keksoz i ganny fer e serten dyagnostik an term ki sa ki pa marse, ki sa ki fodre fer, i ganny fer a sak fwa ki sa bann problem ki arive.

Ki fer ki nou pa'n manke servis avek *MRI*, me selman nou konnen e ki i pa a la oter ki nou ti a kontan i ete. Me tou bann keksoz posib akoz an se moman sa enzenyer, enzenyer ki fer sa *MRI* pou nou i baze *Maurice*. E pour sa rezon ki pandan sa bann diferan letan i pa pe kapab vini. Nou pa'n kapab ganny enzenyer ki ti a kapab sorti an *Germany* akoz zot, zot in fini plas sa. Nou, nou tonm anba rezyon ki *Maurice* i deservi.

So sa i pour *X-ray*, i pou *radiologie*. Alor pou le moman nou kapab, nou kapab rann sa servis ki nou bezwen ler lo kote *X-ray, scan or MRI*.

Ou'n demann mwan - enplor mwan pou regard *Biomedical*. Mon pa'n zwenn bann dimoun ki travay *Biomedical*, me mon kapab asir ou ki mon ava kapab fer sa. Me selman mon okouran, serten keksoz ki'n ganny dir avek

mwan lo bann problem ki annan laba.

I annan le de kote, kekfwa fodre nou ekoute. I annan keksoz osi par egzanp nou pa kapab soutire ki si ou pa pe travay, si ou annan en letan lib ki ou pas ou letan, zwe kart lo *computer or* ou regard film lo *computer* pandan ler travay.

So i annan de keksoz ki nou kapab vwar ki nou kapab. Me selman parey ou'n dir mon a fer letan pou man vwar zot e pou mwan konpran problem pli gran koman i ete. *Ok?*

Pou problem eski nou'n fer en analiz laspe ki kantite profesyonnel nou annan dan bann *post management?* Nou pa ankor fer en tel letid, me selman an mezir ki nou pe al *move* dan en lot *strategic period planning*, tousala i ava ganny pran ladan.

An menm tan ki kalite striktir ki nou bezwen, pour nou *mieux* deservi swen, i non Lazans Swen Lasante e Minister an antye.

Me sa travay i ava ganny fer sa lannen. *Ok*. So nou ava vwar si nou panse ki i annan tro, ki parey ou dir i *top heavy*, *then* nou ava koupe. Si nou panse poudir i sifi, me nou bezwen plis, anplifye plis fonksyon, nou ava fer li. Sa ki

ava nesese pou fer nou ava fer Onorab. Mersi.

MR SPEAKER

Mersi. Onorab Gill.

HON CHURCHILL GILL

Mersi Mr Chair. Bonzour Minis. Bonzour tou Manm. Mon premye kestyon i konsernan *chartered flights Air Seychelles*. I annan gran konsern Praslin kot i annan lenkyetid ki ler, ler i annan *emergencies* i en pe konsernen pou ganny avyon *chartered flights*.

E rezon se, son pri i ase o enn, apre de i annan konsern ki annan *outstanding Air Seychelles* e sa pe koz en pe difikilte.

Alors *CEO* mon met sa devan pou eklersi pou benefis bann pasyan Praslin pou zot asire ki, pou zot ganny en konpran byen ki mannyer portre i ete.

Mon dezyenm kestyon, vi ki nou'n ouver lafrontyer parey nou tou nou konnen bokou touris pe, pe vin Sesel, e lo kote *Air Seychelles* Praslin i annan konsern, ki i annan en pe ka *COVID* ki pe ganny rikorde.

E si ou kapab donn nou en portre akoz i annan bokou Seselwa osi ki pe kontinyen servi *Airport* Praslin e an menm tan bann kliyan pe servi. Me

selman nou osi konpran ki i annan 8 *staff Air Seychelles* ki dan karantenn *as we speak*.

Si petet *CEO* ou kapab donn nou en pe leklersisman? An menm tan donn garanti ki bann servis pou kontinyen, e nou pou kapab kontinyen ale pran nou *flight* pou nou fer nou bann travay toulezour.

Apre mon trwazyenm pwen, mon'n tann ou dir dan *PSIP*, napa nanryen ki'n mete pour Lopital Baie Ste Anne. I tre dezapwentan akoz dan '*capital expenditure*' i annan R300milyon ki mon vwar in mete.

Me selman i domaz ki i napa nanryen pou Baie Ste Anne akoz par ler, si tou le-z-an nou pa met en pe. Ler nou komans *overlap* apre i retournen, i vin en *challenge* pou nou.

E si la i pa'n le ka. Eski nou kapab ganny garanti ki lannen prosenn, *at least* serten keksoz i ganny mete dan Bidze? Akoz parey ou konnen nou ti fer vizit Desanm, nou ti vwar sityasyon Lopital Baie Ste Anne ki demande annan serten travay ganny fer lo la. Mersi.

MR SPEAKER

Mersi Onorab. Wi Minis.

MINISTER PEGGY VIDOT

Mersi Onorab pou ou kestyon. Onorab wi, i annan en *cluster* Praslin an se moman. Me selman pou nou ganny plis leklersisman lo la. Konbyen dimoun ki annan? Konbyen ki an karantenn e ki sa ki pe ganny fer pou zer sa sityasyon. Si ou pa ti *mind*, nou ti ava pran sa kestyon apre midi letan *Public Health Authority* i la.

Lopital Praslin. Non nou annan en alokasyon pou sa lannen, *CEO* i fek dir mwan, pou Praslin. Parey ou dir ler nou ti al Praslin nou ti vizite an Desanm, nou'n vwar poudir i annan en gran kantite keksoz. E nou ti krwar sa letan poudir nou ti pou kapab servi larzan ki ti annan la, pou nou toudswit komans, sa bann demars.

Me parey *CEO* taler ti eksplike, ti annan en pe problemm avek bann *bidding* ki ti'n ganny fer dan le, oparavan e ki ti an, zot pa ti pou kapab *proceed*.

Me alor nou kapab donn ou lasirans poudir sa lannen, wi nou pou kontiny, nou pou fer sa louvraz ki bezwen fer. E parey ou dir, mon krwar dan lefitir nou bezwen regarde poudir ki pou sak lannen nou annan en serten sonm ki ganny mete pou *maintenance of building*.

Akoz sa i enn nou bann gran defi e parey nou konnen si nou pa pe fer li sa lannen, lannen prosenn i vin bokou pli ser. So i en keksoz ki nou pe regard osi ladan. Mon ava demann *CEO* pou koz avek ou lo laspe avyon. Si ou pa *mind*.

MR SPEAKER

Wi *CEO*?

CEO DR DANNY LOUANGE

Mersi Mr Chair. Mersi Onorab pou ou kestyon. Zis pou mwan azoute osi en koreksyon mon dir napa *funds* anba renovasyon Baie Ste Anne *Hospital*. Wi i annan, en *fund* ki'n *allocated*. I 1.89milyon, zis pou koriz sa.

Lo kote *chartered flight*, wi letan nou annan, nou travay tre pre avek *Air Seychelles* letan i annan en *emergency* sirtou, nou pran *chartered flight* letan i annan en *emergency*. E letan i annan en *emergency* nou *partner* li *Air Seychelles* zot travay byen avek nou e i annan bon kolaborasyon. E mon pa okouran okenn *delay* si nou annan en *emergency* e nou'n fer li koman en priyorite.

Si i annan en *emergency* ki deor letan ki *Air Seychelles* pou opere, nou pran *Airforce* parey ou konnen e nou travay osi tre pre avek *Airforce*.

I annan en *mechanism* ki nou mete an plas ki, ki pa bezwen lev tou dimoun, i annan zis *key personnel* ki kontakte e sa i ganny *mechanism* in ganny met an plas.

Mersi pour lev sa *issue*. E la mon krwar ou popilasyon Praslin i kapab, reste reasire, ki sa servis nou pou ankor kontinyen donner e nou fer sir ki nou *improve* lo la. Mon krwar mon ava aret la. Mersi.

MR SPEAKER

Wi Onorab, lekel pwen?

HON CHURCHILL GILL

Dernyen pwen. I annan bokou lanfaz ki pozitiv ki mon vwar pe ganny mete lo *NIHSS*. E i annan pa mal manrmay Praslin osi ki pe swiv aktyelman la zot pe fer sa bann *course*.

Me selman an menm tan mon'n vwar ki dan '*challenges*' ki annan serten lekipman ki zot pe ganny difikilte. E mon mazine sa i pou annan en lenpak lo kalite *training* ki pe donner laba.

Alors si ou kapab dir nou si dan sa Bidze, sa lannen i annan provizyon pou kapab adres sa bann problem lekipman pou asire ki sa bann manrmay zot *training* i ganny fer alaoter parey i devret? Mersi.

MR SPEAKER

Wi pa bliye bann *follow-up*, i pou klarifikasyon avek soz en. Wi Minis.

MINISTER PEGGY VIDOT

Zis poudir nou kapab asire ki *training* bann dimoun, zanfan bann etidyan ki *NIHSS* pa ganny afekte par si i annan lekipman. E akoz *NIHSS* lamazorite keksoz ki zot pe servi pou fer sa *training* pou donn sa konpetans, ki sa zanfan i bezwen, i ganny vwar dan zot bann laboratwar osi non keksoz koumsa. Nou kapab asir ou sa Onorab.

MR SPEAKER

Mersi. Onorab William.

HON WAVEN WILLIAM

Mersi Mr Chairman. Bonzour tou piblik ki a lekout. Bonzour Minis avek ou lekip. Mr Chairman mon premye kestyon i konsern sa.

Wi '*curative and prevention services*'. Mon vwar i enn en logmantasyon R11.6milyon. Mon anvi demann avek Minis, swa *panel*, si zot kapab eksplik nou dan sa nouvo lapros, kwa ki nou ekspekte vwar o nivo distrik, sirtou par lefe ki nou konnen poudir i annan sa

logmantasyon dan ka leptospirosis e osi dengue?

So mon anvi konnen, mon vwar dan zot 'strategic priorities', i annan serten lanfaz zot anvi mete. Donn nou en pti, en pti pe leksplikasyon aköz sa dan distrik i vremen enportan.

E dezyenman, mon vwar pou dir anba 'health support services' in annan en rediksyon R16.3milyon e si nou kapab ganny en pti leksplikasyon aköz sa? Si i annan bann lezot sipor zot pe gannyen adisyonnèl, ki nou pa konnen?

E an menm tan mon ti a kontan ki nou al lo bann 'challenges', si mon regarde i annan sa *bullet point 3*. Si zot kapab eksplik en pti pe lo la. Ki zot pe eksplike letan zot in met sa? E an menm tan mon vwar i annan *high cost of utilities*. Mon konnen poudir dan sa Lasanble, senkyenm Lasanble, sizenm Lasanble i annan en leokri.

Mon krwar Lasanble Nasyonal pe *lead by example* vizavi met *photovoltaic* so pou *cut down* zot bann *cost*.

Akoz se sèkter lasante, ledikasyon ki mon kapab dir zot, zot bann *Bill* i vremen o. So ki nou pe mazin fer vizavi sa, pou met *photovoltaic* lo bann klinik dan distrik, osi santral?

E finalman Mr Speaker, mon vwar pou dir, lo kote bann *expatriates*, kwa lankourazman ki nou pe mete dan Lekol *Nursing*, ouswa atraver *careers guidance* pou ankouraz nou bann zenn pou vremen pran sa profesyon dan sèkter medikal?

Akoz mon rekonnèt ki wi nou pa pou kapab ganny san pousan Seselwa. Me letan ou regard depans ki nou bezwen fer, vizavi bann *expatriates* mon vwar li i bokou. So nou bezwen annan en program pou nou kapab *phase-out*. Eski sa i en keksoz ki zot pe travay fortman lo la? Mersi.

MR SPEAKER

Mersi Onorab. Minis wi.

MINISTER PEGGY VIDOT

Mon ava demann dokter Louange pou reponn bann kestyon lo *support services* kantite rediksyon ou sinon ogmantasyon. Me lo kote 'curative and preventive services', ou'n demande Onorab. Ou le konnen ki lanfaz, ki nou pe fer pou met lanfaz lo la.

Parey mon dir, mon'n dir pli boner ki enn, mon bann vre vizyon se pour amelyor servis prevansyon dan lasante, aköz sa i primordyal. Aköz nou pa kapab esper maladi vini aköz i

toultan pli ser pou nou sonnyen.

Alor prevansyon a tou nivo ki i primer, ki i segonder, ki i *tertiaire* i pou prevansyon ki nou pe fer. Prevansyon dan parey koman ou'n dir, redir zensek, retir *rodent* dan kominote pou nou koup lo leptospiroz, pou nou koup lo *dengue*, pou nou koup lo tou maladi.

E sa pou ganny anplifye par bann sanniter dan *Public Health* ki lapremidi kekfwa Dr Gedeon a koz en pe plis lo la.

Me anmenn servis, fer plis bann *screening* pou bann kondisyon ki nou vwar i agrave, dan kominote, dan lopital. Sa i bann keksoz ki bann nou priyorite sa lannen.

An term ou'n demande si nou ti kapab eksplik en pti pe plis lo sa trwazyenm boulet. '*Gaps and in-patient safety and quality of care*'. Nou panse ki nou *quality of care* i pa alaoter ki nou ti a kontan. I annan en kantite keksoz ki i nou realize i pa dezirab.

I komans parey nou tou nou konnen en senp keksoz nou *welcome* dan en Sant Swen Lasante ou sinon dan lopital i pa toultan alaoter. Lafason ki nou koze i pa toultan fason ki nou, nou ti a met li koman sa nivo ki nou ti oule.

Nou kapab al pli lwen lo lafason ki nou delivre nou servis. I pa neserman oter ki nou ti le. Nou enfrastriktir zot in koz lo la poudir i pa alaoter. Koman yer i apele? Keksoz pe kase, nou annan *fungus* partou, kekfwa nou pa pe ganny sa keksoz ki nou bezwen *there and then*.

So i annan en kantite, en kantite *gaps*. I annan ki pou kout nou plis larzan pou nou aranze, i annan ki pa pou kout nou sa gran kantite. Me selman lefor i bezwen ganny fer sa lannen pou nou amelyore.

Se sa en pe bann keksoz ki nou pe vwar koman *gaps* e an term *safety*. Nou bezwen fer sir ki nou pasyan i *safe at all times*. Par egzanp kalite latizann ki nou donn zot ki i *meet* kriter enternasyonal ki nou nou'n adopte.

So i bann keksoz koumsa ki nou pe regard plis, bann latizann ek bann *supplies* ki nou pe enporte, i *meet* sa standar. Ki nou fer *quality assurance* lo nou latizann, nou fer *quality assurance* lo lafason ki nou steriliz keksoz. So i sa bann program ki nou pe met an plas.

Pou nou vwar si nou kapab redwir lo nou kantite *expatriates*. Wi i nou plan, nou pou bezwen a tou moman

travay pou nou annan en, nou, nou profesyonnel lasante ki i plito Seselwa.

E pour sa nou ankor pe ankouraz dimoun pou al fer medsin, nou pe ankouraz nou bann zenn pou zot ki vin dan medsin pour zot, spesyalize. E koman mon'n dir oparavan nou pe deza met serten program an plas.

Me pour lemoman nou annan ankor tro gran, *reliance* lo *expatriates* se sa nou i pou toultan en konsern. Akoz annan *expatriates* menm si zot annan serten, zot annan diferan konpetans ki nou bezwen, e zot annan zot *knowledge* e tou, me i toultan annan sa mank ki laplipar ditan zot pa kapab kominik an nou langaz.

E zot pa toultan konpran nou kiltir, ki fer i annan en serten degre ki zot servis i kapab ganny afekte par sa de kriter. Me alor nou pe met lanfaz lo la. Mersi. Ma demann Dr Louange pou demann.

MR SPEAKER

Wi Dr Louange.

CEO DR DANNY LOUANGE

Mersi Mr Chair. Mersi Onorab pou en kestyon. Lo kote '*specialized care*' dan *programme 2*. I annan en

rediksyon, i annan apepre, rediksyon en 3, 33milyon ki'n redwir.

E sa i pa relye avek bann servis ki nou pe al, ki nou pe *discontinue*. I relye avek bann mouvman ki nou'n fer dan nou bann *budget lines*. I annan en pe *allowance* ki sipoze dan *programme 2*, avek *programme 4* in ti'n ganny mete la.

Aprè avek FC letan in reviz nou Bidze sa lannen pou li, pou nou kapab met li en pe pli prop. Sa bann transfer in ganny fer.

Me osi i annan osi detrwa bann *budget line* parey *internet* ki nou ti annan en *outstanding* nou'n *clear* bann *outstanding*. Sa osi i montre en rediksyon. Menm dan lopital.

Housing nou annan nou, nou *provide housing* bann *expatriates*. E nou'n redwir kou *rents* e nou'n fer en revizyon. Nou'n komans sa legzersis depi komansman 2019 e nou'n entansifye la resaman e sa osi i anmenn en pe en rediksyon. E sa bann aktivite ki'n fer annan en rediksyon dan nou *specialized care*. Mersi Onorab.

Aprè Mr Chair zis lo kote *photovoltaic* lo bann fasilite lasante. Nou ti annan en legzersis ki nou'n fer 2019 ki'n avek *PUC* ki nou'n met bann *photovoltaic panels* lo en kantite nou bann fasilite.

I annan lo *Yellow Roof*, *Blue Roof*, *Green Roof* apre menm Praslin/ la Digue osi nou'n annan e dan bann lezot sant lasante osi otour Mahé. E nou kontinyen pe rod fason pou nou kapab redwir, lenerzi e sa pou redwir kou.

Menm nou ti'n osi angaze avek en Lazans pou nou gete. *Within* nou bann *buildings* ki manner, ki bann aktivite ki bann lezot keksoz ki nou kapab fer. Kontinyen redwir kou elektrisite. Mersi pou lev sa kestyon.

MR SPEAKER

Wi Onorab.

HON WAVEN WILLIAM

Mersi Mr Chairman. De pti klarifikasyon. Mon anvi demann avek *panel*. Par egzanp lo kote bann zenn ki anvi antre dan Lekol *Nursing*. Eski ou kapab donn nou en nide lo *package* sa bann ners etranze ki pe travay la, avek bann ners Seselwa? E an menm tan parey mon ti pe koz lo *careers guidance* ki bann *entry point* letan sa zenn i kalifye i vin en ners?

Konmsi pou, pou, pou kapab, mon, mon donn en pti pe sa lankourazman aköz i vre nou fer li avek nou leker. Me solman toultan dan lespri se

greener pastures i atir plis dimoun.

Mon dezyenm pwen se ki. Eski zot in fer en legzersis pou vwar lontan letan zot ti anploy zot prop *cleaners* avek letan zot pe al fer en *outsourcing* la, si zot in vwar poudir diferans ozordi letan zot pe *outsource* pou *cleaning*, zot rezilta i pli bon, i pli prop ouswa lontan letan zot ti annan zot prop travayer a plen tan. Ti annan en diferan nivo? Konmsi nou ti a kontan vwar en pti pe zot pwennvi lo la. Mersi.

MR SPEAKER

Wi mersi Onorab. *Panel*.

DG/HR MIROSE BONIFACE

Mersi Onorab pou ou kestyon. Pou reponn ou kestyon kot i konsern *salary package* pou bann *nurses*. Sa ki mon kapab konfirmen se ki avek revizyon *Scheme* ki nou ti fer *July 2020* kot i konsern *basic salary*. Seselwa avek etranze zot ganny menm *salary*.

Kot i konsern *allowances*, sel benefis ki *expatriate* pa gannyen se sa *marketable skills allowance* ki pey selman Seselwa.

Me tou lezot *allowances* i parey pou Seselwa avek etranze. E sa ki etranze i gannyen an plis se

akomodasyon. Sa nou bezwen donn zot dapre zot Kontra. Mersi pou ou kestyon.

MR SPEAKER

Mersi. I annan lot pwen ki zot pe adrese mon a *remind* bann Manm gard zot *follow-up questions* pou klarifikasyon silvouple. Wi Dr Louange.

CEO DR DANNY LOUANGE

Mersi Mr Speaker. Mersi Onorab pou sa kestyon siplemanter. Lo kote *cleaners*. Wi tou kou avek servis lasante ou bezwen bann *cleaners* ki konpetan menm profesyonnel akoz i en pe delika dan bann fasilite lasante ou konnen manner. Pou kabab kit en lizyenn tre o e rann en servis tre profesyonnel.

I napa okenn legzersis ki'n ganny fer an se moman, pou konpar ki manner i ti ete letan ti *insource* avek ki manner, letan nou ti annan nou prop *staff* sa i depi mon krwar 2008, sa legzersis ti ganny fer avek la ki'n ganny *outsource* avek *Cleaners Coorporative*. Napa en konparasyon, *comparison*.

Me nou nou'n fer en letid nou'n gete ki manner, ki bann *gaps* ki annan e ki manner ki nou kapab *improve* sa. Sa nou annan sa e nou pe kontinyen travay lo *improve* sa.

Nou *welcome* ou *proposal*, ou sizesyon. Nou a fer li, nou a travay avek Minister Finans. Nou a devlop sa e nou a gete kwa ki a pli bon pour *Health Care Agency*. Mersi Onorab.

MR SPEAKER

Mersi Onorab Loizeau.

HON NORBERT LOIZEAU

Mersi Mr Speaker. Bonzour *Panel*, bonzour Minis Vidot. Mr Speaker Minis Vidot menm ki devan non petet mon'n –

MR SPEAKER

Wi Minis Vidot ki la.

HON NORBERT LOIZEAU

Mersi Minis Vidot i ankor la i pa'n demisyonnen. I a pe reponn tou kestyon ki bann ti pe dir li demisyonnen. Tre byen mon felisit Minis.

(APPLAUSE)

HON NORBERT LOIZEAU

Mr Speaker mon kestyon i koumsa mon anvi demann ek Minis Vidot ki pa ankor demisyonnen vi ki i annan sa *Risk Allowance* dan Bidze nou'n war pou annan. Mon anvi zot eksplik mwan mon annan detrwa kestyon.

Solman mon anvi zot eksplik mwan ki bann

allowance anba zot Departman ki zot pou donn bann travayer lasante e lekel ki pou gannyen, konbyen zot pou gannyen apre mon a demann mon bann lezot kestyon. Mersi.

MR SPEAKER

Onorab demann ou lezot kestyon. Fer parey tou lezot dimoun.

MR NORBERT LOIZEAU

Mr Speaker si dan zot repons zot reponn tou mon pa pou demann nanryen.

MR SPEAKER

Ou a rod leklersisman. Demann ou kestyon.

MR NORBERT LOIZEAU

Ok? Sa i premye. Mon dezyenm mon anvi demann ek *Panel* vi ki i annan diferan grad *allowance*, i annan R5mil i annan pou ganny R1500.

Mon anvi demann ek *Panel* akoz ki bann li an kontak pli pros avek bann malad parey bann drayver, bann *paramedic* zot, zot ganny R1500. Me bann ki asiz dan biro anler – zot, zot asize dan zot biro - zot, zot ganny R5mil. Mon anvi konpran sa en pe?

Apre Minis 3enm mon anvi demann zot vi ki bann *paramedic*. Bann *paramedic* zot

en bann dimoun ki zot fer en diplom pou vin en *paramedic*, me mon vwar ki zot, zot lapey malgre ki zot fer en diplom pou vin en *paramedic*. I pli mwens ki par egzanp en *Nursing Assistant*.

Konmsi mon anvi ganny lesplikasyon lo sa e si a lavenir zot annan plan pou zot amelyor en pe lapey sa bann *paramedics*? Mersi.

MR SPEAKER

Mersi Onorab. Minis wi.

MINISTER PEGGY VIDOT

Mersi Onorab pou ou kestyon. Mon ava demann nou *DG/ HR* pou eksplik en pe sa bann *risk allowance* lekel ki gannyen, lekel ki pa gannyen.

Me mon ti a kontan klarifye poudir sa i en keksoz ki'n ganny determinen. Depi ler *COVID* in arive e ki anmezir pandemi in evolye e kalite ka ki nou pe gannyen, kalite frekans rankont avek dimoun ki potansyelman enfekte in ganny revize.

E i pou kontinyen ganny revize akoz an mezir lepidemi i ale nou pe *deploy staff*. Kekfwa en *staff* ki ti dan en landrwa kot son risk i minim i *move* dan en landrwa kot son risk i pli o. E alor i vin *entitled* pou en kekfwa en *allowance* ki en pe pli o.

Me mon kontan ou'n fer sa koreksyon akoz i napa personn dapre ki mwan mon konnen ki pe ganny okenn R15mil koman en *risk allowance*. R1500 wi ou ti korize apre.

Mon a demann DG pou li eksplike ki kantite. Me mon konnen sa lannen an vi ki nou'n ganny *community transmission*, bokou plis dimoun i annan risk e ganny kontak avek bann dimoun ki kapab enfekte e ki enfekte.

Alor bokou plis dimoun ki ti gannyen lannen pase depi ki *transmission* in konmanse dan kominote pe ganny *risk allowance*. Mon a demann DG pou eksplike.

MR SPEAKER

Wi DG.

DG/HR MIROSE BONIFACE

Mersi Onorab pou ou kestasyon. Petet mon ti a konmanse par dir ki i annan trwa kategori ki determin valer sa *allowance*. Nou annan sa *high risk*, nou annan *medium risk* avek *low risk*.

High risk i R5mil, *medium* i R2500 e *low risk* i R1500. E normalman sa *high risk* li menm li parey son non i dir. Tou bann dimoun sirtou ki lo *frontline* ki pe travay avek bann pasyan ki enfekte.

Apre osi nou annan *mortuary staff* ki pe *handle* sa bann *corpses*. Sa bann zot *entitled* sa ki nou dir sa *high risk allowance*.

Nou annan osi *allowance* ki pa neserman nou pou apel li *risk* me selman – petet enn ki nou servi se *responsibility allowance*. Pou bann dimoun ki zot annan serten responsabilite an plis kot i konsern COVID, la nou apel sa en *risk allowance*. I annan *on call allowance for example* ki nou pe pey bann *staff* ki pe *manage* nou 141 *hotline*.

E sa byensir parey nou kapab konstate i pou al tar dan lannwit kot zot pe *manage* bann *calls* ki antre an relasyon avek COVID. Nou annan *duty allowance* ki nou bezwen pey *staff* ki pe fer *contact tracing* par egzanp.

E sa osi zot vwar zot pe deborde ek bann responsabilite an plis. Sa i bann *allowances* ki parey mon'n dir i annan *risk*, i annan *responsibility*, i annan *duty* apre i annan sa ki nou dir *on call allowance*.

Pou lannen pase par egzanp nou ti annan nou 137 *staff*, ki ti lo *frontline* ki ti pe ganny peye sa – *anyway* i pa neserman *frontline* me i konpri *frontline*, i konpri sa

bann ki pe fer *contact tracing* e lezot ki mon'n mansyonnen.

I form par sa 137 *staff* ki pe ganny peye sa *allowance*. Konmansman sa lannen letan nou'n annan sa *surge*. Nou'n annan sa *committee transmission* kot plis *staff* in ganny de plwaye pou al lo *frontline* en total 84 ki ankor in antre dan sa *risk allowance*.

E laplipar zot ladan – mon pe koz bann R5mil akoz zot lo *frontline*. E la avek sa deklansman ki'n annan kot *regional home recently*. Nou annan en lalis ankor petet nonm dimoun ki nou bezwen ankor pe al pey sa *allowance*.

Me an menm tan osi petet pou azoute Minister avek byensir rekomandasyon ki *CEO* in fer, nou pe pey tou *staff*. *Clinical staff* e lezot *staff* ki pe donn swen pasyan, ki pe donn sipor pasyan. En *risk allowance* depi Zanvye ziske Mars.

E sa mon pe koz *clinical staff* dan nou bann *Health Centres* dan nou ban Departman Servis lopital. E sa i R1500 nou pe pey sa *low rate* R1500 pou tou nou bann *staff* ki pe *attend to patient*.

E sa i pou sa 3 mwan parey mon'n dir Zanvye ziske *March*. E petet mon ti a profite pou dir ki sa *allowance* pou sa 3 mwan ki nou pe pey zot, bann

letan ki zot in bezwen *spend* an karantenn oubyen an izolasyon nou pa pe tire byensir okenn – nou pa pe bann dediksyon lo zot *allowance* pou sa 3 mwan. E peyman byensir nou ekspekte pey li a lafen *April*.

MR SPEAKER

Mersi *DG*. Wi Onorab pwen klarifikasyon.

HON NORBERT LOIZEAU

Wi Mr Speaker en ti pwen. Mon ti anvi Madanm *HR* sa madanm ki ti pe koze mon pa pe mazin son responsabilite. In koz lo – i annan *allowance* ki donner avek bann ki annan bann responsabilite en pe an plis ou'n dir nou.

Eksplik nou en pe ki kalite responsabilite – eski sa bann responsabilite i annan lyen avek bann maladi *COVID*. Zot annan akse sa bann dimoun ouswa zis zot la dan biro pe fer zot travay an plis ki zot ganny sa *allowance*? Donn mwan en nide en pe.

MR SPEAKER

Mersi Onorab. Wi *DG*. *DG* vir ou *micro* avek ou direk. Mersi.

DG/HR MIROSE BONIFACE

Pou reponn ou kestyon Msye Onorab sa *allowance* i ti ganny aprouve letan ti annan sa –

petet mon a dir en Komite *PHE* osi, ki mon konnen zot in tann bokou koze lo la ti ganny formen letan *COVID* ti deklanse. E sa i rekomandasyon ki ti ganny fer se ki sa bann Manm Komite i ganny peye e *responsibility allowance*. Byensir bann *case* ti ganny *process DPA* e *approval* ti gannyen pou fer peyman sa *allowance*. Mersi.

MR SPEAKER

Mersi. Onorab nou bezwen bouze. Mon krwar *DG* in donn ou en kantite detay lo *allowance*. En dernyen pwen vitman Onorab.

HON NORBERT LOIZEAU

Mr Speaker mwan mon anv i konmsi mon anv i ganny en konpran. Akoz konmsi sa disparite konmsi? Akoz zot pe ganny bokou plis? Zot lo *Board* zot pa ni annan kontak.

Plis ki sa *paramedic* mon pa pe gannyen konpran konmsi akoz pou zot i bokou plis ki pou sa bann dimoun ki an kontak lo teren. Ou konpran?

MR SPEAKER

Minis ou kapab donn li en repons la *please*.

MINISTER PEGGY VIDOT

Onorab *DG* in eksplike poudir sa bann dimoun ki li in dir i pe ganny en *responsibility allowance*, baze lo kalite travay, kantite responsabilite ki zot in annan an plis anv i sa lepidemi.

I pa ganny klasifye konman risk e alor i pa konparab avek bann dimoun. I annan trwa nivo risk alor sa bann ki in dir i *qualified* pou sa kalite *allowance* ler *COVID* ti deklanse i pa *risk*.

Me bann parey ou pe dir ki i *paramedic* sa i *risk allowance* ki annan trwa nivo parey in eksplike. E si ou dir mwan poudir en dimoun i lo *frontline* sa dimoun ki lo *frontline* i ganny R5mil sa ki *DG* in dir.

Alors si sa *paramedic* i lo *frontline* i pe al sers pasyan *COVID*, i pe al zwenn dimoun ki potansyelman enfekte li osi i *qualified* pou sa *risk allowance*. E depan lo son frekans ki son nivo i ete.

MR SPEAKER

Mersi Minis. Onorab Uranie.

HON ROCKY URANIE

Mersi Mr Chair. Bonzour Minis ek ou delegasyon. Bonzour tou Koleg Onorab, bonzour tou Digwa a lekout.

Minis mon vwar en alokasyon R73 milyon pou lopital La Digue. Eski sa larzan

i *from* sa *Grant* ki Prezidan ti anonse pou gannnen avek Abu Dhabi? Apre *autism* i en dezabilite e Konstitisyon i fer provizyon ki zanfan i ganny lasistans.

La Digue nou vwar i annan enn de ka bann zanfan ki pe montre siny *autism*. Zot paran i ganny en saler pou travay avek zot konman *carer* e menm asiste zot kot lekol.

Me sa bann zanfan zot menm zot pa ankor ganny *diagnose* by dokter pou zot kapab ganny lasistans sa dezabilite. Eski zot pou fer en *schedule* dokter spesyalize dan sa domenn i kapab desann La Digue pou vin *diagnose* sa bann zanfan.

Mon dernyen. *Retired nurses'* ti ganny dir pou ganny *allowance* le 6 Zanvye, prenon kont sakrifis enorm ki zot fer. Eski zot pou ganny sa *allowance* si i annan konstrent bidzeter, aköz nou pa sizere pran en larzan dan son *COVID* pou ed zot aköz mon krwar sa i zistifyab. Mersi Minis.

MR SPEAKER

Mersi. Wi, Minis.

MINISTER PEGGY VIDOT

Mersi Onorab pou ou kestyon. Wi sa larzan ki ou'n vwar in *allocate* pou lopital La Digue i

sa *Grant* ki nou pe gannnen pou nou fer sa lopital.

An term si nou pou kapab fer Spesyalis vwar zanfan ki nou panse i posib i zot otistik? Wi nou annan Spesyalis ki kapab desann La Digue e dek ki sistenm spesyalis vizit i repran nou a fer sir ki nou annan dimoun ki pe al La Digue ki a kapab fer sir ki zanfan i kapab ganny dyagnostike.

E an term si nou pe pey dimoun nou kapab asir ou ki tou dimoun ki'n ed nou dan en fason ou en lot, dan term *retired nurses' or nurse* ki'n travay an plis zot pou ganny peye pandan sa letan wi.

MR SPEAKER

Mersi Minis. Onorab Naidu.

HON SATHYA NAIDU

Bonzour Minis ek ou *Panel*. Lo size *staff* konstrent an term mendev in toultan leka ler nou pe get lasante. E zot in fer resorti an term sif la kantite etranze ki la, kantite Seselwa ki la. Me mon ti a voudre konnen ki kantite *staff* ki zot bezwen ankor *to meet the requirement to meet the threshold?*

E pou zot osi kapab vin avek bann sif pou zot zwenn bann target *at least* menm si pa sa lannen byensir pou le fitir.

Eski zot annan sa bann si? Si wi prodwir sa.

Lo kote *other allowances from programme 2 onwards*, mon'n remarke ki i annan bann rediksyon mazer. Mon ti a kontan ganny en lesplikasyon lo sa, kwa ki pe fer sa rediksyon?

Lo kote *risk allowance* ki Onorab Loizeau in tous lo la, i annan en disparite e mon santi ki i bezwen annan en revizyon lo sa. Akoz zis la pou la in annan detrwa dokter zot menm ki'n eksprim zot fristrasyon lo *risk allowance*. Kekfwa zot ou bezwen fer le neser lo sa kote.

E lo *MRI* ek *CT Scan* ki Onorab Clive Roucou in koz lo la, eski pou annan okenn posibilite pou Minister li menm pou regarde, si zot pou kapab antre dan en partenarya avek tou bann klinik prive. Akoz byensir ozordi i annan en *backlog*, i annan kantite dimoun ki pe atann pou plis ki 3 ou 4 mwan avek en bi pou al fer zot *CT scan*. So eski zot pou kapab fer okenn keksoz lo sa kote osi? Zis en komitman. Mersi.

MR SPEAKER

Mersi. Wi, Minis.

MINISTER PEGGY VIDOT

Mersi Onorab. Mon ava pran kestyon lo kantite travayer lasante ki nou bezwen. Apre konman nou pou *address backlog*.

Minister Lasante i pa Swen Lasante. Minister Lasante ki responsab pou regard devlopman profesyonnel lasante dan pei. E pou fer sa kalite planifikasyon, baze *obviously* lo bezwen Lazans Swen Lasante, *Public Health*. E menm regard pli lwen bann kalite servis ki pe devlope dan bann servis prive.

Wi zot pe fer en letid lo kantite *health workforce* ki nou bezwen e kalite. Kalite *skills* ki nou bezwen, kalite konpetans ki nou bezwen, ki kalite kad ki nou bezwen.

So nou napa sa *figure* la akoz sa i ankor *ongoing* me nou ekspekte ki nou ava kapab ganny li, kan nou pe fer nou planifikasyon pou nou *next Strategic Plan*.

Alor nou napa sa *figures*, me nou konnen poudir i toultan nou vizyon pou nou annan en *as much as possible* en Seselwa *health workforce*. Ki nou pe fer pou nou – si nou pe regard avek bann prive pou regarde ki kalite servis nou bezwen?

Parey mon'n dir wi nou'n annan en pe retar, me selman i

annan en pe travay ki nou pe fer, pou nou regarde ki mannyer nou pe atrap sa retar e pli vit posib.

Akoz sa ki nou pa ti a kontan ki lasante dimoun i ganny konpromi. So nou pe regarde fer sir ki nou kapab arive zwenn en pe.

Me solman sa ki nou kapab asire se ki pandan sa letan ki nou pa ti pe fer sa bann serten klinik. Tou dimoun ki ti bezwen *emergency* tou dimoun ti kapab ganny vwar, ti kapab ganny zot *ultrasound*, ti kapab ganny zot *CT scan* e ti kapab ganny zot *MRI*.

So napa dimoun ki en *emergency* ki pa'n ganny vwar ou si non si zot ti santi poudir sa ti vreman byen neserer par en dokter ki pa'n ganny fer sa bann tes. Mon ava demann *CEO* pou koz en pe plis lo bann *programme 2* dan *allowances* avek bann disparite.

MR SPEAKER

Wi *CEO*.

CEO DR DANNY LOUANGE

Mersi Mr Chair. Mersi Onorab pou ou keston. Zis pou klarifye mon krwar mon ava demann *FC* pou kapab donn bann detay lo sa bann *allowances* pou *programme 2*.

MR SPEAKER

Wi *FC*.

FC MICHEL BRUTUS

Mersi Mr Chair, mersi Onorab pou ou keston. Bonzour, referans ki pe fer ek bann *other allowances* dan saler aköz i pe kree en disparite, Se ki an 2020 letan Bidze 2020 ti sorti se pou sa ou vwar poudir i annan bann *allowance* ki ti ganny donnen pandan 2020.

Me solman bann letan, letan nou ti pe fer Bidze nou pa ti ankor vreman ganny *allocate*. A sa pwen i ti plito ganny *allocate* swa dan *basic pay* oubyen *allowance* ki la.

E lefe ki prezan in ganny *allocate* avek son *Code* spesifik e se sa ki ou vwar ki prezan apartir 2021 *onwards*, i pou ganny mete dan son *budget line* spesifik. Mersi.

MR SPEAKER

Mersi. *CEO* ou ti annan ankor pwen pou ou adrese? Wi *carry on*. Fini? Mersi. Nou ava al lo Onorab Andre.

HON CLIFFORD ANDRE

Mersi Mr Chair. Mr Chair letan mon pe get dan dokiman ki nou'n gannyen. I annan *current receipts*, i annan *medical fees*, *inoculation* ek *vaccination* i R205mil.

Epi nou vwar ki napa ankor mon a zis verifye sa byen *inoculation* avek *vaccination*. *Sorry* i sorti 100 i mont R205mil. E si mon konpran byen se tou dimoun pe ganny vaksen. Konmsi dan ki konteks ki sa logmantasyon i pou ganny fer?

Aprè nou annan *PCR test* i sorti 1.6milyon i mont lo 5milyon. Eski nou pe dir ki par lefe ki nou'n ouver nou pou annan pli bokou sa bann tranzaksyon ki zot pe fer? Sa i konsern limero 1.

Limero 2;- Nou annan nou *programme 2*. Nou annan dan nou dan *programme 2* Minis, nou annan nou en pti moman. Dan *programme 2* nou annan nou *laboratory equipment* ki'n sorti 2.2 e i monte. So ki bann lekipman laboratwar ki nou pe *purchase*?

Aprè pli tar osi dan menm dokiman detay ki nou'n gannyen, i met *laboratory supply* ki'n sorti R23milyon in mont R31.5milyon. So mon ti a kontan en lesplikasyon lo sa de *laboratory equipment* avek *laboratory supplies*.

Aprè nou annan *medicine* ki'n sorti R78milyon in desann R61milyon. Me sa i latizann, so ki bann sityasyon ki nou pe rankontre, ki nou pe bezwen

vwar nou ki nou latizann in desann?

Akoz mon mazine nou annan bokou maladi. E nou annan *COVID* osi ki la. So mon ti a kontan en lesplikasyon. Mersi lo sa trwa pwen.

MR SPEAKER

Minis wi.

MINISTER PEGGY VIDOT

Mersi Onorab pou ou kestyon. Onorab pou ou kestyon lo koman nou pe regard pri monte pou vaksen avek pou ou *PCR*?

Definitivman pou *PCR* dek ki nou'n reouver vol pou dimoun vini, lamazorite dimoun ki pou pe ale pou pe demann en *PCR* pou zot al avek.

Nou ekspekte ki sa pou kantmenm anmenn ase gran reveni. Akoz si nou pe sarz R2500 en *PCR* nou annan 500 dimoun ki pe ale dizon dan en zour, sa dan li menm li in fini arive R1.2milyon. So nou panse ki sa pou mont en pe bokou.

An term vaksen mon pa tro sir aköz in monte me mon ekspekte ki i annan dimoun ki pe pran vaksen parey *Hepatitis A* bann lezot vaksen ki nou donnen, sirtou pou bann dimoun ki pe vin isi avek *GOP* ki bann vaksen ki nou demande, ki obligatwar dan

nou program vaksinasyon e sa osi ler zot pe pran ganny sarze.

Medicine mon ava reponn en bout lo la e si Dokter Louange i ava kapab donn ou en lot bout. Mon konnen pou *medicine* nou pe fer nou mye, pou nou kapab ase bann *brand* ki souvan i bokou pli ser.

E nou pe regarde ki kalite alternativ ki nou annan an term kalite latizann, san konpromi kalite me regarde kote nou kapab ganny ki bon pri.

Nou pe osi fer nou *stock management* pli byen ki pou anpes nou fer sa bann *emergency orders* ki koute, aköz souvandfwa ek *emergency orders* nou bezwen pas *through a middlemen*.

E an menm tan avek lentrodiksyon nou *health information system* nou pou koup en kantite lo bann preskripsyon ki ganny repete ki pa neser. Alor nou panse nou pou kapab fer en serten kantite lekonomi.

Me an dizan sa nou pa zanmen konnen ki kantite dimoun pou malad, pou devlop serten maladi. E serten maladi zot latizann i kout bokou.

Me an vi ki nou'n ganny sa nou a esey travay pou nou fer sa bann lekonomi pou fer li *stretch*. Me nou ti a kontan ki i

sifi me nou a fer nou mye pou sa. Mon a demann dokter pou koz en pe plis lo sa *programme 2* ki ou'n demande.

MR SPEAKER

Wi Dokter Louange.

CEO DR DANNY LOUANGE

Mersi Mr Chair, mersi Onorab pou ou kestyon. Wi i annan en rediksyon – mon a konmans avek bann lekipman laboratwar. I annan en logmantasyon dan lekipman laboratwar.

Enn rezon aköz nou'n met sa i nou bezwen ranplas bann lekipman sirtou kot Praslin, laboratwar Praslin. Apre i annan bann lekipman dan laboratwar *blood bank* apre menm nou klinik laboratwar.

I annan bann lekipman ki nou bezwen ranplase ki'n vye e ki pe donn ou en *frequent breakdowns*. Sanmenm sa ki nou'n met sa fon konman e *spillover* pou nou kapab ranplas sa bann lekipman.

Koumsa nou ava *provide* en pli bon servis. An term pour *supplies* laboratwar i annan en rediksyon. Enn bann rediksyon – *sorry*.

(Off-Mic)

CEO DR DANNY LOUANGE

Wi in sorti 23 in al 31 sa i en logmantasyon mon pe *get the other* – i annan en *other laboratory supplies*.

Wi i en logmantasyon akoz letan nou'n reviz Bidze letan nou'n demann en *proposal* ek laboratwar, *clinic laboratory*, nou vwar ki pou nou kapab mentenir en servis nou bezwen ogmant akoz i annan en pe plis tes ki nou bezwen fer dan *screening*.

Akoz nou'n entrodwir en nouvo *screening* dan bann lekol nou osi ogmant nou *screening* bann pasyan dyaliz. E nou vwar sa i pe met en ta presyon lo nou laboratwar pou nou kapab fer sir ki nou *meet* sa demann nou'n bezwen ogmante.

Aprè *across the board* osi tou bann *medical supplies* i annan – akoz sa logmantasyon dan Dolar aprè bann *freights* osi in ogmante. Sa osi in pran an konsiderasyon pou nou ogmant sa *fund* sa Bidze ki nou'n mete. Mersi Onorab. Mersi Mr Chair.

MR SPEAKER

Klarifikasyon Onorab, wi.

HON CLIFFORD ANDRE

En ptipti klarifikasyon Mr Chair. Dokter ou'n dir nou ki poudir sa logmantasyon i akoz *rate of exchange*.

Minis in dir nou pe *get brand of* latizann be *still* i annan sa *rate of exchange*. Ou konnen enn i pe desann me selman *rate of exchange* i monte. So i en pti pe pa konfizan me selman ou konpran ki mon pe dir. Mersi.

MR SPEAKER

Dokter Louange ou oule fer en pwen lo la?

CEO DR DANNY LOUANGE

Mr Chair mersi. Mersi Onorab pou sa kekyon siplemanter. Nou'n ganny nou en *ceiling* osi ki nou bezwen fer fason ki nou bann depans Bidze i fit sa *ceiling*.

Nou'n rod fason ki bor – nou'n vwar ki bor nou kapab ogmante, sirtou laboratwar nou war ki bor i enportan pou ogmante. Be parkont kote *medicine*, parey Minis in dir i annan bann mezir ki nou pe mete an plas pou redwir.

Wi i pou annan logmantasyon akoz dolar in monte, *freight* in monte. Nou vwar nou santi deza ki nou bezwen plis larzan pou nou aste sa ki nou ti pe aste oparavan.

Me selman nou pe *focus* lo *essential medicine*. Nou sey *cut down* lo bann *non-stock medicine*, *non-brand medicine*. Nou aste zis bann *generic*. E menm sa ou konmans santi

bann pasyan osi i konmans santi, konmans demann nou kestyon. Akoz nou pe *provide* zot en servis me en servis ki esansyel.

Oparavan nou ti pe *provide* en pe bann *medicine* ki zot ti pe demann nou, ki i annan *trademarks*, i annan bann *trade brands*, *trade names*. Me la nou pe *push* sirtou sa avek sa presyon ekonomik ki nou pe – nou osi nou santi.

Nou bezwen fer sir ki nou *provide* zot en servis me pa sa servis ki nou ti *provide* oparavan ki pe servi bann *trade names* e *medicine*. Mersi Onorab.

MR SPEAKER

Mersi Onorab Aglae.

HON EGBERT AGLAE

Mersi Mr Speaker. Minis, *CEO*, delegasyon. Minis avan mon demann mon kestyon i annan en konsern atraver kestyon ki mon krwar Onorab Henrie ti met devan. Sa zafer *condom* pou fer peye. Petet si ou kapab eklersi nou, akoz vi ki nou annan bann *target*, bann *SDGs* ki nou bezwen swiv atraver *WHO* e menm *UN AIDS*.

Sirtou bann *goals* in ganny set se ki i annan sa kanpanya kot ou bezwen

kontinyen donn *free condom* pour nou *meet* nou bann *target*. Si sa pa pou annan en lenpak?

Minis premyerman mon ti a kontan petet demann ou osi lo size bann *specialised care*. Vi ki in annan bann lenteripsyon avek sityasyon *COVID*, kan petet – akoz bokou dimoun i konsernen sirtou bann pasyan kronik. Kan eski zot riske vwar zot petet retourn lo en nivo normal kot zot kapab swiv bann lapwentman avek bann spesyalis? Sa i enn.

2enm Minis. In annan en lanons ki ti ganny fer swivan mon krwar vizit ki delegasyon Prezidan ti fer aletranze, kot i konsern dyaliz, *dialysis*. Vi ki in annan serten negosyasyon an term pri, eski in annan en amelyorasyon dan sa servis premyerman an term nou bann pasyan ki pe swiv dyaliz? Sa i enn.

E si i annan en kou, ki kou aktyel ki nou bezwen pe peye la an term Bidze? Vi ki nou dan en problem Bidze li menm li ekonomik?

E dernyen Minis lo size *overseas treatment also*. Si ou ti kapab dir nou vi ki in annan bann *lockdown* en pti pe partou, bann pei ki nou afilye pou anmenn pasyan tretman i annan en pe *backlog*, eski ou kapab donn nou en pti pe detay

la konbyen pasyan ki ankor *due for overseas treatment*?

E kan eski nou kapab dir Minister i kapab petet organize ki sa bann pasyan, bann ki *due* pou ale Sirtou bann pasyan ki ganny kanser ki ankor pe espere? Mersi.

MR SPEAKER

Minis wi.

MINISTER PEGGY VIDOT

Mersi Onorab pour ou kestyon. Parey ou'n dir pou dir i annan de keksoz dan – i annan de servis ki nou'n dir poudir nou pe donn gratwit e kontraseptiv i enn sa bann servis e *condom* i enn sa bann keksoz ki pou vin *part of* kontraseptiv.

So pou annan en servis *free condom* pour kontraseptiv e pou anpes lezot maladi ki ganny transmet par *sex* nou pou bezwen pe donn *free condom*. Si i annan posibilite pou fer *condom available*, me avek en lot fason organiz fer zot *available* e ki kalite kou i vini, sa nou pa ankor deside. Me keksoz i kapab ganny deside pou lavenir *as we move forward*.

An *term specialised care*, parey nou'n anonse pou dir servis pour dimoun vwar spesyalis in deza konmanse. In deza konmanse dan bann

diferan *Regional Health Centres*. E in deza konmanse dan *Yellow Roof*.

Me nou ekspekte ki dek ki en pe bann servis ki nou pe donner pour *COVID* i konmans ganny koupe, i konmans ganny fini parey *immunization Centres* i konmans ganny fermen, ki nou ganny plis *staff* e nou pou kapab kontinyelman ogmante.

Kan? An vi ki nou pa konnen ki mannyer evolisyon *COVID* pe ale nou pa pe kapab donn en dat. Me o pli vit posib ki nou kapab fer li nou pou fer li.

An term dyaliz. Wi in annan en lanons ki'n dir poudir in ganny laranzman pou fer en sesyon dyaliz desann pou vin 160 Dolar. Nou pa ankor finaliz tousala. Anvi ki ti annan en serten diskisyon ant *AMSA* avek swen lasante lo la fason ki ti annan peyman ki *AMSA* ti dwa Swen Lasante ki zot ti ankor an diskisyon egzaktman ki kantite, konbyen e kwa.

E Swen Lasante ti pe tenir en pe zot peyman ek *AMSA*. E sa i fek kapab ganny en negosyasyon ek en konsansis lo tou lede kote e en Lagreman i fek ganny sinyen sa mwan. Alor la prezan ki sa in sinyen, *moving forward* nou ava regarde ki mannyer sa bann peyman dyaliz pou ale.

Malgre ki mon'n dir tou sa, avek en 175 Dolar par sesyon i *still* ankor pli ser pour nou pou pey en sesyon ki nou ti fer letan nou ti siny sa Kontra avek AMSA. Menm avek 200 Dolar lavaler 14 Roubi *obviously* i mwens ki 175 Dolar.

So pour – letan nou pe regarde sa ki AMSA pe demann nou dan en mwan i ankor vin tre o avek en lagreman 200 Dolar. Nou pe pey par mwan aprosan 8.9milyon pour sa ki nou pe fer pour AMSA *at the moment*, lo 200. So si nou desann lo 175 i ava en pe mwens.

Me nou realize ki i ankor annan en bann diskisyon pour nou fer, e la ki nou'n siny sa *compromise agreement* nou pou kapab antre an diskisyon ek AMSA lo lezot keksoz. Me parey mon'n dir dan mon lentrodiksyon, i en keksoz ki nou bezwen regard bokou pli profon.

Akoz ki mannyer nou kapab bouz devan, akoz nou konnen ki nou annan en kontra ki pa pe fasil pour nou sorti ladan. E i pa donn nou bokou plas pour nou *manoeuvre*.

E alor nou pou bezwen zwenn ek zot, zot ti dir nou zot pe vini. Zot pa ti ankor kapab vini akoz lepidemi me nou ekspekte ki nou kapab fer sa

soon pour nou kapab arive aranz sa sistenm dyaliz. Lo laspe *overseas treatment* mon a demann CEO pou koz lo la.

MR SPEAKER

Yes CEO carry on.

CEO DR DANNY LOUANGE

Mersi Mr Chair. Mersi Onorab pour ou kestyon. Lo kote *overseas treatment* nou ti deza annan en *backlog* lannen pase letan ti annan bann restriksyon mouvman dan bann pei, ki bor nou ti pe anvoy pasyan.

Me an se moman mon pa pou apel li *backlog* mon pou apel li bann mannyer, fason i ganny fer. Nou anvoy pasyan par group, akoz i annan en ta preparasyon pou fer e nou vwar li ki i pli fasil letan nou anvoy zot a group, letan preparasyon i fer par group.

Menm la ozordi aswar pou annan 7 pasyan ki pou al dan *L'Inde, Chennai*. Avek 9 *attendant*. So tanto i annan en group ki pe ale. Nou annan – akoz letan nou'n prepare. Dan preparasyon i annan *the Medical Visa*, i annan *flights*. I annan en ta bann *steps* ki nou bezwen pran.

Me la an se moman la i annan osi 4 ki *pending*, ki pe espere. Nou'n konmans fer sa prosedir pour nou kapab anvoy

zot for zot overseas treatment. Me parkont parey ou dir, i annan pasyan ki'n swazir pour zot espere. Menm nou tim nou sey *counsel* zot ki zot bezwen tretman *overseas*. I annan ki pa bezwen li i al dan en fason *urgently*, zot kapab espere.

Be i annan 13 pasyan ki'n swazir pour espere. E parmi i annan ki annan kanser e zot in swazir akoz zot pwennvi *towards COVID*. E sa nou respekte e nou kontinyen ankouraz zot, dek ki nou'n fer en desizyon in aprouve pour zot ale, nou kontinyen ankouraz zot pou ale.

Aprè i annan bann pasyan osi ki bezwen *flight* direk e letan nou annan loportinite pou bann *flight* direk. Parey letan *Air Seychelles* i al *India* nou profite nou fer sa. Mon krwar avek sa nou'n reponn ou kestyon. Mersi Onorab.

MR SPEAKER

Mersi. Wi Onorab si i annan klarifikasyon.

HON EGBERT AGLAE

Yes en follow-up question sa pour Minis, mon krwar i enportan. Minis anvi ki lemonn antye la, sirtou bann gran lakonpanyen farmasetik zot pre okipe avek vaksen, devlopman en *cure* pour sa

viris, petet eski Minister i annan okenn difikilte pou *procure* bann lezot latizann ki neserer pour *run* en lopital le menm li?

Apard ki bann latizann ki relye avek tretman *POUR COVID*, eski i annan difikilte e eski nou *stock* ki nou deza annan i ase azour pou *meet* nou bann demann? Mersi

MR SPEAKER

Wi Panel. Wi Dokter Louange.

CEO DR DANNY LOUANGE

Mersi Mr Chair, mersi Onorab pour sa kestyon siplemanter. Wi mon krwar i enportan ki ou'n fer monte sa kestyon akoz i bann legzersis ki nou'n fer. Letan nou repons ver sa *pandemic COVID*, i pa zis get ki mannyer nou pou *tackle COVID* be osi bann *essential services*, parey nou apel li an *Angle continuity of care*.

E nou pe gete letan nou get *supplies*, nou pa get *supplies* zis pou *COVID related activities* be nou *get supplies* osi pour nou bann *essential services*. E la nou pe travay lo en plan fer sir ki nou annan 1 an an avans, e nou *procure* li dapre son bann *expiry date*, dapre bann *procurement specifications and so on*.

Wi i annan parfwa ki annan bann mank bann *medicine*, me mannyer nou tim i travay nou fer sir ki si i annan sa mank – parler akoz enn – parey la par legzanp la pour le moman, akoz i annan bann restriksyon dan bann diferan pei, i annan en *sedative* ki en *control drug* e i annan en pe difikilte pou ganny bann *paper work done*.

Sirtou *India*, akoz i annan bann *lockdown* dan bann diferan *states* ki fer li difisil pou fer *approval* pour sa *opioid* ganny *release*. So nou rod lezot fason pour nou kapab ganny sa *medicine*. Or nou rod en *alternative* pour sa *medicine*. So i en *challenge* me nou fer sir ki nou kontinyen annan en servis ki esansyel, ki nou napa pasyan ki pe ganny konpromize ler zot tretman. Mersi.

MR SPEAKER

Mersi *CEO*. Onorab Labonte.

HON ANDY LABONTE

Mersi Mr Chair. Bon *panel* mon premye kestyon i plizoumwèn vize lo *sub 1, 2 office expenses*. Kot mon war *telephone local and rental* ki'n sorti 4.8milyon mon vwar in desann 85mil. Petet nou ti kapab ganny en pti lesplikasyon lo la?

E mon lot kestyon i vize ver *PSIP* pour English River *Health Centre*. Nou'n kapab vwar poudir i annan en alokasyon 2.1milyon ki'n ganny *allocate*. E dan lefase nou'n vwar an 2020 ti ganny *allocate* 4milyon, e 2019 ti ganny *allocate* 2.6milyon.

Me selman an gro ler nou pe gete nou *Health Centre* li menm li English River i deservi 6 distrik an tou. Me travayer zot menm zot, zot santi poudir i annan serten lenkonvenyan.

Parey nou ti fer en vizit ki nou'n war pou dir i annan *fungus*, miray i sal, napa ase lespas. Ladan menm nou pe mazin petet pou ouver li 24/7. Petet ki zot pe mazin pou adres sa?

E menm i annan en problemanm kot zabitan menm ki pe servi sa fasilite i vwar pou dir i pa aplikab, zot esper en bon pe letan. Me petet kote Minister pe rode pou nou kapab amelyor en pe servis dan nou *Health Centre* English River?

Aprè mon dernyen kestyon, mon 3enm kestyon plizoumwèn i ale lo *program 2 wages and salaries*, anba "*returning graduate allowance*." Bon rezon mon pe demann sa kestyon se ki akoz nou'n vwar an 2020 ti annan 5.4milyon ki ti ganny

mete, la nou'n vwar in met 4.1milyon.

So i annan serten etidyan ki ti ganny en let an Fevriye 2020 ki zot ti dir i annan en aryeraz 45, 1940 pour zot gannyen, ki zot pa ankor resevwar ziskan prezan.

I pli zour mwen bann *graduate* dan diferan sekter avek *Degree, Masters* ki ti *graduate* depi 2018. So zot ti a kontan ganny en lesplikasyon, si anba sa nouvo alokasyon zot pou gannyen sa larzan ki zot pe espere pou en bon pe letan? Mersi.

MR SPEAKER

Mersi. Wi *panel* lekel ki pou adrese?

MINISTER PEGGY VIDOT

Mersi Onorab pour ou bann kestyon. Nou ava demann *FC* pou reponn sa kestyon lo telefonn, sa *reduction*. Apre *CEO* i ava reponn English River fasilite e bann *returning allowance* pour *returning graduates, DG/HS* i ava reponn lo la.

E Onorab mon'n note ki ou'n dir an Fevriye 2020 ti annan en bann *graduates* ki ti ganny dir poudir zot annan en aryeraz dan zot *allowances* e ki sa pa ankor ganny rektifye.

Nou ava *look into* it e regarde akouz. *Ok?* Mersi.

MR SPEAKER

Mersi. Ale nou a pas lo *FC*.

FC MICHEL BRUTUS

Mersi Mr Chair. Mersi Onorab. Kot i konsern sa rediksyon dan kou telefonn anba *program 1, 2*. Sa i annan pou fer avek en *outstanding bill* ki ti la pour *Cable*. *Ok?* In annan en *bill* ki ti pe *outstanding* pour en pe letan ki ti'n ariv R4milyon.

E avek dan *mid-year review* avek larzan adisyonnell ki nou ti gannyen lannen pase, ti permet nou pou kapab eklersi sa aryeraz.

E se sa ki i ti fer sa *revised budget* mont lo 4milyon, e la aprezan lefe ki sa *outstanding* in ganny peye, savedir in re *go back* to son *baseline*. Mersi.

MR SPEAKER

Mersi. *Next point CEO*.

CEO DR DANNY LOUANGE

Mersi Mr Chair. Mersi Onorab pour sa kestyon. Lo *PSIP* ou'n korek pou dir English River in ganny en alokasyon, me sa alokasyon pour English River i annan de proze ki nou pe – sa alokasyon pou ganny servi. Enn i pour fini sa triyaz fasilite ki nou'n konmanse, i annan en pe

peyman pou fer e pour sa Kontrakter fini son travay.

Dezyenmman nou annan osi en lot *budget line* pour *oxygen manifold facility*. Akoz nou'n fini konmans avek – ti annan bann renovasyon ki nou'n fer, bann *extention* ki nou'n fer pour English River pou donn li en pli bon *accident and emergency facility*.

E sa i bezwen loksizenn, e nou'n mete dan nou Bidze sa lannen pour nou kapab fer sa fasilite pour li.

Lo kote *fungus*, e ou'n vwar English River i annan bann fasilite ki nou pe – *fungus* in tap nou en kantite. Nou'n penn, nou'n trete, nou'n re trete e *fungus* i ankor pe kontinyen parey bann lezot fasilite osi. Lopital i annan de trwa landrwa osi ki *fungus* i pe fatig nou, akoz nou pa vwar en solisyon pour sa.

E pour English River nou remersi bann *staff* ki mannyer zot in *manage* sa *fungus* e mon krwar zot pe fer en bon travay. Be sa nou bezwen - pour *fungus* nou bezwen en pli gran travay pou gete. E in konmanse, gete si nou bezwen *ventilate* sa, *aircon* sa *whole* fasilite, oubyen si nou bezwen re fer tretman oubyen bann lezot *civil works* avek bann miray. Sirtou dan sa

koridor lo kote *dental* la ki pe ganny afekte. Mersi Onorab.

MR SPEAKER

Wi ti annan en pwen ki - en moman. Ale demann ou leklersisman Onorab.

HON ANDY LABONTE

En pti leklersisman. An vi parey ou konnen pou dir i annan sa *extension* ki ou dir ou pe fer, me prezan i pe vin en problem kot transpor ki vini napa landrwa *parking*, wi ki lot kote i pour Parti Lepep, Parti US then nou napa landrwa pour nou park vremen.

Petet si zot pe gete kote vremen nou kapab kree en fasilite ki bann dimoun ki pe vin dan sa sant i kapab ganny en *parking*.

Apre dezyenmman lo kote *allowance* parey mon ti pe koze, bann *return graduates*. Aparaman i annan serten ki ganny *housing allowance*, me selman i annan serten ki pa ganny. Tousala petet zot ti kapab pran kont akoz ki i annan ki gannyen, i annan ki pa gannyen? Mersi.

MR SPEAKER

DG wi.

DG/HR MIROSE BONIFACE

Mersi Onorab pour ou kestyon. Kot i konsern *returning graduates* ou pe koz lo sa *housing allowance*. Si nou rapel byen i annan en *Policy* ki ti sorti an Zanvye 2019, ki dir ki *housing allowance* konmela i aplikab pour serten *salary band*.

Par egzanp si ou pe tenir en *post* ki *above B6* and *above*, byensir ou pa gannyen *housing allowance* akoz ou ganny saler sa *post*. E bann ki pe tenir en *post B4, B5* ki son *post* i demann si oule en *University Degree*, then zot ganny sa *allowance*. Sa ti en *Policy* ki ti sorti an Zanvye 2019.

Kot i konsern sa rediksyon ki ou pe dir dan *budget*. Parey mon'n dir lefe ki prezan *returning graduates* zot pa entitle *housing allowance*, akoz laplipar bann *post* ki *returning graduates* pe retourn lo la dan *Health Care Agency* i *B6 and above*.

Byensir sa *allowance* in enkorpor dan saler ki ou pa pou vwar li konmela anba "*other allowance*." Mersi.

MR SPEAKER

Wi Minis.

MINISTER PEGGY VIDOT

Wi Onorab ou'n dir nou pou dir lefe ki nou'n fer sa bout ki nou'n

extend English River prezan in *encroached* dan *parking* ki ti annan oparavan e prezan i vin en problem. Sa nou'n realize e nou ava an diskisyon avek Minister Later pour nou vwar ki mannyer sa i kapab ganny *addressed*.

Me pour le moman parey ou'n vwar dan esey fer en keksoz vit pour nou kapab reponn lo bezwen servis, sa ekstansyon in ganny fer e kekfwa in annan en *over height* an term kote *parking* pou ete. Me nou ava pe regarde koman sa i kapab ganny adrese.

MR SPEAKER

Ou'n deza demann klarifikasyon Onorab. Ale.

HON ANDY LABONTE

Wi Minis sel keksoz ki mon pe dir ou, akoz petet si ou zwenn mwan pour nou lager pou nou ganny sa bout later obor pour nou re gannyen. Nou kapab ganny *parking* lanmenm la lo bor pour Gouvernman, pour nou kapab *park* transpor.

MR SPEAKER

Ale mersi Onorab, *ok*. Bon wi ki mon ankor lwen avek konplet mon lalis e ki i annan plizyer Komite mon krwar ki annan plan pour zwenn la. Mon krwar

nou a bezwen pran en poz la e nou a kontinyen apre midi.

E mon remersi *panel* pour zot pasyans e pou demann zot pou re vini, retournen apre midi. Alor nou a pran poz la e nou a rezwenn 2er. Mersi.

(BREAK)

HEALTH CARE AGENCY

(Cont)

MR SPEAKER

Bon apre midi dimoun. E nou ava kontinyen. Onorab John Hoareau.

HON JOHN HOAREAU

Mersi Mr Chair. Mon kestyon i baze lo *In-service Professional Development*, ki lo latab 5. Ler ou pe get sa latab 5, *HCA* in *target* 15poursan devlopman profesyonnel dan lasante. E ler ou pe get *further down the line*, ou vwar pou dir laplipar –

MR SPEAKER

Eskiz mwan. Ki mon pe tande la, en telefonn? Oubyen kwa? Mersi, kontinyen Onorab.

HON JOHN HOAREAU

Wi, ler ou *get further down the table*, ou vwar pou dir laplipar bann *areas*, kot zot pou fer *professional development*, ki'n ganny si oule bann *figures* si

montre ou, pe kontinyelman desann pou lannen 2021.

So mon ti oule konnen ki mannyer zot pou *achieve* 15 *percent, development of* zot kapasite *building* zot bann *staff*? Kan laplipar bann *areas* i montre en desann.

Mon dezyenm kestyon, Mr Chair i baze lo konstriksyon sa *Isolation Centre*. Mon ti a kontan ki Minis i konfirman, si i le ka, ki larzan pour konstri sa *Isolation Centre*, ki'n ganny *committed* par Prezidan li menm ti dir, poudir, serten larzan pou sorti dan donasyon *COVID Fund*.

Akoz sa in en size ki'n en size politik, pour lot kote latab ki'n fer bokou politik lo la. Alor mon ti a kontan serten konfirmasyon lo la, *of the source of the funding*.

Mon 3enm kestyon Mr Chair, i baze lo *specialised hospital*. Dan 6enm Lasanble in en size, e Mosyon ki'n ganny anmennen par Onorab Clive Roucou. E sa size in fer montre lenportans, ki nou bezwen annan en *specialised hospital*.

An vi ki nou pe depans R70milyon *this year*, e lannen pase R75milyon. E bann pronostik i montre poudir i pou kontinyen lo sa *more or less*, lo sa *trend*. E letan *pandemic*

COVID-19 i montre nou. Ki osi, bann dimoun ki'n bezwen servis spesyalize, pa'n kapab *travel*.

Alors in annan sa restriksyon, alor i montre nesosite pou nou annan -. Pou nou kapab save sa bann larzan, *in terms of foreign exchange*. Pou nou kapab annan nou prop *specialised hospital*.

Si non, i pa – ler mon pe get li an term lenportans. I menm parey lenportans lopital La Digue. I menm parey lenportans *Health Centre Baie Lazare*.

So mon pe gete, ki demars Minister Lasante pe fer lo sa nivo, pou fer sir ki nou annan nou, en *up-to-date specialised hospital*? Mersi.

MR SPEAKER

Mersi. Wi Minis.

MINISTER PEGGY VIDOT

Bon apre midi Mr Chair. Bon apre midi tou bann manm Onorab. Mersi Onorab pou ou kestyon, mon ava reponn sa kestyon lo *Isolation Centre*, apre lo *specialised hospital*.

Apre mon ava demann CEO pou elabor lo sa *professional development programme pour staff*. *Isolation Centre* ou demande si nou kapab konfirman, ki *part of the*

COVID Fund pou al lo *funding of the hospital*.

Dan son *interview* ki Prezidan ti fer, ler i ti sorti *Qatar*. I ti dir poudir sa ti en diskisyon, ki ti'n deza ganny pran, ganny annan avek Qatari Gouvernman.

E ki sa i keksoz ki i paret *promising*, e ki i pe atann rezilta lo la. Pou li konnen ki kantite *funding* i pou annan, pou sa proze *from funds* ki pe sours *outside*.

E ava regarde si pa pe annan *full funding*, omwen si i ava annan en rekour. Akoz i depan osi ki sa ki zot *fund*, akoz i pa pou zis en – si pa i zis en *building*. Pou annan lezot lekipman e keksoz koumsa, ki pou bezwen. Me pou le moman mon pa pou kapab dir ou, ki poursantaz.

Or ki kantite dan sa fon ki pou al ladan. Me i en keksoz ki si nou pa ganny *full funding* pou tou keksoz, i ava en sours reveni pou nou kapab servi. Nou ankor pe esper rezilta.

Lo *specialised hospital* i pa lo nou plan, i pa dan sa Bidze. E i en keksoz ki parey ou dir, in ganny diskite. Son bezwen in ganny *highlighted*, e i annan kantite diskisyon ankor pou vwar.

Ki kalite keksoz ki ou annan dan en *specialised hospital*? Ki kalite disiplin? Nou pe dir kekfwa nou a koup en kantite lo swen dimoun aletranze. I pa neseserman toultan vre. Akoz i pou depan ki kalite servis ki nou fer ladan. E si sa servis li menm li, i pou *cost effective* pou fer li koumsa isi.

Nou pou bezwen fer bokou plis letid, e vwar ki manner, ki sa ki nou pou annan. Ki kalite spesyalizasyon ki nou pou annan ladan, e ki manner nou pou fer li.

Alor i en keksoz, i en travay ki pou bezwen pran en pe letan. E i osi en keksoz ki nou bezwen regarde, ki manner son sours *funding* pou ete.

Eski i en keksoz ki zis Gouvernman ki pou fer? Eski i en keksoz ki nou pou kapab antre dan en *Public Private Partnership*? Ou si non, ki manner pou ete? E ki pou son lobzektif?

Akoz ou konnen isi, nou popilasyon i pti. I annan servis kekfwa ki nou pou annan en 10, en 6 pasyan. Eski sa i nesosite en *full* spesyalizasyon isi?

So i annan en kantite keksoz pou fer, en kantite letid pou fer otour sa, avan ler nou antre ladan. Me i pa toudswit

la, i pa dan Bidze, e i en keksoz ki nou a diskite. Nou ava vwar, e nou ava apre ler letan apropiye anmenn devan.

Mon krwar mon avar demann *CEO* prezan pou diskite sa bout lo *professional development*.

MR SPEAKER

Wi, *CEO*.

CEO DR DANNY LOUANGE

Mersi Mr Chair. Mersi Onorab pou ou kestyon. Lo kote *performance development* wi lo sa *budget line*, ki ou pe *quote*. Mon pa pe sezi lo ki latab, me mon pou koz an zeneral lo *performance development*.

Si ou get lo nou, dan nou dokiman osi, liannan dan latab 4 nou annan Direkter pou *Human Resource Development*. Ki *Health Agency* pe sey etabli *strengthen performance development*, dan nou Lazans. Sa i enkli *at level of HR*, e osi enfilte *through the service itself*.

Dan sa dernyen 2an, nou'n fer bann plan. Nou'n devlop de *system* prensipal, enn lo bann *emergencies*. Nou'n fini etabli bann enstriker pou *ATLS*, *BCLS* bann *Advance cadet live support*, avek *Basic*

life support. Sa nou annan bann *instructors locally*, e nou bi i pou propaz sa.

Fer sir ki tou staff i ganny *train* dan *life support*. E depan zot kategori, avek *COVID* sa in *slow down* nou program. Lannen pase nou ti fer en *exercise*, e nou'n vwar ki aköz nou bezwen nou bann *staff* lo diferan *post*. Nou pa'n kapab *maximise exercise*.

E apre osi lo kote *infection prevention control*, nou pe *strengthen* sa. Konmkwa ki nou pou etabli en *accreditation system*, ki tou *staff* ki ou bezwen ganny akredite. I depan ki bor zot pe travay, ki *post* zot pe *hold*, ganny akredite *accordingly*.

E osi lo kote bann *NCD's non communicable diseases*, osi ki dyabet, tansyon. Nou'n fini komans ... ki nou ti lanse 2019. E sa nou pou kontinyen *train* nou bann travayer. Devlop nou travayer dan sa bann laliny. Mersi Onorab.

MR SPEAKER

Mersi *CEO*. Onorab Romain.

HON GEORGE ROMAIN

Mersi Mr Chair. Bonn apre midi Minis avek ou delegasyon. Minis mon krwar enn de Manm, in fer resorti bomaten. Mon osi mon pou felisit ou ansanm ek

ou lekip, pou sa bon louvraz ki ou pe fer.

E parkont i pou toultan annan en group dimoun, ki pou sey met baryer.

MR SPEAKER

Nou ava kontinyen silvouple.

HON GEORGE ROMAIN

Parey mon ti pe dir, parkont pou toultan annan en pti group dimoun, ki pou met en pe negativite dan zot semen. E pa sa group dimoun ki pou ziz zot. Lepep Seselwa ki pou ziz zot sikse, kontinyen sa bon travay Minis.

Minis dan menm laliny, nou konnen pei in fini ouver. E nou'n vremen vwar *quite* en bon pe kliyan in vini. Touris in vini, en pti pe dan zis 3 zour, mon krwar 2300 dimoun in antre. E pou mwan mon krwar vaksen i definitivman pe marse dan Sesel.

Parey mon'n tann Minis dir bomaten ki dan *North East Point Hospital*, 2 dimoun malerezman zot in *passed away*, zot in mor. Mon krwar zot pa ti'n pran vaksen sa de, larestan pe rekipere. Sa i en bon nouvel.

Me parkont Minis vaksen i merit kontinyen. Ki nou pe fer pou bann dimoun Minis, par egzantp ki reste dan lakour. Ki

pa pe vremen, parey bann dimoun kekwfa ki annan dezabilite oubyen bann dimoun ki en pe pli aze. Ki pa pe kapab al pran vaksen.

Eski zot ti pe mazin vin dan kominote, pou vin donn sa bann dimoun? Sa i enn. Mon 2enm kestyon Minis, anvi ki nou tann bokou dimoun Sesel, pe mor avek kanser. Sa i en pti pe alarman. E nou tou nou konnen, si ou detekte li boner ou annan gran posibilite ou sirviv.

Alors mon pe demande, si in annan en resers ki'n ganny fer lo sa laliny. Pou regarde vremen aköz sa i pe ogmante, aköz sa i dan zenn ek dan dimoun osi ki aze? Sa i mon 2enm kestyon.

Minis mon krwar mon ti annan zis sa de kestyon. Mersi Mr Chair.

MR SPEAKER

Mersi Onorab. Wi, Minis.

MINISTER PEGGY VIDOT

Mersi bokou Onorab pou ou kestyon. Wi, nou asir zot pou dir bann dimoun ki dan lakour, ki pa pe kapab, pa mobil pou zot ariv en sant vaksinyon. E ki zot kapab *call* bann *Health Centres* ki zot servi.

E si sa *Health Centre* a le moman zot pe donn vaksen, tou

bann dimoun ki zot annan lo zot lalis ki zot konnen. Alor e sa in deza komanse, detrwa semenn plis ki detrwa semenn pase.

I en pe pli dousman aköz zot bezwen al kot sa lakour. Zot bezwen atann en pti pe letan dan sa lakour, alor i pou pran nou en pe letan. Me si parkont, i annan dimoun ki zot pa ankor ganny kontakte par zot *Health Centre* pou dir, pou vin donn zot vaksen.

Zot kapab pran kontak ek sa *Health Centre*, e i ava aranz en appointment en letan. E kan zot pou ganny zot vaksen. Me nou bi, se al kot tou dimoun.

E la ankor nou ava pran sa lokazyon pou dir. I annan dimoun ki krwar, aköz si zot annan en dimoun en pe aze kot zot, e ki zot, zot in pran zot vaksen. Zot pa bezwen fer sa dimoun aze pran vaksen.

Si nou mazine i annan zanfan ki pa ankor pran vaksen, e zot kapab anmennen. Pas avek sa vye dimoun, alor i pa en rezon aköz sa bann ki otour li in proteze.

Me zanfan pa ankor proteze. Alor toultan ankouraz sa vye dimoun. Sa dimoun ki pli aze pou ganny vaksen, e donn zot, zot sans. Mon ava demann *CEO* pou koz en pti pe lo - wi

Kanser pe ogmante. E nou pe fer nou mye.

Nou annan program *screening* ki nou pou fer sa lannen, pou ede pou nou dekouver pli boner. Akoz nou'n remarke nou osi, pou dir enn nou bann lobzektif sa lannen se *early diagnosis*. Me i annan en *study* ki in fer, relye avek kanser. E mon ava demann CEO pou donn zot en pti pe, plis lenformasyon lo la.

MR SPEAKER

CEO, wi.

CEO DR DANNY LOUANGE

Mersi Mr Chair. Mersi Onorab pou ou keston. Lo kote Kanser i pou difisil pou nou, kapab determinen egzaktman ki bann koz kanser dan Sesel.

Me nou kapab par kont, determinen ki bann lasosyasyon, bann faktor ki asosye avek Kanser, ki nou pe vwar Sesel. Enn bann resers ki pe ganny fer, ki apel en *Hereditary Cancer project*. E sa mon krwar nou'n deza koz lo la oparavan.

In deza ganny bibliye. In komanse i annan apepre en 2an, ki pe ganny *run* avek en Konsiltan ki travay dan en Liniversite Lanmerik. E ki'n vini, deza in vin 2 fwa isi pou fer

bann *training* lo *Cancer Genetic Awareness*.

E in *train* nou bann *staff* ki mannyer pou kapab detekte bann dimoun, ki annan en posibilite annan kanser relye avek zot *genetic predisposition*. Par egzanp i annan bann kanser, mon napa tou bann detay la ek mwan.

I annan en proze ki pe ganny fer par *Research Unit*, anba *Public Health Authority*. E sa i pe gete bann Kanser ki erediter. E dek en dimoun ki'n ganny *diagnose* avek sa kanser, son bann fanmir i ganny demande pou zot vin *screen*. E sa *screen* i ganny fer, *swab* i ganny fer isi. *Or specimen* i ganny pran isi.

E nou annan en Lenstitisyon *L'Amérique* ki nou pe travay avek. Bezwen peye byensir, be anvoy laba e i determinen si sa kanser i - . Si sa dimoun i annan sa *gene* ki relye avek *pre* depozisyon pou li ganny kanser. E avek sa Lenstitisyon ki sa *unit* pe travay avek, i annan en lavantaz.

Akoz sak fwa ou ganny en pozitiv *case*, zot *allow* ou, pou ou kapab fer detrwa *free of charge*. Me selman anba en serten *time period*. So sa i *ongoing*, kekfwa en zour sa re serser. I a kapab ganny en

loportinite pou vin prezant isi avek Lasanble, ki bann aktivite.

Ki son rezilta. Me pour rod bann lezot faktor direk, ki relye ek Kanser. I pa pou fasil. E laplipar bann faktor, i bann faktor zeneral. Parey lobesite, sigaret, lalkol, e ensidswit. Mersi Mr Chair.

MR SPEAKER

Mersi. Onorab Chantal Ghislain.

HON CHANTAL GHISLAIN

Mersi Mr Chair. Bonn apre midi Minis. Bonn apre midi tou dimoun, menm bonn apre midi tou bann dimoun dan delegasyon.

Minis mon premye kestyon i annan pou fer avek lekspektasyon, nou bann zabitan i tre o. An sa ki konsern lo sistenm Lasante, nou Konstitisyon in met pli loblighasyon lo lasante primer.

Minis koman en profesyonnel Lasante, ki'n osi anrezistre avek *Council*, pou ou donn en servis koman en Ners. Eski ou kapab dir nou, kote lasante primer i komanse, e i fini?

E dan konteks nou pei, eski nou pei pe donn plis ki lasante primer?

Mon 2enm kestyon i annan pou fer, avek en

Statement ki ou ti fer bomaten Minis. An sa ki konsern 10poursan Bidze, Lazans Lasante ki al pou bann pasyan dyaliz. E ki sa i pa soutenab.

Minis imedyatman apre ki ou'n dir sa, in *raise* en pe konsern avek bann pasyan, e zot in *text*. Eski Minis i kapab eksplike, ki i ti pe vreman mean par sa parol "pa soutenab"? E ki Gouvernman pe anvizaze fer an relasyon avek fitir, sistenm dyaliz dan Sesel?

E Minis letan ou ti pe reponn kestyon Onorab Uranie, lo sa R73milyon an sa ki konsern Lopital La Digue. Ou ti dir ki sa i sa *Grant*. *And* eski ou kapab dir nou, kan ki sa grant ti antre? E dan tou konponan *Grant*, i osi annan sa konponan *local* - bout ki lokal nou bezwen donner dan Bidze? Ki kantite ki nou, nou pe donner? E kote i ete?

Akoz mon demann ou sa kestyon, kan ki sa *grant* ti antre. Akoz i annan le 2 Fevriye *Foreign Affairs* ti fer sorti en kominike lapres, ki ti dir "*The UAE Government has confirmed the provision of specialist infrastructure support to Seychelles, through a team of technicians, to review two major upcoming projects.*" *The first is the La Digue Hospital Project*"

apre i annan en lot ki ankor dan *Planning stage*.

Aprè in donn en 2enm ki *rehabilitation* drog. Mon pe demann sa, akòz taler ou'n dir pou dir sa R73milyon, se sanmenm sa *Grant*. Mon anvi konnen kan sa *Grant* ti antre? And ki konponan ladan i konponan lokal. Konbyen lokalman nou pe donneren?

Aprè lo *non-produced assets*, kot *purchase of medicines*, ek *medical supplies* dan Bidze. Lannen pase ti annan R27.4 kont R27.5 milyon pour aste *medicines* avek bann *medical supplies*. E sa lannen mon pa pe vwar. Eski nou pa pe aste latizann pou sa lannen 2021? Mersi.

MR SPEAKER

Mersi Onorab. Wi Minis.

MINISTER PEGGY VIDOT

Mersi Onorab pou ou keston. Mon ava komans avek ekspektasyon. Wi, mon krwar dan nenport ki pei, tou dimoun lasante i en keksoz ki tou dimoun i valorize.

E tou dimoun i anvi ganny meyer swen, e i osi lobzektif Minister Lasante pou fer sir, ki nou kapab. Dan resours ki nou annan, donn meyer lasante, tou sitwayen Seselwa.

Ki si sa lasante primer, ki nou Konstitisyon in garanti nou, i en size ki'n annan bokou deba lo la, i en size ki Minister Lasante in pran an men. Akòz ziska aprezan nou pa ti ankor kapab definir ki si sa Lasante primer.

Minister Lasante in fer serten diskisyon letid, depi ler son dernyen reform. E lannen pase zot in fer en konferans, e diskisyon ki zot annan en papye ki zot in pe dan faz finisyon pou dekrir ki si sa Lasante primer.

E souvan letan ou pe regard bann definisyon WHO, lasante ki nou pe donneren isi gratwitman i eksid sa ki lasante primer i ganny dekrir, dan konteks enternasyonal koman lasante primer. Akòz isi nou pe donn tou swen segonder, ki normalman i ganny donn dan lopital.

Sa i *free*, swen *rehabilitative* li osi i *free*. E menm dan nou sant lasante, nou vwar nou pa pe donn zis serten konponan, parey *maternal child health*, konsiltasyon, bann keksoz koumsa. Me nou pe donn keksoz osi, parey *physiotherapy*. Parey servis spesyalize, parey Praslin dyaliz. So sa mon reponn pou sa keston.

Si ou dir mwan poudir i annan *misconception*, lo sa ki mon'n dir, dan sans ki i pa soutenab, mon ti a kontan dir e re asir tou dimoun. Pa soutenab dan fason ki nou pe administre li, akoz mon ti dir apre sa. Nou pou bezwen revwar son ladministrasyon, e son fason fer.

I pa savedir ki nou pa pou donn servis dyaliz. Servis dyaliz i en servis ki bezwen, e tou dimoun i bezwen ganny sa servis kan zot bezwen li. Me selman lefe ki i telman koute, nou bezwen vwar.

Si nou kapab fer desann sa kou. Koumsa ki nou kapab asire, ki tou dimoun ki bezwen sa servis. Alor i dan son fason ladministrasyon, la fason ki nou pe zer sa servis.

Ler kestasyon ti demann mwan, si sa *Grant* sa R73milyon, i anver sa *Grant*. Mon pa'n dir *Grant* in arive, mon'n dir sa sonm ki'n mete i koman sa *Grant*. Me *Grant* pa ankor arive koman fizikman dan pei.

Me nou'n ganny premye si oule desen ki nou pe gannyen, ek baze lo grander ki pe fer, en estimasyon ki i pou kapab ariv dan sa kantite. Sa sonm ki mete. E se sa sonm kekfwa ki pe ganny diskite.

Alor non, *Grant* pa isi. I pa la, me nou'n ganny *pledge*. E sa i repons pou La Digue. Parey ou dir in menm ganny dir par Minis *Foreign Affairs*, pou dir sa in ganny aksepte.

Me i annan diskisyon lo baz teknik, ki s ki zot pe fer, ki sa ki pa pe ganny fer. Ki mannyer nou pe fer li. Me *Grant* pa ankor arive. Mon ava demann Dokter pou koz en pe plis lo *purchase of medicine*.

MR SPEAKER

Wi, *CEO*.

CEO DR DANNY LOUANGE

Mersi Mr Chair. Mersi Madanm Onorab. Lo kote *procurement of medicine*, oubyen *budget line pour medicines* avek *medical supplies*. Si ou re fer lo program 2, ou pou vwar anba *materials and supplies* ki nou annan pou *medicines* i annan R61milyon.

Apre pou *medical supplies* i annan R65milyon. In annan osi lezot laliny parey vaksen, *radiology*, laboratwar *and so on*. Sa in ganny *shift*. Si ou get program 2.

Program 2 i *Specialised Care*, apre program 3 i *curative*. Savedir *Community, Curative And Preventive Services*. Zot, zot napa *medicines and medical*

supplies. Akoz sa i ganny plis santralize. Mersi Mr Chair.

MR SPEAKER

Wi Onorab, ki klarifikasyon?

HON CHANTAL GHISLAIN

Mr Chair mon klarifikasyon i lo sa zafer *Grant*. Kekfwa *PS Thesee* ti kapab eksplik nou, en pti pe plis lo la. Parske mon ankor en pti konfize dan la fason ki Minis in dir.

MR SPEAKER

Wi *PS Thesee* ou kapab adres sa.

PS DAMIEN THESEE

Mersi Mr Chair. Dan *PSIP 2020*, nou ti met sa larzan pou *activate* sa *Indian line of credit*. Pou tir en pe presyon lo *recurrent budget*, me selman malerezman tou kou nou'n ganny retar, pou kapab servi sa fasilite.

Se pour kwa 2021, nou pa'n met ditou provizyon anba sa *line of credit*, pou servi sa larzan. Me nou'n kit son *recurrent spending* ki nou annan, anba *materials and supplies*.

Parey Dokter in eksplike pou nou servi pou lannen. Akoz *overall* pou 2020 si ou gete ti apepre R302milyon, ek son

bann revu ki nou'n fer, nou met R247milyon *total supplies* anba *material supplies* pou 2021. Mersi.

MR SPEAKER

Mersi. Nou a kontinyen. Onorab nou'n pas en bon pe letan lo la. Prezan tou bann Manm pe komans pran labitid annan de *follow-up*, olye enn. Fer li vitman silvouple. Apre nou ava terminen.

HON CHANTAL GHISLAIN

Non, i pa en *follow-up* sa, i leklersisman akoz mon pe dir ki. Mon en pti pe ankor konfize letan Minis pe dir, bann zafer *Grant* pa'n antre/ ki'n antre san menm sa ki mon ti'n demann *PS Thesee* pou eksplike.

Apre mon kestasyon kot oli konponan lokal? Ki kantite nou pe donnen lokalman? Akoz dan tou *Grant* i bezwen annan en konponan lokal. Mersi.

MR SPEAKER

Wi, *panel* lekel ki kapab pran sa. *PS Thesee* wi.

PS DAMIEN THESEE

Mersi Mr Chair, ankor lo sa *issue Grant*, pou bann fasilite. Ankor ler bann Lotorite i fer bann diskisyon. Nou *still* sey *capture* dan Bidze, pou konnen

i annan sa plan daksyon ki pe viv.

So nou'n met li la, e ler bann diskisyon in finalize la nou avar ganny lenformasyon konkret ki vini. Akoz annan de ler nou kapab pa mete osi, i pa fer naryen. Ler i vini nou *capture* li ler i antre.

Selman pou ed en pe planifikasyon pou konn bann proze, ki vini sanmenm nou fer sa provizyon la. Mersi.

MR SPEAKER

Mersi. Onorab Mondon.

HON TERENCE MONDON

Mersi Mr Chair. Bonn apre midi Minis avek ou lekip. Mon premye kestyon i annan en sonm 88.8milyon pou proze *health information system*. E ladan i annan 12.2 finansman lokal e 76.6milyon atraver *loan*.

Mon anvi konnen kote zot ete avek sa proze an term staz konplete? E avek sa sonm 88.8 kote zot ekspekte arive avek sa proze?

Mon dezyenm kestyon enn bann defi zot dir ki napa kapasite neser pou zer bann proze ek kapital. E dan Bidze mon vwar en sonm R150.4milyon pou lannen 2021. Mon zis anvi konnen ki laranzman zot fer pou zot kapab fer sir sa bann proze in ganny

zere byen? Par lefe ki zot pe dir zot napa kapasite?

Mon 3enm kestyon i konsern prokirman lekipman. Mon konnen leksplikasyon in donnen, *CEO* in dir ki zot annan en prosedir etabli eksetera. E Minister Finans osi i *involve* en pti pe pou fer sir ki zot kapab zer byen prokirman.

Me mon anvi konnen eski bann profesyonnel ki pe servi bann lekipman, eski zot ganny konsilte? Eski zot form parti sa seleksyon ler pe swazir bann lekipman pou fer vini? Eski sa bann profesyonnel ki servi lekipman zot, zot *part of* sa desizyon? Pou swazir bann lekipman?

La mon pe fer referans avek laboratwar an relasyon avek *biomedical engineering*. Kot mon anvi konnen lekel ki annan pli ran *say* ler zot pe swazir lekipman pou fre vini?

E zis an pasan Mr Chairman *CEO* in koz lo lanbilans, nouvo lanbilans. E dan nou rezyon sid, Anse Royale nou konnen lanbilans pa byen ekipe.

Mon ti anvi konnen si dan sa de nouvo lanbilans nou rezyon i posib ganny bann lanbilans ki pli byen ekipe? Mersi Mr Chairman.

MR SPEAKER

Mersi. Wi Minis.

MINISTER PEGGY VIDOT

Mersi Mr Chair. Mersi Onorab. Mon ava pran kestyon lo *procurement of equipment* e mon ava demann CEO si i kapab reponn kestyon lo sa *Health Information System*.

E an menm tan mon ava reponn ou kestyon lo zesyon proze ki in en problem pou nou. E lannen apre lannen nou'n vwar ki larzan kekfwa in bezwen ganny rann. Re donn Finans aköz nou'n napa sa kapasite pou fer li.

E apre nou'n aprann ki in ganny dir poudir bann gran proze keksoz ki pli gran ki pe konmanse, pou donn tou avek Minis kot *Lands* ki zot ava pli kapab zere. Zot annan plis sa abilite, zot annan plis sa konesans. E sa i ava tir sa bann bout lo nou.

Me solman larzan ki'n ganny atribye la anba sa Bidze i bann konponan larzan ki al pou bann gran *capital projects* ki nou pou fer. Me nou, nou menm nou, nou pa pou zere sa bann gran proze. Alor i ava pli fasil pou nou fer sa bann pli pti bout konman *maintenance* bann pti bout koumsa.

Lo zafer *procurement* lekel ki annan pli gran *say*, lekel ki deside. Souvandfwa sa i ganny

driven par profesyonnel zot menm, ki vwar letan zot pe travay dan en domenn. Ki kekfwa i annan keksoz i annan *pieces of equipment* ki zot santi poudir i bezwen.

E souvandfwa zot fer sa demann. E sa demann i ganny pran parfwa zot a ganny menm avek en *proposal*. Ki *make*, ki *brand*, kote. E sa i ganny pran i ganny diskite.

E konman *biomedical* i sa group ki pou fer *servicing* lo sa bann lekipman, i souvandfwa nou bezwen demann zot lopinyon. E zot osi zot fer zot resers pou zot vwar ki mannyer sa bann keksoz i ganny fer. I annan de kriter ki zot, zot in *set*.

Par egzantp si nou pe al aste en bout lekipman nou souvandfwa nou bezwen vwar si i keksoz ki i standar. Par egzantp si nou pe aste en keksoz pou en laboratwar, dizon Mahe ou sinon Praslin, nou fer sir ki i dan preski menm *make* avek sa lot.

Koumsa ki nou kapab servi menm kalite *reagent*. Aköz dan lepase nou vwar nou aste diferan kalite bout lekipman apre nou bezwen en kalite *reagent* pou sak sa bann lekipman e ki fer ki larzan i disperse. E souvandfwa nou *run out of* diferan keksoz.

Alor i annan serten standar ki zot servi pou zot kapab dir. An menm tan zot regarde ki kalite *servicing* nou gannyen avek sa *manufacturer*. Ki kalite *spare parts* nou pe gannyen. *Availability of spare parts* e tou sa.

Akoz souvandfwa konman profesyonnel nou, nou pa pe al antre dan sa bann bout koumsa. Me sa i ede. Me konsiltasyon i ganny fer e desizyon i ganny fer ansanm baze lo sa bann pwen. Sa ki nou ti ava kontan dir. Mon ava demann *CEO* pou reponn.

MR SPEAKER

CEO wi.

CEO DR DANNY LOUANGE

Mersi Mr Chair. Mersi Onorab pou ou kestyon. Lo kote *Health Information System* savedir sa sistenm nimerik ki nou pe entrodwir dan *Health Care Agency*, menm ki i pou al dan lezot sekter dan Minister Lasante. Wi ou'n korekteman dir ki i annan de konponan. I annan sa 88.8milyon apre i annan sa 12.2milyon.

Mon a konmans avek sa 12.2milyon. Sa 12.2milyon i en *local budget* ki nou pou bezwen letan bann lekipman in vini. Sirtou ban lekipman parey

server, bann *fibre optic cables*, tou bann lezot *network* lekipman ki pe vini. E nou pou bezwen en Kontrakter ki pou *install* sa bann lekipman.

So sa i tonm anba sa bout 12.2milyon. Pou sa 88.8milyon sa i anba sa enn osi *line of credit, Government of India*. Sa i pou *the software* li menm. I annan sa konponan *software* apre konponan *hardware*.

Sa konponan *software* nou'n fini konmans sa proze depi Zilyet Lannen pase. E menm mon annan loner pou mwan anonse ki nou'n *go live* depi semenn pase. Me sa *go live* i limite pou tou bann resepsyon dan Lopital Sesel.

I annan 6 pwen ki bor – si ou pou al vwar en dokter oubyen pou al menm fer en *X-ray* ou pou anrezistre. Ou pou anrezistre anba sa sistenm. E sa in konmanse nou pou menm aprezan *move* dan bann sant lasante *across* Mahe, Praslin ek La Digue. So sa i *ongoing*.

Me pou ou kapab fer sa ou bezwen *training*, ou bezwen *move slowly* avek pou fer sir ki letan sa i *go live* konpletman i pou mars byen. E nou pe met en ta zefor ladan pour ki sa i vin en sikse.

Lot konponan e nou pe anvizaze sa fini avan milye sa

lannen, sa *software component*. Me parkont sa *hardware component* nou'n fini *award* pou premye lot lekipman. Bann lekipman e sa *server*, bann *network equipment* sa in fini ganny *awarded*.

Ganny kontrakter *to en supplier*. La i bezwen zis ki zot pe *manufacture* apre pou anvoy Sesel. Lot, *lot* i pou bann lekipman parey *computer*, ban *printers*, *bar code readers and so on*.

Sa i pou sa *second lot* ki i pou pran apepre 3mwan pou nou kapab fini *procurement* akoz *involve Exim Bank* avek Gouvernman *L'Inde*.

Apre lo kote lanbilans wi mon kontan parey nou dir pou anonse ki nou'n ganny sa de nouvo lanbilans. Nou pa ankor *allocate* zot. Me selman nou annan en tim ki pe travay pe gete ki bor nou kapab met sa bann lanbilans. Sirtou ranplas bann ki pa kapab marse, ki ayoyo, ayoyo.

E si Anse Royale i enn sa bann landrwa ki bor i priyorite akoz sa lanbilans ki Anse Royale *currently* i annan *issues* nou pou ranplase. Mersi Onorab.

MR SPEAKER

Mersi *CEO*. Onorab Woodcock.

HON WAVEL WOODCOCK

Mersi Mr Speaker. Bon apre midi Minis, *CEO*. Minis mon kestyon i *comme suivant*;- Donn bon servis lasante nou pep bann pasyan ..Seselwa i preogativ *Public Health Care Agency*. Me an menm tan nou bezwen fer sir kot I annan labi, gaspiyaz nou bezwen koupe.

La mon annan dan mon posesyon la Rapor Oditer Zeneral 2015 kot i konsern *AMSA*. Wi mon dakor ki nou bezwen donn bon servis nou sitwayen. Me solman kot i annan gaspiyaz, kot i annan labi nou bezwen *point out*. Mon pe koz kot i konsern *AMSA*.

Mr Speaker Bidze programm the *Hospital and Specialised Services* i R810.9milyon. E Minis pli boner ou'n dir pou *AMSA Renal Care* i pou en servis dyaliz.

Annefe mon rapel an Desanm ler Prezidan ti al fer vizit *UAE* i ti zwenn avek Prezidan *AMSA Renal* e nou ti find out ki en kou par dyaliz par pasyan i kout environ 250 Dolar.

Prezan ler ou pe kalkil la kantite pasyan ki i annan. E ou ou'n donn nou en *figure* pli boner kot ou'n dir pou servis dyaliz sa lannen i kout environ R8.9milyon.

Par lannen mon krwar i pou tonm en sonm – si mon'n konpran byen apepre en R100milyon ekek par lannen pou servis dyaliz. E mon kestyon i – akoz ler mon pe get sa rapor Oditer Zeneral i annan detrwa keksoz ki Oditer in *raise*, kot i konsern sa Kontra ki ti ganny sinyen ant Minister Lasante, *Health Care Agency* avek *AMSA*.

E ladan i dir poudir Lalwa Prokirman pa ti ganny swiv. E an menm tan dan Rapor Oditer Zeneral in osi fer sorti poudir sa kou ki nou pe peye ozordi 250 Dolar Prezidan ti sey negosye. Ler i ti al *UAE* pou sey fer desann pou vin 175 Dolar. E ou menm ou Minis ou'n dir poudir sa pa soutenab. I tro bokou. I egzorbitan. Sa bann kou ki nou peye i vreman, vreman eleve.

Alor Minis eski i posib. *I mean* si nou menm nou, nou pou fer sa servis konman en nasyon – konman Minister Lasante eski pa pou kout nou pli bon marse or eski nou pa ganny en *better deal*? Si nou pa *outsource* sa servis ki sa *deal* ki nou pe aktyelman gannyen avek *AMSA* ozordi?

Mon dezyenm kestyon i konsern kot klinik grand Anse Praslin. Minister ou vizit ki ou ti fer Grand Anse Praslin kot

Klinik Grand Anse Praslin ou ti vwar en pe bann defayans ki nou annan an term lespas. Tou bann servis lasante enkli *Public Health* osi i lanmenm.

E ti annan sa *building* par deryer ki nou ti ganny diskisyon pou gete ki mannyer nou kapab refurbish sa building, renovate sa building pour ki I kapab ofer enn de bann servis. Eski sa I dan zot plan, zot konsiderasyon pour le fitir? Mersi Mr Speaker.

MR SPEAKER

Mersi Onorab. Wi Minis.

MINISTER PEGGY VIDOT

Mersi Onorab pou ou kestyon. Wi lo size *AMSA* ki pe donn servis dyaliz isi, in annan bokou diskisyon menm par sa Lasanble – Lasanble *previous* lo sa.

E sa ki nou annan se en Kontra ki an premye lye pou 10an ki napa en tro gran *break Clause* ki fasil. E ki *according to* sa Kontra depi Avril sa lannen zot ti pe sarz nou 200 Dolar par sesyon.

E sak dimoun I fer li 3 sesyon dan en semenn. 3 sesyon dan en semenn pou sak dimoun. E alor ou vwar konbyen kou i vini ler i ti 600 Doar par semenn. Ler dolar ti R14 sa ti en serten kou. Ler ki

dolar i R22 *obviously* sa in monte i vin plis.

Ler Prezidan in negosye 175Dolar o lye ki AMSA i ava mont son pri. Parey i ti dir i pou monte dan sa Kontra pou 250 i 175. A en kou R22 Dolar sak sesyon i R3850 konpare avek ki i ti ete letan nou ti swiv sa Kontra lo R2800.

So ou deza vwar kantmenm sa negosyasyon par sesyon i *still* en R1000 an plis. Savedir R1000 an plis pou sak pasyan.

So rezon ki mon'n dir ki sa ki nou ti pe peye oparavan i mwens. Akoz kou Dolar min monte malgre sa rediksyon. E sa vreman i pa soutenab dan sans ki nou pou kontinyen pey bokou. E nou konnen plis dimoun pou bezwen dyaliz an mezir lannen i ale.

Nou pou bezwen vwar. Nou'n konmans bann diskisyon avek Finans ki mannyer nou pou antre an diskisyon avek AMSA. Pou regarde ki mannyer nou kapab annan en antandi ki nou pou kapab donn sa servis me pa a en kou ki egzorbitan. A en kou ki pei i kapab tenir.

E si konmela ki nou pa ariv en Lagreman, ki kalite aksyon nou pou bezwen deside pran. So sa i keksoz ki nou bezwen pe regarde akoz sa se keksoz ki mon'n dir.

Kou i kontinyen monte. E *as long* ki Dolar i reste lo sa pri menm sa *negotiated* pri ki Prezidan in gannyen lo 175 i *still* pli ser ki ler zot ti siny sa Kontra 200 Dolar.

MR SPEAKER

Mersi Minis. Fini avek ou repons avan. Ti annan repons lo klinik Grand Anse Praslin mon krwar. Wi *CEO*.

MINISTER PEGGY VIDOT

CEO ava reponn sa bout.

MR SPEAKER

Wi *CEO*.

CEO DR DANNY LOUANGE

Mersi. Mr Speaker. Mersi Onorab pou ou kestyon. Klinik Grand Anse Praslin sant lasante klinik Praslin, sant lasante Grand Anse Praslin. Nou ti vizite lannen pase. Ti en pe tar lannen pase. Nou'n idantifye.

Nou ti met dan nou komitman ki nou ti pou servi sa lespas deryer, sa landrwa. Sa *building* ki par deryer klinik pou nou *convert* li – bann servi s ki nou ti'n agree. So *design* in fini ganny fer. Nou ankor pe diskite e agree lo *design*. Apre nou pou *move* lo *tender*, *process* apre son *civil works*. So i annan travay ki pe ganny fer in the

background lo la. Mersi Onorab.

MR SPEAKER

Wi Onorab. Annou sey fer klarifikasyon kourt, vit, silvouple.

HON WAVEL WOODCOCK

Mon pou bref lo mon klarifikasyon ki mon pe rode. Kekfwa *PS Thesee* i kapab dir nou akoz ler mon pe get dan Rapo Oditer Zeneral ou'n fer sorti detrwa keksoz en. Pou "*documentation of invoices and lack of justification for a number of cost and services.*"

E mon pa konnen si zot in fer *analysis* baze lo Rapo oditer Zeneral, si ou ...en pe detay ler zot, zot in fer zot *analysis* zot in vwar poudir i annan bokou sa bann defayans. E si nou vreman – si i posib pou nou fer *savings*, si nou ede pou koup en pe sa bann kalite gaspiyaz, sa bann kou ki ozordi nou pe depanse? Mersi.

MR SEAKER

Mersi. Wi *PS Thesee* ou pou adres sa? Oubyen en lot manm *panel*?

PS DAMIEN THESEE

Mersi Mr Chair. Parey Minis in dir boner nou'n fer en premye staz diskisyon avek *AMSA*, kot

sa bann defayans ki'n ganny vwar dan sa Rapo Oditer in plizoumwenn ganny rektifye. E parey nou konnen ti annan bann serten *issue* avek sa Kontra ki pa ti kler.

So in the end nou'n pey *AMSA* apepre R22milyon ki nou ti dwa li in *terms of* bann larzan ki nou tenir pou li. Ziska ler nou *sort out* sa *issue*.

E ek sa bann defayans ki ti pe ganny vwar ki nou'n agree avek *AMSA* in vwar ki i ti dwa nou apepre R15milyon *in terms of* bann servis, oubyen bann keksoz ki i ti pe servi. An vi bann defayans rikord.

So nou'n met sa azour la e nou drwat. E an vi mon krwar dapre lagreman apre 5an ou bezwen fer en diskisyon pou reviz sa Kontra oubyen bann *rates* ladan. Petet i pou konpromize si nou koz lo la en pti pe plis akoz Gouvernman nou anvi al lo latib ek *AMSA* pou fer sa diskisyon.

Avek menm bi adres en pe sa bann defayans ki i annan avek sa Kontra orizinal. Mersi Mr Chair.

MR SPEAKER

Mersi *PS*. Onorab Lemiel.

HON SYVANNE LEMIEL

Mersi Mr Chair. Bonn apre midi Minis ek ou delegasyon e

tou dimoun a lekout. Mon le profit sa lokazyon ozordi pou mwan remersye tou bann travayer lasante pou zot bon travay ki zot pe fer.

An menm tan en felisitasyon spesyal pou nou bann travayer lopital Anse Royale ki vreman sa bann dimoun i donn tou.

E parkont Minis mon ti a kontan ki lopital Anse Royale i ganny gete byen. Akoz ozordi nou pe vwar ki kot bann dimoun i asize dan nou *health centre*, ki dan lopital pou le moman i annan sez plastik ki pe ganny servi.

E petet i demann ranplas li par sa bann ban dibwa. Pou *safety* nou bann pasyan osi. Mon pa konnen si ou Bidze pou fer en pti pe – si ou pou vwar en pti larzan dan ou Bidze pou ou kapab fer sa.

E apre Minis petet get en pti pe lo sa transpor ki pe fer *home visit* pou *post-natal*. E apre bann lezot vizit ki pe fer dan distrik akoz sa transpor pa bon. I pa kapab fer montanny e mazorite letan bann vizit i bezwen ganny kennsel. Petet la get en pti pe dan *welfare* nou bann staff ki pe travay laba Anse Royale.

Mon kestyon li menm i vin lo kote *outpatient clinic* ki depi ler mwan mon'n antre an 2016

nou pe lager pou sa *outpatient clinic* Minis. 2018, 2019, 2020, in annan larzan ki'n ganny mete dan Bidze. Lannen pase dernyen ti 4milyon. So nou pa'n vwar nanryen.

Prezidan ti vin vizit Anse Royale, mon ti fer en pledwari mon ti dir ek li apard rod larzan pou en pe partou pou lezot distrik get pou Anse Royale osi.

So mon pa'n trouv naryen in ganny mete ni dan Bidze 2021, ni 2022, ni 2023. Eski *outpatient clinic* Anse Royale i ankor lo *drawing board* Minister Lasante? Si wi mon ti a kontan ganny en pti pe leksplikasyon ki zistans nou'n arive avek *outpatient clinic* Anse Royale?

Laboratwar Anse Royale i sipoze ganny en dimoun e i pou reouver. Petet mon ti a kontan konnen en pti pe osi Minis, ki bann servis ki zot pe mazin donner dan sa laboratwar li menm?

Mwan mon ti pou fer en pledwari ki Anse Royale i ganny ankor en lanbilans. Akoz ler an 2018 zot ti dir nou ki Anse Royale i sipoze annan de lanbilans akoz i en *regional centre* li.

So mon pou fer en pledwari avek ou Minis ki dan sa de lanbilans oubyen dan ou

fleet lanbilans ki ou annan get enn ki bon.

Anse Royale i montannye e i desarz Takamaka, i pou desarz Au Cap. Anse Royale i annan montanny. Get enn ki ankor bon. Met avek sa enn ki deza la pou kapab fasilite aranz servis dan distrik Anse Royale.

Ler mon get lo zot pwen stratezik zot in dir ki a *“sustainable high quality work force to meet the future health care needs.”* E mwan mon pe enterese avek sa bout dezyenm *bullet* anba sa kot zot pe dir zot pe *“re design and empower work force to improve work culture and build capacity and commitment to lead in health reform.”*

Mon ti a kontan ganny en pti pe leksplikasyon lo sa *health reform* ki zot pe mazin anmennen pou zot kapab anmenn sa sanzman dan Minister Lasante. Petet ki zot pe mazin anmennen? Mersi Mr Chair.

MR SPEAKER

Mersi Onorab. Minis wi.

MINISTER PEGGY VIDOT

Mersi byen Onorab pou ou kestyon, avek tou ou bann pledwari. Bomaten mon ti dir poudir enn nou priyorite se *patient safety*. E *patient safety*

I gran. I al parey ou pe dir lo bann sez plastik ki enportansyel pou pasyan tonbe lo la.

Sa nou pe regard ladan. Si ou dir nou poudir lanbilans pa pe kapab fer montanny e i pa pe kapab ariv vit kot dimoun sa osi i *part of patient safety*. Nou pa anvi pasyan ganny kite dan milye semen aköz lanbilans pa ale. So nou ava regarde.

Nou ava regarde dan nou *fleet* lekel lanbilans ki pli bon pou nou fer teren parey ou pe dir i annan. E si nou pe kapab mete nou a mete. I ava osi annan loto ki nou fer *home visit*.

Mon krwar nou'n ganny en larzan dan Bidze ki nou pe aste enn de transpor. E ankor i ava vwar kote ki annan pli gran bezwen pou nou fer li.

An term *outpatient clinic* pou Anse Royale oubyen pou dir i napa larzan dan Bidze ki'n ganny mete. Me ankor ou'n fer ou pledwari. Prezidan letan in fer son vizit kot Qatar *ealier* sa mwan, enn son bann demann sete ankor lasistans pou *build en outpatient clinic* Anse Royale.

Parey sa premye ki nou ti dir taler ki i pe atann en rezilta lo izolasyon, so i pe atann en rezilta lo Anse Royale. Alor dek ki nou a konnen nou ava konmans keksoz.

Anse Royale i ankor lo *drawing board* menm si nou pe napa en Bidze no pe rod lezot fason *fund* li. Akoz parey ou diri en bezwen. Malerezman in la pandan detrwà lannen en bout Bidze in ganny donner me lot bout Bidze pa'n ganny azoute. Alor pa'n ganny fer. Me nou pe regard ladan.

Devlop nou *staff* pou fer sir ki zot kapab ede dan reform. *Reform* i pa neserman zis reform striktir me *reform* lo proses, lo prose, lo Polisi. Lo tou keksoz ki anglob lasante.

Nou panse ki nou pe regard - fer sir ki tou nou travayer lasante i ganny sa kalite ankadreman ki zot bezwen pou zot pran par dan sa bann kalite desizyon. Ki zot bezwen *être* par ladan, letan nou pe *provide* swen.

Alor nou pou pe regard tou kad lasante. Regarde ki pli bon kalite *skill mix* ki nou bezwen dan ki kalite landrwa. Ki kalite konesans ki zot bezwen. Lkel group ki kapab fer keksoz dan en fason pli *cost effective*. E tou sa i pe keksoz ki nou pe ganny fer.

Mon'n dir dan mon lntrodiksyon poudir nou pe met en kantite lanfaz lo program. E sa ki nou pe regarde an se moman en kantite se bann program

online ki diferan group lasante i kapab swiv dan en fason pou zot mentenir zot konesans profesyonnel.

Me osi pou ed zot devlopman avek zesyon dan lasante e diferan keksoz koumsa. So i *part of* nou stratezi e en keksoz ki nou pe travay lo la. Mersi.

MR SPEAKER

Wi Onorab.

HON SYVANNE LEMIEL

Mersi. Mr Chair permet mwan akoz i en keksoz ki mon'n oublie e pasyan dyaliz Anse Royale zot pe fer mwan mazin poudir mon'n bliye demann zot kestyon.

Ti osi dan nou diskisyon le ou ti vin vizite Minis ki nou ti demande pou desantraliz servis dyaliz. Anmenn li Anse Royale e zot ti dir poudir sa i posib.

E nou ti'n ganny dir poudir wi zot ti pe annenn li *the soonest*. Ki zistans nou'n arive avek sa desantralizasyon? Apre mon'n demann zot en kestyon lo zafer laboratwar, pa'n elabore pou dir mwan ki servis zot pe vin donner.

E apre mon pe ganny en konpran ki *Renaissance* ki ti pe donn sa servis dyaliz avan i paret sa bann pasyan i an kontak avek sa bann dimoun

kot *Renaissance*. Sirtou *CEO Renaissance*. E zot pe dir ki zot ti a kontan retournen pou donn sa servis menm si petet bann dimoun ti parey pou peye. Ki pwennvi Minister Lasante? Mersi.

MR SPEAKER

Mersi Onorab. Wi Minis.

MINISTER PEGGY VIDOT

Lo pwen dyaliz konman desantralize pou Anse Royale, parey nou ti dir I annan plas Anse Royale pou nou fer li i annan posibilite pou fer li. Me parey nou'n dir nou annan ankor diskisyon avek *AMSA* ki manner. Akoz *at the moment* tou nou *renal care* pe ganny donnen par *AMSA*.

Alor i pou en pe dan sa diskisyon osi ki nou pou pe fer. Kan ki i pou desantraliz kwa e nou napa en dat ki nou pou dir ou nou pe konmans sa. Me selman i an diskisyon.

Mon a demann *CEO* pou reponn kestyon lo laboratwar silvouple.

MR SPEAKER

CEO wi.

CEO DR DANNY LOUANGE

Mersi Mr Chair. Mersi Onorab. Wi nou ti'n set up en laboratwar kot lopital Anse Royale. E sa a

letan, letan nou ti pe *conform* sa landrwa pou izolasyon, letan nou ti pe prepar li pou konman izolasyon.

E menm nou'n servi sa bann lekipman pandan letan normal e nou'n menm redwir servis laboratwar santral. E i ti itil pou nou akoz nou pa bezwen desann avek *blood samples*.

Sa servis laboratwar ki no ti annan Anse Royale ti pou fer *FBC, Full Blood Count* apre bann *electrolytes*. Bann disel dan disan apre bann gas dan disan. Pou le moman la ki nou sityasyon – nou bezwen reviz nou *workforce* pou gete si nou kapab re fer li aktiv ankor.

Akoz la nou annan en laboratwar ki kot *Family Hospital* ki nou bezwen etabli akoz sa bann *samples* i annan en gran risk. Si nou transport li *main central hospital*.

E menm nou staff laboratwar osi akoz I annan – nou bezwen plis *staff* pou fer *PCR*. Nou'n *mobilise* nou bann *staff* osi dan *PCVR lab*. Ki anba *Public Health Authority*. So nou vwar nou dan en sityasyon ki bor staff i vin en gran *challenge*. Me parkont nou ava re vizit sa ki ou'n met devan e gete si nou kapab re konmans sa servis Anse Royale.

Parey ou'n dir i byen, letan nou ti annan sa servis Anse

Royale i ti deservi nou byen. Akoz i ti redwir sa letan espere par pasyan. E nou vwar pasyan ti pli satisfè. Mersi Onorab.

MR SPEAKER

Mersi. Onorab Bistoquet.

HON ROSIE BISTOQUET

Bonn apre midi Mr Chair. Bonn apre midi Minis e ou delegasyon. Bon apre midi tou bann Onorab. Konman en profesyonnel lasante mon felisit tou *staff*, tou bann koleg dan lasante spesyalman nou nouvo Minis dan nou nouvo Gouvènmman pou *champion* sa lepidemi.

(***APPLAUSE***)

HON ROSIE BISTOQUET

Zot pe *champion* sa lepidemi ek lefikasite, me Minis mon dir ou pa bezwen ekout sa bann demagozi politik. Les nou Minis trankil! Mr Chair mon annan mon kestasyon. en kestasyon avek en klarifikasyon.

MR SPEAKER

Ale wi.

HON ROSIE BISTOQUET

Mon premye kestasyon I anba *program 3. Curative and Preventive Services*. Anba *materials and supplies* mon pa

vwar okenn fon, okenn *funds*. Okenn Bidze pou vaksen. 2002 ti annan 2.4milyon. Pou 2021 mon pa vwar nanryen. mon kapab ganny en pti klarifikasyon silvouple?

Mon lot klarifikasyon se ki mon pe demann lo kote staff ti pe demann mwan pou demann sa kestasyon lo kote sipor moral, vi ki bann *staff* pe ganny ekspoze avek *COVID*, e sirtou avek konplikasyon *COVID*.

Staff lasante mon konnen en nou tou nou konnen i bann *first class* travayer esansyel ki ganny ekspoze. E zot in menm teste pozitiv. E i annan en kantite ki'n al dan karantenn.

E mon konnen i pa fasil akoz mwan osi mon'n fer fas avek sa bann dimoun ki dan lasante konman en koleg. Zot ganny tromatize. I annan ki bezwen kit zot fanmir pou zot al dan karantenn.

Dan nide *caring for the carers* eski Minister Lasante i mazine pou met en striktir an plas, pou sa bann travayer kapab al *detox* zot mantalman sirtou moralman? Mersi bokou M Speaker.

MR SPEAKER

Mersi. Wi Minis.

MINISTER PEGGY VIDOT

Mersi Onorab pou sipor. Mersi pou kestyon. Mon ava pran kestyon lo sipor pou *staff*. Nou realize poudir wi *staff* i bezwen en kantite sipor moral, psikososyal e i enn bann program ki nou'n mete.

Mon konnen Onorab ou ou'n enn ki'n ede lannen pase sirtou avek sa bann group ki pou donn sipor moral espesyalman bann ners. Antan ki ou ti pe *lead* asosyasyon ners.

E i osi ou form par sa *eco social group* ki nou ti pe regarde. Sa i an diskisyon. Nou santi poudir nou bezwen plis lasistans ki zis dimoun dan Minister Lasante, e alor nou pe travay avek lezot dimoun lezot Minister. Minister La fanmir, Minister Servis Sosyal, kot nou pou kapab annan group ki pou donn sipor bann travayer Lasante.

An menm tan nou realize poudir nou bann dimoun ki pe ansarz bann diferan *unit*, zot osi zot bezwen, zot pe donn en kantite sipor bann dimoun ki travay – pou tou dimoun vreman. Akoz parey ou dir diferan dimoun i ganny afekte diferan fason. E sa i en gran bezwen.

Alor mwan lo mon kote mon rekonnèt ki bann travayer lasante pe donn en kantite e ki

zot bezwen en kantite sipor. En kantite sipor pa zis *from* dimoun ki travay dan Minister Lasante me from tou dimoun an zeneral. Akoz zot travay i pa toultan fasil. I difisil.

E parey ou dir ler zot pe ganny demande pou fer- akoz nou pe demann zot detanzaot pou zot fer en pe plis. E alor nou asir ou ki nou pe met an plas en group pou *psychosocial support* pou tou travayer. Mersi.

MR SPEAKER

CEO.

CEO DR DANNY LOUANGE.

Mersi Mr Chair e mersi Madanm Onorab. Lo kote vaksen wi ou obzervB anba program 3. Lannen pase ti annan vaksen ti tonm anba program 2, ek program 3. *Specialised care* avek *curative care*.

Me la prezan nou'n *shift* li anba *program 2*. E si ou get anba program 2 menm in ogmante, I 7.1milyon. 7.5milyon. e menm sa 7.5milyon avek sa *depreciation rate* ki nou pe obzerve, i reste osi en *challenge*.

Me nou'n met li la e si nou bezwen *vire* akoz vaksen i enportan. Nou pa kapab

compromise vaksen. E nou pe *monitor* li *closely*.

Me i korek pou ou dir ki i nepli anba program 3 i anba program 2. I plis aköz pou *administrative purposes*. Mersi Onorab.

MR SPEAKER

Mersi. Onorab Esparon.

HON REGINA ESPARON

Mersi Mr Chair. Bonn apre midi tou dimoun. Mr Chair avan mon al lo mon keştyon mon ti zis kontan fer en klarifikasyon lo sa zafer *free sannitary pad* ki Onorab Cosgrow ti koz lo la bomaten ek Onorab Henrie.

Sa programm donn *sannitary towel* dan leköl la ti komans *Zimbabwe* ti pas en *model law* mon rappel – Madanm Clerk ou ti avek mwan dan en plenyer SADC kot sa ti ganny pase dan en *model law*.

E *Zimbabwe* ti met sa an Mars 2017 e swivi par *Kenya* ki ti pas en Lalwa dan son Lasanble an 2018 pou donn *free sannitary towel*.

E *Scotland* li i pa premye in vin apre li. Zis en klarifikasyon. Mersi Mr Chair.

Mr Chair anba “*building and infrastructure*” mon pe regarde mon pa pe war okenn alokasyon pu sa proze pou met en *lift* kot *Eye Clinic*. Mon rapel

sa ti en *issue* ki depi 20219 nou ti diskite isi dan sa Lasanble.

Parske i annan bokou lenkonvenyans ki ganny koze pou bann dimoun aze, sirtou ki zot bezwen mont peron ;- enn ler dimoun i dan *wheelchair*, dimoun avek bekir pa pe kapab *access* sa bann *stairs* parski lokasyon ki *Eye Clinic* i été.

E dezyenmman ler mon pe regard anba “*building and infrastructure*” i annan en alokasyon R21milyon 798mil mon pe zis klarifye si anba sa alokasyon *purchase of medical equipment* i osi annan en larzan ladan pour ki nou ganny sa sez danter pou leköl primer Glacis ?

Parske leköl primer Glacis depi ler in fer nou ankor pe espere pou nou ganny en sez pou dantis travay, parski an se moman bann zanfan i bezwen al Bel Ombre oubyen Beau Vallon akse klinik danter.

Dezyenmman Mr Chair

MR SPEAKER

2enm oubyen 3enm la?

HON REGINA ESPARON

Non 2enm. Minis mon mazine apre sa ki’n arive kot *Regional Home for the Elderly North East Point*, ou Minister pe regard sa landrwa avek en lespri pli ouver ki nouvo sanzman Minis pe

mazin fer dan sa lenstitisyon? Akoz deza avek sa lekip ki'n ganny deploye pou al ede, bann staff en pasyon pe santi zot nepli anba presyon ;- zot santi zot pli alez pou eksprim zot lopinyon.

An vi ki bann pasyan kot *Regional Home* zot lasistans sekirite i al direktaman kot Minister Lasante e zot ti pe ganny donnen R200 par semenn e mon rapel ki dernyen fwa nou ti pe diskite lo Bidze nou ti propoze pou ogmant sa, me sa pa'n arive.

Parski sa larzan ki Gouvernman i donnen i sipoze pou *welfare* sa bann pasyan. Petet Minis i nesese revwar fason ki sa larzan i ganny zere.

Bokou konplent i lo manze ki sa bann dimoun aze pe gannnen, parske nou bezwen mazin ki letan sa bann dimoun zot aze zot sistenm dizestif i en pe pli *slow*, akoz nou pa kapab toultan pe donn zot sa gro diri nou pe bezwen revwar sa kalite manze ki zot pe gannnen.

Minis mon pou osi felisit ou pou linisyativ ki ou ti pran pu atak sa sityasyon *COVID* dan en fason profesyonnel apre ki mwan mon ti alert ou lo sa sityasyon. Si non keksoz ti pou 'n kapab vin pli grav.

Mon osi felisit e remerci sa staff ki ti alert mwan ki i ti pe ganny forse vin *on duty* malgre ki 2 zour avan i ti'n ganny teste pozitiv. Mwan mon war sa koman en akt sabotaz mwan Minis. Ou konpran ?

Mon kontan lafason ki Mrs Souris pe debourye pou met en pe laklerte laba. Mon panse ki a lavenir *Regional Home for the Elderly* i osi bezwen swiv standar ki *Council for the Elderly* in etabli. Mersi Minis.

MR SPEAKER

Mersi Onorab. Minis wi ?

MINISTER PEGGY VIDOT

Mersi Onorab. Wi nou realize poudir i bezwen annan en bon pe sanzman pou ganny fer lafason ki nou pe zer *Home for the Elderly* dan diferan fason. Ou'n dir enn bann premyer se fer sir ki tou standar ki ganny *set* pou bann *Homes* ki i prive, i osi aplikab pou *Home* ki nou, nou pe zere.

E ou'n dir nou revwar ki manner larzan ki vin pou bann dimoun ki laba i ganny zere e sa i en keksoz ki nou pe fer baze lo Rapor *internal auditor* ki'n ganny fer nou pe pran tou sa an kont pou nou fer

sir ki sa zesyon i pli bon, i pli kler e i pli vizib pou tou dimoun.

An se moman nou pe regard tou sa. Nou pa ankor annan en plan defini lo kan manner nou pou aranz North East Point, me solman sa ki nou konnen nou pou aranze pou nou fer li vin en landrwa parey ki ou dir ki a pli en standar bokou pli o, bokou akseptab.

Ou'n demann nou zafer *lift* pou *Eye Clinic*. Wi i en gran bezwen ki'n ganny idantifye e *lift* in fini aste i la, me i annan serten travay konstriksyon ki pe ganny fer e ki bezwen fini fer avan ki sa i ganny enstale, me nou espere ki byento sa i ava fer.

Lo si nou'n fer alokasyon pou annan en sez danter dan lekol Glacis, sa mon ava demann *CEO* pou li fer komantr lo la. Mersi.

CEO DR DANNY LOUANGE

Mersi Mr Chair. Mersi Madanm Onorab. Lo kote *dental chair* Glacis pou Glacis *school* wi mon krwar i korek ki ou'n dir ti annan bann diskisyon parmi bann spesyalis ki pe get - ki ti a pli bon servi sa fasilite pou annan lekol.

Si pou en sez oubyen si i pou donn bann lezot servis. Mon krwar sa ki'n fer sa *delay* pou met sa *chair* li menm. Mon

krwar mon ava *take up* sa avek nou tim nou a gete ki bor nou ete avek e nou ava enform ou mon, mon ava enform ou *personally* ki bor ki staz nou ete avek. Mersi Onorab.

MR SPEAKER

Mersi. Onorab Phillip Arissol.

HON PHILLIP ARISSOL

Mersi Mr Chair. Bonn apre midi tou dimoun. Eski Minis i kapab dir Lasanble konbyen in kout *Health Care Agency* pou *outsource* servis prepar e repa par Lopital Sesel avek *Skychef* pou sa dernyen de lannen.

Eski in annan okenn *monitoring* ki ganny war ki kantite manze ouswa ki kalite manze an term nitritif ki ganny prepare avek bi pou anpes gaspiyaz?

Epi Minis vi ki i annan sa sant rekreasyonnel anler Anse Louis eski *health care center* pa ti kapab met en dokter enn fwa oubyen defwa par mwan pou war bann pasyan laba anler sirtou nou bann vye dimoun ki pa kapab ariv kot nou *health center*? Mersi.

MR SPEAKER

Mersi Minis wi.

MINISTER PEGGY VIDOT

Mersi Onorab pou sa kestyon. Wi an term ki kantite nou depanse pou manze pou Lopital Sesel, sif ki mon annan pou lannen 2020 se 25milyon 615, R1015, 103 e sa i en lannen 2020.

I posib mon napa la pou 2019 me nou konnen ki poudir 2020 i pa'n en lannen ki totalman normal. Nou'n annan en pe mwens pasyan dan lopital.

Me nou'n osi annan dimoun ki'n reste dan bann landrwa, dan sant izolasyon kot nou'n bezwen donn manze. E si nou pou bezwen pou 2an nou kapab fer ou ganny sa, me ou'n demande si i en keksoz ki Minister i kapab regarde, si nou, nou kapab fer sa nou menm.

Mon krwar bomaten nou'n dir enn bann rezon si nou pou fer li, nou bezwen fer en bon *economic assessment* pou war ki sa ki pou pli *cost effective*. Me an term si i annan gaspiyaz, wi nou'n fer en legzersis dan sa trwa dernyen mwan pou war ki kantite manze ki pe ganny *order* e baz li avek nou *occupancy rate* e kot nou'n war poudir i tro bokou sa ki ti pe ganny *order* nou'n koupe, e nou'n war poudir nou kapab fer en bon *savings*.

So nou pe kontinyen *monitor* sa pli pre, e fer sir ki a mwan de mwan an mwan nou obzerv sa ki koumsa ki kantite ki nou *order* i kantite nou bezwen, me pa kantite an plis ki pe ganny servi diferaman. Mersi.

MR SPEAKER

Wi i annan en kestyon mon kwar, dezyenm kestyon ki ...

MINISTER PEGGY VIDOT

Wi an term si nou pou kapab ouver en lot servis kot Anse Louis?

MR SPEAKER

Repet ou dezyenm kestyon Onorab.

HON PHILLIP ARISSOL

I annan sa sant rekreasyonnel anler Anse Louis ki zot ti servi. La i zis la i pa ganny servi mon ti pe demande si *health care center* pa ti mazine pou *at least* en fwa oubyen de fwa par mwan pou met en servis, sirtou pou nou bann vye dimoun ki pa kapab ariv kot *health center*?

E i osi i ava, i ava ede pou anpes mouvman dimoun anba dan *main health center*, *health care center*.

MR SPEAKER

Mersi Onorab. Wi Minis.

MINISTER PEGGY VIDOT

Wi avan mon al lo la mon fek ganny sif pou 2019 ti ariv nou 22, R22.8milyon pou ki nou'n pey *Skychef* pou Lopital Sesel pou manze. Parey mon'n dir bomaten avek kestyon Onorab Porice nou, nou pou bezwen fer en asesman konplet pou nou war kote nou kapab donn plis servis e ki fason ki nou pou kapab fer li.

E si i annan posibilite *or* i annan en bezwen *or* nou war ki sa i pou ede, *then* nou ava konsidere. Me pou sa, pou sa lannen la i pa en keksoz ki nou'n fini *plan for*. Mersi.

MR SPEAKER

Mersi Minis. Onorab Loze.

HON JOHAN LOZE

Mersi Mr Speaker. Mr Speaker i annan en lakizasyon ki'n ganny fer lo Minis avek son lekip par en Onorab lo lot kote latab, me mon krwar in fer sa san realize ki in fer.

Mr Speaker letan ou sanpyon en lakoz e mon konnen ou konn sa tre byen se ki ou siport e ou defann sa lakoz avek pasyon.

Minis personnelman mon pa krwar ki ou pe sanpyon *COVID*. Mon pa krwar ki okenn dimoun lo *panel* avek ou pe

sanpyon lepidemi parey in ganny dir ki zot pe *champion* lepidemi.

Be *if that was the case* ki *avoidance slip* ki en parol in sape, *then* petet i ava eksplike akoz *staff* pe ou bann *staff* pe atrap *COVID* to lenfeksyon in ogmante e dimoun pe mor dan nou pei.

Me selman parey mon'n dir mon pa krwar ki sa lakizasyon ki'n ganny fer i korek e i akseptab. *Minister* mon le konmans avek en remersiman senser e en felisitasyon sorti kot o fon nou leker pou ou avek ou bann *staff* Lazans Swen Lasante.

Mon pe remersi ou pou lapenn ki ou la devan nou e ou pe reponn tou nou bann kestyon avek fransiz. Mon remersi ou ki ou la devan nou e ou pare pou adres bann sityasyon ki leve.

E mon remersi ou bann *staff* ki travay toulezour ki pe limen toulezour, ki pa pe sanpyon lepidemi me ki pe plito pe lit kont sa lepidemi.

E menm si zot pe fer li malgre tou bann fot dan *management* tou bann dezaz ki'n kre sa *chaos* i pa zot fot sa i *way above their pay grade*.

Minis mon bann kestyon i ase senp.(Onorab Bistoquet

relax mon bann kestyon i ase senp.) Minis ti annan sa kestyon ki Onorab Uranie ti demande pli boner konsernan *allowance* pou bann *retired nurses* ki ou'n evre pou ou adrese.

Be bann dimoun konsernen zot ankor pe *text* nou so mon pe mazinen petet si ou ti a kapab les *HR* ouswa *Admin* ouswa *Accounts*, adres sa repons silvouple. Lo *retired nurses* osi i annan bann *nurses* avek bann *retired nurses* ki dan bann *vaccination centers*.

Lenformasyon ki nou pe gannyen se ki, zot in ganny enformen ki mon krwar zot ti resevwar *lunch* ... manze zot in ganny enformen ki de demen zot pou aret ganny manze, mon pe zis gete si ou ti kapab konfirm sa silvouple Minis?

Aprè mon dernyen kestyon i pou *PS Thesee* ;- *PS* mon pe gete si ou ti kapab donn nou dat egzakt i annan sa *COVID Fund* ki an itilizasyon si ou ti kapab donn nou dat egzakt ki sa *fund* ti ganny kree silvouple? Mersi Mr Speaker.

MR SPEAKER

Mersi. Minis ou a konmanse.

MINISTER PEGGY VIDOT

Mersi Onorab pou ou remersiman. Mon remersi ou

pou ou krwar e ki, ki mon pa pe *champion COVID* dan sans ki mon pa pe *spread COVID* ou si non ki mon pa'n anmenn *COVID* ou si non ki mon pa pe fer nanryen ki pe fer transmision *COVID*.

Sa ki mon pe fer se ki mon pe travay avek profesyonnel lasante parey ou'n dir pou nou kapab donn en *reponse* ki pli bon dapre nou pou sa sityasyon ki nou ladan.

E mon remersi ou ki ou'n kapab remersi nou bann travayer lasante parey ou dir, ki pe fer en gran travay. Me mon ti ava asir ou poudir zot pa pe fer en gran travay akoz fot ki *management* in fer pou fer *COVID* ariv sityasyon ki i ete.

Management mon santi in fer sa ki zot in kapab pou ede sirtou lo nivo Polisi, lo nivo ki mannyer nou pe adres sa sityasyon.

Ou dir poudir ou ti a kontan en repons lo bann *retired nurses*. Ki kalite *allowance* mon ava demann *DG HR* pou koz lo la. Pou regarde si vreman i en Polisi pou donn manze bann dimoun ki pe donn vaksinasyon, i pa en Polisi pou nou donn manze *staff* ki pe travay ant 8er 4er.

Nou Polisi se pou donn manze dimoun ki pe travay dan lannwit kan manze i pa toultan

a la porte. Me pou en serten lankourazman nou'n regarde dimoun in ganny manze dan sa premye 3 mwan ki i annan, me nou bezwen kanmenm kapab zer nou depans pou nou fer sir ki larzan i al pli lwen posib.

E kot i bezwen ganny serten koupir si i annan labi, nou bezwen fer li. E pou sa rezon si desizyon pe ganny pran pou nou kapab *pull back* en pe depans nou pe regard sa. Mon ava demann *HR* sa silvouple.

MR SPEAKER

Wi nou a pas kot *DG*.

DG/HR MIROSE BONIFACE

Mersi Onorab pou ou kestyon. pou reponn ou kestyon mon kapab konfirman ki wi nou annan en serten nonm *retired nurses* ki pe asiste nou avek *COVID* spesifikman.

E zot nou pe pey zot R107 par erdtan ;- savedir *regardless the number of hours* ki zot mete zot ganny peye R107 par erdtan. E osi zot kalifye pou ganny sa *risk allowance* ki nou pe pey nou bann *staff* tou. Mersi.

MR SPEAKER

PS Thesee ti annan en kestyon pou ou.

PS DAMIEN THESEE

Mersi Mr Chair. An 2020 an Avril ti annan en *COVID Fund* ki ti ganny kree apre i ti aret *operational* e apre an Novanm lannen pase ti annan en lot ankor *creation* - en lot fon ankor ki ti ganny fer. Mersi.

MR SPEAKER

Mersi. Onorab Naddy, ou annan klarifikasyon Onorab? Wi.

HON JOHAN LOZE

Minis zis lo sa kestyon lunch mon konnen ou pe dir mon i pa Polisi selman mon pe gete i ti posib pou ou sey gete si ou kapab ganny permisyon *to reach into the COVID Fund* e ganny *additional finances* petet? Akoz sa bann *retired nurses* ek bann *nurses* ki dan *vaccination centers* zot pe *perform way and above* sa ki nou kapab demann zot pou fer rezonableman.

So mon pa pe demann ou pou tir dan ou Bidze me petet *reach into the COVID Fund if possible* zis pou zot ganny en kontinyen ganny en *lunch during the day*.

MR SPEAKER

Mersi Onorab. Minis ou ti a kontan adres sa. Wi.

MINISTER PEGGY VIDOT

Onorab mersi pou ou sizesyon. Me an menm tan ler nou pe donn en group nou pa pe donn lezot group, nou pe ganny en kantite, en kantite *request* en kantite, en kantite demann ki pa neserman tou kou.

Me selman sa ki nou kapab asir ou, nou a fer nou mye pou fer sir ki nou regarde ki mannyer nou kapab pa neserman ki nou pou kapab toultan donn tou dimoun *lunch*, me kot nou pou kapab asiste zot dan diferan fason nou a fer. Mersi.

MR SPEAKER

Mersi Minis. Onorab Naddy Zailor.

HON NADDY ZAILOR

Mersi, mersi Mr Chair. Bonn apre midi Minis avek ou lekip. Mon ti a kontan salye ou Minis avek ou tim ek tou *staff* Minister Lasante parske zot travay non selman avek profesyon me i en vokasyon.

So kontinyen e asir lo nou sipor pou kontinyen pou ki nou kapab kontinyen lit kont *COVID*.

Mon annan trwa kestyon de ladan i en *follow-up* ki *panel* ti pe deza koz lo la oparavan konsernan bann *allowances*.

Eski zot kapab konfirman par egzantp si en *staff* letan ki i, i dan, i dan *isolation* oubyen i dan en *sick leave* si son *allowance* i ganny koupe?

An relasyon avek tretman aletranze, eski Minister Lasante oubyen Departman Lotorite Lasante in deza donn okenn komitman avek okenn endividi, ki bann ki al aletranze pou, pou tretman si zot in vin pey zot menm pou zot *refund*? E si i annan okenn alokasyon dan Bidze pou sa?

Pou renovasyon North East Point *Complex*, eski zot pe fer laranzman pou ki bann *shower room* ki bann pasyan i servi, i ganny modifye pou ki *wheel chair* i kapab akse bann *shower room* parske an se moman i en difikilte?

E avek ou permisyon Mr Chair mon annan en dimoun ki pe demande si par egzantp dan lenstans kot i annan en dimoun ki'n, ki'n ne avek en dezabilite zot anvi en *second opinion* aletranze si se zot ki fasilite sa, oubyen si sa endividi ki bezwen fer son prop laranzman? Mersi Mr Chair.

MR SPEAKER

Mersi. Minis.

MINISTER PEGGY VIDOT

Mersi Onorab. Onorab premye, ou premye kestyon lo *allowance* mon krwar bomaten *DG HR* ti fer nou konpran poudir pou bann dimoun ki al dan karantenn zot *allowance* pa pe ganny koupe e alor sa i lafason ki i ete an se moman.

Overseas treatment parey nou konnen i ganny *regularise* anba en *Act* ki fer ki zot annan kriter tre strik lo lekel ki ale lo lekel ki pa ale lekel ki ganny *refund* lekel ki pa donn *refund*.

E i en keksoz ki i *purely* par *Board* e ki Minister ou si non Swen Lasante i napa okenn, okenn *say or* nou pa *part of the appeal*. Zot kriter i strik lo pwen medikal ki sa dimoun i bezwen ganny fer aletranze ki pa pe kapab ganny fer isi. E sa *at the moment* lafason ki i ete.

Wi North East Point *complex* i definitivman kan nou pe reorganiz li, nou pe fer sir ki tou sa bann regilasyon ki *Council for the Disabled and Elderly* in met an plas pou bann lenstitisyon or bann landrwa kot nou annan dimoun ki bezwen annan ki *wheel chair* i bezwen *wheel chair accesible* ki i, i *shower* ki i nenport ki fasilite ki nou annan dan sa bann landrwa.

So dan re aranz sa bann lenstitisyon se sa ki nou pou fer. Mersi.

MR SPEAKER

Mersi. Onorab Samynadin.

HON KELLY SAMYNADIN

Mersi Mr Chair. Bonn apre midi Minis avek ou delegasyon. Minis petet mon premye kestyon petet i ava en pwen konsiderasyon pou le fitir.

Avek bi pou limit lakantite dimoun pou ariv kot Trwa Zonn pou akse bann servis spesyalize e osi prenon kont sityasyon medikal serten pasyan, mon ti a kontan konnen si i dan plan pou desantraliz bann servis spesyalize en pe parey Onorab Lemiel ti pe met lanfaz lo la taler tel ki *dermatology, cardiology, neurology*.

Donn ou bann fasilite dan distrik oubyen lo en nivo rezyonal. E sa i ava par konsekan tir presyon kot seksyon SOPD Minister Lasante sirtou la dan sa letan COVID ki nou ladan kot sa Departman i an se moman fermen?

Dezyenmman mon ti a kontan konnen ki plan Departman Lasante pou amelyor bann servis farmasi dan nou bann klinik kot ki annan ki pe fer fas avek limitasyon lespas? Mersi.

MR SPEAKER

Minis wi.

MINISTER PEGGY VIDOT

Mersi Onorab. Wi Onorab parey ou'n dir dan nou plan ki nou pe regarde, nou pou fer sir ki nou pe pran bezwen popilasyon an antye par rezyon, par zot bezwen par zot par *epidemiology* ki ava annan dan sa bann diferan landrwa, e regarde kote nou pe kapab annan ki kalite servis.

Definitivman i dan plan konmela pou nou fer desantralizasyon bann servis spesyalize e sa nou pou fer li fil an mezir.

E parey mon'n dir la ki nou pou annan en sistenm *health information system* an plas kot par egzanp en dokter pe asize dan klinik Anse Royale, i pou kapab ganny akse avek tou zimaz tou bann *X-rays* tou bann *MRI or scan* ki sa dimoun in fer i pou fer sa bokou pli fasil pou nou kapab desantralize.

So nou, nou bi se vreman annan en servis lasante ki ekitab ki alor i donn akse pa zis avek sa servis me avek kalite sa servis ki nou bezwen. Mon fer *CEO* reponn ou.

MR SPEAKER

CEO wi.

CEO DR DANNY LOUANGE

Wi mersi Mr Chair. Mersi Onorab. Zis pou azout lo kestyon bann klinik spesyalize. Parey nou'n dir nou'n rekonmanse bann klinik spesyalize kot Trwa Zonn e osi dan bann distrik Praslin ek La Digue.

E nou la an se moman dan bann desantralizasyon pou bann klinik spesyalize nou annan 9 klinik 9 diferan spesyalite ki pe ganny fer dan bann diferan rezyon lo Mahe, Praslin ek La Digue ki enkli *neurology*, *endocrinology*, *dermatology*, *EMT* ensidswit.

Zis Onorab si mon kapab demann ou pou ou dezyenm kestyon pou zis *rephrase it* pou mwan? Mersi.

MR SPEAKER

Wi Onorab.

HON KELLY SAMYNADIN

Mon dezyenm kestyon ti lo bann servis farmasi kot ki bann, ki zot plan pou amelyor sa bann servis, anvi ki i annan ki sa limitasyon lespas pou zot stor zot bann latizann. Mersi.

MR SPEAKER

Mersi.

CEO DR DANNY LOUANGE

Mersi Mr Chair. Mersi Onorab pou repete, repet sa kestasyon. Wi lo kote farmasi wi nou'n, nou'n realize ki laplipar nou bann farmasi dan bann *health centers* lespas i limite pou zot stor zot bann *medicines* nou bann medikaman.

Akoz nou war avek letan i annan plis lalis bann *essential medicine* in agrandi varyasyon in agrandi so nou'n war nou dan en sityasyon ki nou bezwen osi adapte avek sa.

Aprezan letan nou pe fer bann renovasyon ;- par egzantp Grand Anse Praslin nou'n realize ki nou bezwen plis lespas. So letan nou pou *renovate* sa fasilite par deryer klinik Grand Anse Praslin nou pou fer en stor ki nou pou kapab met *medicine*.

Baie Lazare, Anse Royale tou sa bann *health centers* ki nou *renovate* oubyen nou pe *build new* sa i pou enn nou bann, nou bann eleman ki nou pou get ladan. Mersi.

MR SPEAKER

Mersi Onorab. Mersi CEO. Onorab Pillay.

HON SEBASTIEN PILLAY

Mersi Mr Chairman. Bonn apre midi tou koleg Onorab. Bonn apre midi Minis ek ou delegasyon. E bonn apre midi

tou dimoun ki pe ekout nou. Mr Chairman mon le konmanse par dir Minis ki swet ou byenveni dan nou Lasanble

Minis byensir ou *political head of* lorganizasyon e ou en, ou en dimoun formidab konman en dimoun me ou *still political head of* ou lorganizasyon e byensir tou kritik e tou bann keksoz ki ganny dir i ganny dirize ver ou.

E mon pa krwar ou pran sa personnel aköz sa i fonksyon ki ou'n antre ladan e sa i natir travay ki nou ladan swa ou konman Minis swa nou konman *MNA*.

Lefe ki mon'n dir sa Mr Chairman mon ti a kontan premyerman ki Minis i *set* nou *record straight*. aköz mon pa santi ou'n fer li byen pou mon bomaten.

An relasyon avek *who's running the show* vreman an se ki konsern *management of COVID* sityasyon *COVID* dan pei rezon mon demann ou sa kestasyon Minis se aköz nou'n war Minis Zafer Etranze, dan son kapasite ofisyel konman Minis Zafer Etranze fer serten *statetment* menm avek lapres enternasyonal.

Ki par egzantp li ki'n *set* target pou bann *vaccination levels*. Nou'n war i annan diskrepans kot i annan keksoz

ki li in dir vizavi bann repons lo *guest houses* ki apre nou'n tann *Public Health Authority* i dir enlot keksoz.

So nou ti a kontan ki, ki ou konman, konman sa dimoun ki sipoze pe *head* Minister Lasante, ou konfirm avek nou ozordi ki se ou konman Minis pou Lasante ki *in charge of* sa sityasyon an relasyon avek son *management*.

E kestyon ki Minis se aköz se pa ou ki Minis Lasante ki pe donn sa bann lenformasyon swa lapres parey dan lezot swa bann lezot, lezot eleman an relasyon avek lafason ki keksoz pe ganny *manage* avek *COVID*?

E mon dezyenm kestyon *Minister* i al dan laliny sa sityasyon ki'n ganny *raise* lo bann zafer *allowance* mon ti a kontan Minis si Departman Lasante sirtou *Health Care Agency* i kapab *provide* nou avek lalis tou, tou bann *allowances* e tou bann kad *staff* ki kalifye avek sa bann *allowance* e ki kantite zot sipoze gannyen?

Koumsa i ava ede pou nou eklersi tou sa bann kestyon sa bann *text* ki pe vini. aköz i annan konsern e dimoun vre pe *text* zot in *text* nou zot in *text* bann Manm lo lot kote latab e zot pe rod sa lenformasyon. Aköz zot santi poudir i annan ki

santi poudir i napa *fairness* e ler nou a ganny sa lenformasyon nou a konnen si son sa ki i pe dir nou i pou annan *file*?

E prenan kont sityasyon ki nou, ki nou ladan mon ti a kontan ou, ou klarifye en keksoz ki osi enportan lefe ki pei in ouver e i annan sa nesesite pou annan en *exit PCR test*.

Eski bann etranze tou laz i bezwen peye pou fer sa *PCR test* aköz i annan lenformasyon ki konm kwa bann ki par lao 63an ou a koriz mon si mon mal Minis pa pe peye sa *PCR* sa *exit PCR test*?

E mon dernyen Mr Chairman i an relasyon avek sa *reporting* avek bann lanmor avek *COVID*, i *still* annan en konsern par bann Manm fanmir ki zot ganny sa lenformasyon en pe tro, tro tar zot ti a kontan ganny sa lenformasyon pli boner.

Eski i annan en sistenm ki zot pe met an plas pou zot kapab *provide* sa lenformasyon? Aköz i annan dimoun ki pa krwar ki sa statistik ki zot pe donner i korek lo bann lazournen ki pe donner aköz i pe ganny donner plitar.

Mon konnen dokter in koz lo sistenm ki zot annan an plas

me eski dan sa sistenm zot in annan okenn problemm *agent* zot annan problemm fer *testing* sey klarifye pou nou ki mannyer zot kapab amelyor sa sistenm, pou ki dimoun i kapab ganny lenformasyon ler dimoun i bezwen li? Mersi Mr Chairman.

MR SPEAKER

Mersi. Minis wi.

MINISTER PEGGY VIDOT

Mersi Onorab pou ou bann kestyon. An premye lye parey ou dir konman Minis Lasante mon travay avek mon tim pou nou fer bann Polisi ki nou santi nou bezwen, pou nou kapab amenn en bon *response* pou sa pandemi.

Konman en *Public Health Comissioner* Dr Gedeon i annan sa *key role* pou li *role* an ki li ki kapab fer serten keksoz ki son Lalwa i permet li fer ;- parey bann *Public Health Orders* ki i bezwen pase.

Alor Minister Lasante i Minister ki *lead* lo bann mezir ki bezwen tou an partenarya avek tou Minister konsernen, e tou group dimoun ki konsernen. Si ou dir mon poudir in annan target ki'n ganny *set* target ki'n ganny *set* ki ou dir poudir in ganny dir lo lapres enternasyonal ;- nenport ki, ki antite i annan drwa set

son target pou li dan son Minister dan son keksoz ki li i pe fer.

I parey letan nou pe demann dimoun pou fer zot *SOPs* dan diferan landrwa zot, zot *set* zot *SOPs* e nou, nou regarde si i anliny. Nou, nou'n dir poudir an term, an term annan en iminite kolektif nou krwar ki nou pou bezwen regard lo en baz 70poursan popilasyon 65 a 70poursan. Akoz letan nou regarde 70poursan popilasyon i vin aprosan 68mil dimoun.

E nou, nou pe dir si nou dir 70poursan i vin en pti pe plis ki sa. So sa ki nou'n dir poudir pou anmenn en liminite kolektif, nou pou bezwen sa tou lo vaksinasyon.

Alor mon kapab rasir ou poudir parey mon'n dir bomaten, poudir i nou bann profesyonnel lasante ki nou, nou pe pran zot konman eksper dan sa *field*. ki zot fer rekomandasyon avek nou ki nou, nou swiv.

Nou konnen poudir *COVID 19* i en keksoz ki fek konmanse lan pase zis en pti pe plis ki lan pase ki ankor nouvo ki annan en kantite lasyans ki pe evolue toulezour.

E nou, nou konnen ki poudir sa bann profesyonnel pe swiv sa tre pre e pe donn zot

konsey an mezir ki zot war serten keksoz i kapab sanze. Me alor pou sa, sa bout ki mon repros lo sa lekel ki pe *lead* sa lepidemi sa repons *response* pou *COVID*.

I pa pou en problem pou nou fer ou ganny lalis *allowances* mon krwar *DG/ HR* pe *nod* poudir sa i posib. Akoz i pa pou annan nanryen ki pou pe nou bezwen kasyet. Lo *PCR test* ou ti byen poudir ler ti konmanse lannen pase i ti annan en desizyon ki ti'n pran ki touris par lao 63an, en pe parey Seselwa pa ti pou pey *PCR test*.

Me nou, nou'n regarde resaman avan ki nou, nou'n ouver re ouver si oule frontyer pou touris kapab antre.

E nou'n war poudir nou napa en rezon pou nou dir touris par lao 63an i pa i pa kapab pey son *PCR test*. Alor pou nou, nou panse sa ki nou'n deside se ki par anba 12an manrmay pa a peye si fodre me selman par lao, par adilt par lao 63an.

Me ankor i annan en, en pti diskisyon anver laz ki laz zanfan ki nou pou fer peye ke laz zanfan ki nou pa pe fer peye me par lao 63an sa i fodre peye.

Me mon krwar Onorab i sa mon reponn ou kestyon mon

me war *DG* i ti a kontan ed nou lo la *COVID test*.

Anr *COVID test* wi sa mon kapab fer Dr Louange ankor dir ou lo ki rezon i pran nou en pti pe letan avan ler nou kapab dir poudir sa ti en *COVID-related test*.

MR SPEAKER

CEO wi.

CEO DR DANNY LOUANGE

Mersi Mr Chair. Mersi Onorab pou ou kestyon. zis en kestyon klarifikasyon lo *COVID death* i *challenging* pou nou menm pou nou deside si *COVID death* si sa lanmor i relye avek *COVID* oubyen non.

Akoz i pa *straight forward* parey mon fer sorti pli boner. E nou'n realiz sa byen boner sanmenm ki nou'n adopte e adapte en *guideline* ki to nou bann letan nou'n reviz *guideline WHO*, *CDC* avek bann lezot landrwa.

Nou'n devlop nou *guideline* pou Sesel e osi nou'n met en tim *clinical team on board* pou kapab fer sa desizyon. Wi i annan de lenstans ki nou'n war nou'n annan en retar pou nou kapab anons sa fanmir e nou demann zot leskiz pou sa.

Me mannyer nou'n *setup* nou sistenm nou'n fer sir ki de

ki'n ariv en lanmor, e si sa pasyan in pozitiv pou COVID avan oubyen apre son lanmor nou vitman fer en *assessment* pou sa, sa tim ansanm e konm kwa ki nou kapab donn en desizyon *within 24 hours* e sa ki nou, nou obzektif.

I vin enpe difisil parler akoz menm si apre lanmor *postmortem swab* in ganny fer ou bezwen esper rezilta parler i pran parler plis *within 24er* nou ganny rezilta. E sa i apre ou bezwen fer sa tim *meet* pou desid lo si sa lanmor i COVID-related oubyen non. Nou'n, nou pe rod en fason pou fer sir ki nou fer sa desizyon pli vit posibil. Mersi Onorab.

MR SPEAKER

Mersi. Wi Onorab Pillay.

HON SEBASTIEN PILLAY

Mersi Mr Chairman. Mr Chairman an relasyon avek sa bann larepons ;- premyerman Minis mon premye kestasyon ti, ti lo lefe ki mon, mon ler konman mon pe get li konman en Manm piblik.

Mon tou mon lenformasyon ki mon pran, mon pran li *from* sa ki ou, ou dir oubyen sa ki dimoun dan *Public Health* i dir. Konpran e mon konsernen si ler en lot

Departman li dapre li i koz lo lapar Minister Lasante.

Minister Lasante pa ankore vini pou donn sa lenformasyon li i pa ankore dir sa li. E mon krwar sa ki bezwen ki, ki mon, mon pe met mon konsern devan. Mon pa dan Gouvernman mon pa kapab dir Gouvernman ki pou fer mon pe koz konman en Manm Lasanble e mon lentansyon i pou fer sir ki Gouvernman i, i alaoter sa konfidans ki dimoun pe met dan li.

Mon pwen lo sa size COVID deaths Dr Louange se eski nou, nou *fully capable of testing for COVID?* E eski nou konnen par egzamp ozordi *which variant of COVID* nou annan Sesel, an relasyon avek bann to lenfeksyon ki pe kontinyen ogmante lefe ki nou annan bann viziter ki pe antre dan pei?

Lo sa size, lo sa size PCR test Minis, mon kontan ki nou'n deside poudir en dimoun ki annan 63an i kapab pey son-

(Interruption)

MR SPEAKER

Carry on Onorab.

HON SEBASTIEN PILLAY

Mersi Mr Chairman. Mon kontan ou pe met lord avek

bann, bann *behavior* lot kote latab. I *ok*. Eski nou i annan en norm kot par egzanp en viziter in antre dan pei?

Par egzanp en Seselwa ler i antre dan zot pei ler pou li fer en *PCR test* pou li *exit*, eski zanfan i ganny *exempt* ki bann modalite ki ganny servi ki nou pe ganny servi, pou ki nou annan en *matching* pou ki Seselwa i santi poudir i son pei. E i annan en fason fer ki, ki li osi i ganny trete parey ler i ale? Se sa ki mon pe met devan zot.

And then si Dr Louange i kapab dir nou, si i annan en kou pou *manage* en pasyan ki'n deza ganny *COVID* e eski i annan bann reperkisyon lo lasante sa pasyan ki i ganny afekte?

Mon konnen la nou'n ganny en vaksen me bann pasyan ki'n deza gannyen mon krwar Minis i konnen ki mon pe koz lo la. Eski i annan en kou eski i annan bann, bann *other effects* ki annan ki met en lot presyon lo, lo sistenm lasante?

E mon dernyen kestyon Mr Chairman i en kestyon orizinal ki mon pa bezwen kopi swa *borrow from anyone*.

MR SPEAKER

Ale Onorab.

HON SEBASTIEN PILLAY

Sa kestyon se konbyen i pe kout nou, konbyen pe kout nou pou tret en pasyan *from* son tes, *from* son pri ansarz ki'n ganny *COVID* konbyen i pe kout nou?

Konbyen apepre ... par ki pe kout nou pou nou tret en pasyan? Mersi Mr Chairman.

MR SPEAKER

Mersi Onorab. Onorab Pillay permet mon dir pou en Manm ki souvan i koze ler en lot dimoun pe koze ou vreman tre sansib letan en lot i fer parey avek ou *ok*.

Mersi bokou. Pardonm mwan Onorab Pillay.

HON SEBASTIEN PILLAY

Non, non Mr Chairman mon pa sansib mon. Selman sa ki mon'n note depi bomaten Mr Chairman, e mon pou met devan ou tre senp mon pou met devan ou, mon pa pe vin fer okenn polemik avek sa.

MR SPEAKER

Wi ale.

HON SEBASTIEN PILLAY

Sa ki mon, mon'n remarke i se ki Manm lo lot kote latab nou pa ni menm konplent nou. Nou'n les ou Manm lo lot kote latab zot demann zot kestyon nou'n, nou'n trankil.

Zot in demann zot kestyon zot in fer zot pwen eksetera. Lo nou kote latab si en Manm pe fer en pwen an plis, ou vire ou demann li ki ou klarifikasyon. E pa zis sa Onorab Lemiel ki, Onorab Lemiel ki avan i demann en klarifikasyon e Minis ti pe al fer komantr lo la.

Nou'n demann ou loportinite ou'n *move to* Onorab Esparon ki li in fer en long koze.

MR SPEAKER

Ok mon'n sezi ou pwen Onorab mersi.

HON SEBASTIEN PILLAY

So annou pran lespri Lasanble.

MR SPEAKER

Mon'n sezi ou pwen. Lo sityasyon Onorab Lemiel mon ti a zis dir ki in demann en kantite kestyon. E mon santi poudir Minis ti'n donn li larepons. Mersi. Minis eskiz mwan, mon enteronp ou. Ou a rapel bann kestyon Onorab Pillay silvouple.

MINISTER PEGGY VIDOT

Mersi Mr Chairman. Mersi Onorab. Zis mon ti ava kontan Onorab dir ou poudir Minister Lasante nou ki pe *lead response to COVID*. Parey ler mon'n dir i pa neserman ki en lot ki en

antite i koz lo non Minister Lasante.

Nou, nou koz lo non Minister Lasante. Si mon pwen pa'n byen ganny resorti mon pe fer par egzamp si en lotel i decide ki li i anv'i 100poursan son *staff* i ganny vaksinen sa se li ki dir *ok* ?

Nou, nou annan nou target ki nou, nou'n *set* dan Minister Lasante. Ou'n demann en kestyon lo nou pa konnen ki *variant*. Wi nou ankor pe atann repons nou'n anvoye *samples* kot en *reference laboratory*. Nou'n annan en pe retar parey Dr Gedeon in deza eksplike, anv'i ki nou *reference laboratory* pou nou i Sid Lafrik.

E nou ti napa sa bann vol direk, alor sa in fer nou ganny retar pou ale. Nou'n bezwen redemann kestyon, redemann permisyon pou kapab ganny en lot *reference laboratory* dan rezyon.

WHO in donn nou sa konman en *reference laboratory Kenya* e pou nou fer sa ankor nou napa sa vol direk *Kenya* nou'n bezwen fer li *via* lezot pei, e sa li menm li i donn serten difikilte pou fer ale.

Nou'n esey war konbyen pou kout nou ki nou pou pey nou menm dan lezot pei e sa kou i tre ser. Me finalman

nou'n kapab malgre tou ganny tou keksoz nesaser anvoy nou, nou *samples Kemri* i plis ki 1 semenn nou espekte ki nenport keler nou pou ganny en repons e nou a konnen ki *variant*.

E i en keksoz ki nou pa kapab fer li zis en fwa nou pou bezwen pe fer li *on a regular basis*. Alor ki pou toultan nou pou konnen ki kalite *variant* ki an egzistans isi.

An term konbyen i kout nou mon pa konnen si *CEO* i annan me ki ou ava konnen si ti annan en lot repons ki *DG* ti oule donn ou oparavan. Mon a demann li si i kapab donn ou apre si oule apre i reponn.

MR SPEAKER

DG.

DG/HR MIROSE BONIFACE

Zis pou tous sa kestyon ki ou'n demande lo kote lalis pou *allowanc* ;-e wi ou kapab gannyen pou *Heath Care Agency* petet kot i konsern *Public Health* ou bezwen fer ou, ou *request* avek zot. Mersi.

MR SPEAKER

CEO wi.

CEO DR DANNY LOUANGE

Wi mersi Mr Chair. Mersi Onorab pou ou kestyon siplemanter. Mon retourn lo

lanmor ki relye avek *COVID* wi. E sa ou'n koz osi lo tes osi sa tes ki nou fer pou *COVID* sa *PCR test* i en tes zenetik ki gete si i annan materyo zenetik dan sa *sample* ki'n anmase lo sa pasyan.

So sa pasyan in ganny en *swab* sa pasyan oubyen sa lekor, e nou *swab* sa lekor prezan nou gete dan sa *sample* dan sa *swab* si i annan sa materyo zenetik pou sa viris.

E son *accuracy* i byen i *quite accurate*, akoz ou pe get materyo zenetik sirtou si i pozitiv. Si i dir ou i annan materyo zenetik *its very likely* ki i pou annan materyo zenetik dan sa *sample* ;- savedir sa dimoun i annan *COVID*.

Apre osi dan sak *batch* ki nou'n met dan masin i annan de *controls*. En *control* pou pozitiv en *control* pou negativ so parmi sa bann *test* la si i negativ nou pou konnen i negativ, akoz sa kontrol pou negativ si parmi zot i annan pozitiv nou i pozitiv nou konnen i *accurate* i pozitiv akoz sa kontrol i pozitiv.

Me parkont i *still* annan bann i kapab annan bann kontaminasyon dan bann *steps* oparavan dan bann letan in konmans kontrol sa bann *sample and so on*.

Me si i annan, i annan kontaminasyon i annan en

serten *pattern* ki sa laboratwar *supervisor* i pou realize ki i annan en keksoz mal la zot ava repete *and so on and so forth*.

Me menm lo *swabbing* ou kapab *swab* dan en *area* ki bor i pa'n kolekte okenn materyo zenetik, alor i pou letan i pou donn ou tes, tes pou negativ.

So an term son tes li menm nou, nou asire, nou *quite* nou asire ki letan i pozitiv i pozitiv letan i negativ i *still* kapab pozitiv akou nou sa tes sa *swab* ki'n ganny fer i pa'n ganny i pa'n *pick-up* sa viris.

Me prezan si i, si sa dimoun in mor avek in mor apre in pozitiv pou *COVID* difikilte ki nou pe gannye ki nou'n gannye e in en ka ki nou'n bezwen koz ek fanmir, nou war ki sa pasyan i pozitiv me son lantouraz i negativ.

Nou fer tes pou son bann fanmir bann dimoun ki'n viv avek i negativ. La i anmenn nou dan en sityasyon en pe i fer i vin pli difisil pou nou fer en desizyon. Nou bezwen esper en 5 zour pou zot repet tes *and so on and so forth*.

La bann sitasyon ki met nou dan en stasyon difisil e i tard desizyon pou nou decide sa pasyan in mor avek relye avek *COVID* oubyen non.

Sa pou keston kou pou sa lasante sa pasyan li menm

letan en dimoun in ganny en lenfeksyon *COVID* i parey en *flu* i parey en lerim oubyen pli sever ki en lerim si ou pe met li dan, dan en lenfeksyon viris.

E i annan en lefe lo ou lekor e si ou deza annan en maladi e ki ti la oubyen kronik oubyen ou pa ti tro byen, i kapab ***déstabilise*** ou kondisyon ou fer ou *worsen* i *worsen* sa maladi ki ou'n deza annan.

E sa ki nou, nou pe war lo kou pasyan konbyen i koute pou tret en pasyan, i napa en *one fix amount*. Akou i annan bann pasyan ki napa sentonm nou met zot dan izolasyon, i annan ki napa sentonm zot ganny mete dan zot fanmir reste kot zot depan lo zot, bann kriter ki, ki in decide pou kit zot dan lakour.

I annan pasyan ki *mild* sentonm *mild* ki nou'n met zot dan *either isolation* oubyen *Coast Guard* e i annan ki annan bann kondisyon *moderate*, *severe* e menm *critical* ki zot bezwen *ventilator*.

So i annan en *wide range of* diferan prezantasyon pou nou kapab dir ou klerman konbyen i koute e nou pou kapab donn ou en range e menm lo vantilasyon ou kapab i depan ki kantite zour lo

vantilasyon e pou donn ou en *fixed amount* i pa fasil.

Be nou kapab kominik avek ou donn ou bann *figures* ki pou kapab *relate* pou kou pou tret en pasyan avek *COVID*. Mersi.

MR SPEAKER

Mersi, mersi *CEO* pou sa promes. Wi.

MINISTER PEGGY VIDOT

Wi *sorry* mon oubliy reponn en kestyon. Tou lasyans i montre tou bann keksoz an ekri parey nou dir *COVID* i ase nouvo i dir poudir i annan sa ki zot appel *long term effect of COVID*.

E i lo diferan, diferan sistenm diferan nivo e alor nou panse ki popilasyon Sesel osi ki'n ganny *COVID* i pou eksper, eksperyans en pe sa bann keksoz ki nou pe war dan diferan literatir.

Wi zot dir *COVID* i kapab atak lezot sistenm pa neserman ler ou pe annan li konman dan en faz egi, me plitar ou kapab devlop serten keksoz ki lye e ankor annan kantite letid kantite resers ki pe fer lo la.

E me pou le moman sa ki nou pe war dan bann zournal ki ekri se ki i anann *long term effects of COVID* lo diferan sistenm.

MR SPEAKER

Mersi Minis. Onorab Georges.

HON BERNARD GEORGES

Mersi Mr Chair. Mr Chair mon ti a kontan tou o depar remersye de, de set dimoun avek ou permisyon. Enn se bann travayer klinik Les Mamelles ki en klinik ki parey zot konnen ki deservi plizyer distrik e avek en *staff* ekstrememan devoue e atantif.

Mon ti a kontan salye zot la apre midi konman mon annan en pti sans.

Dezyenm dimoun ki mon ti a kontan remersye se Onorab *Leader* Lopoziyon Onorab Pillay lo son kestyon lo lanmor relye avek *COVID* ek bann varyan ki'n permet nou ganny en gran e long lesplikasyon. Mersi bokou *panel* pou sa leksplikasyon.

Si Onorab *Leader* Lopoziyon ti'n demann sa kestyon lo Komite *Platinum* nou, nou pa ti'n ganny benefis tou sa bann lenformasyon, alor nou remersye li ki in fer li la dan sa Lasanble apre midi.

Mon trwa kestyon pou *panel* se, premyerman se pa mon bann kestyon se kestyon mon'n ganny demande pou demande. Premyerman se bann madanm ki pa kapab

ganny zanfan e ki bezwen *in vitro fertilisation (IVF)* parey nou dir, zot anvii konnen si dan sa Bidze i annan okenn program pou, pou ed zot pou sirmont sa, sa difikilte ki zot annan?

Dezyenmman, se eski dan sa Bidze i annan okenn provizyon ki'n ganny fer pou en *neuro surgeon* oubyen servis en *neuro surgeon* isi Sesel?

E trwazyenmman, eski dan Bidze i annan okenn provizyon ki'n ganny fer pou bann tes relye a *neuro surgery* e pa neserman avek sa. Tou bann tes oubyen legzanmen ki *Ministry of Health* pa kapab oubyen *Health Care Agency* pa kapab donner isi Sesel ki bezwen ganny fer deor.

Eski i annan en provizyon finansye pou sa? Mersi Mr Chair.

MR SPEAKER

Mersi. Minis wi.

MINISTER PEGGY VIDOT

Mersi Onorab pou ou kestyon. Mon a konmans premye lo *in vitro fertilisation*. Dan sa Bidze li menm li i napa en, en alokasyon zis pou sa spesifik topik *IVF*.

Me an se moman sa ki nou pe fer isi se en *fertility clinic* ki en bout sa prose pou *IVF*, me nou napa spesyalis ek bann

lekipman avek bann tou lekipman neser pou nou kapab fer sa kalite proze.

Me i pa savedir pou bann madanm e bann koup ki annan sa problem, ki nou pa pe kapab konmans ed zot dan en fason ou en lot e menm dan nou bann program ki nou pe dir pou swa annan konsiltasyon *online video consultation*, ou si non spesyalis i kapab vin isi e tousala i kapab annan en serten led dan sa lapros.

Me i en keksoz ki ankor nou ava etidye pou war ki kantite bezwen sa i annan e si i vin en priyorite pou nou.

An term si nou annan en *neuro surgeon* dan nou Bidze sa mon ava les Dr *CEO* reponn.

Me nou panse poudir nou sistenm konmela ki mannyer i été, si i annan tes ki asosye avek *neurology* ki nou, nou pa pe kapab ganny fer isi, e ki esansyel i enportan dan nou *overseas treatment* i keksoz ki zot war.

Tou bann, tou bann keksoz enportan neser ki pa pe kapab ganny fer isi ki i pou bezwen fer pou rekiperasyon sa pasyan sa i ganny kouver dan *overseas treatment*. E mon a demann *CEO* pou fer lo *neuro surgeon*.

MR SPEAKER

CEO wi CEO.

CEO DR DANNY LOUANGE

Mersi Mr Chair. Mersi Onorab. Mon krwar en kestyon ki relevan akoz i osi i annan en, i annan pou fer avek nou Bidze osi. Lo kote *neuro surgery* wi nou napa provizyon dan sa Bidze pou nou *recruit* en *neuro surgeon*.

Pou *recruit* en *neuro surgeon* i annan bann kriter ki'n enternasyonal ki ganny servi. Pou ou kapab annan en *neuro surgeon*, fodre ou annan en pe servi en popilasyon plis ki 200mil.

Akoz sa *neuro surgeon* si i pou vin reste Sesel i pou napa ase travay pou li fer pou napa ase - De ki i pa pe opere i pou perdi sa *practice*. So i annan en serten nivo teknik ki i bezwen *maintain* pou nou kapab tenir li Sesel.

Dezyenmman i en kou osi akoz i en *very lucrative* spesyalizasyon e tou dimoun pe rod *neuro surgeon* tou pei pe rod *neuro surgeon* e i pou difisil pou nou kapab *afford* en *neuro surgeon* isi.

Me parkont nou Bidze osi i annan en provizyon pou en *neuro surgery* servis. *Currently* nou anann dan nou departman *general surgery* nou annan en

spesyalis ki fer *basic neuro surgery procedures*.

Savedir si en dimoun i vini avek en *emergency neuro surgery* nou angaz li, akoz i *on call* toulezour pou li vin war sa pasyan. I pa ariv toulezour so letan i desann i donn son lopinyon i fer bann entervansyon primer.

Apré si ou bezwen kontakte *neuro surgeon* dan bann lopital ki nou annan en relasyon avek, en *partnership* avek e i a ganny tretman i a ganny swiv dapre bann rekomandasyon sa *neuro surgeon*.

So apré osi dan nou Bidze osi i annan ki lo kote *overseas* mon krwar nou'n koz lo la pli boner *overseas fares*. E sa osi ki nou servi pou nou envit bann *neuro surgeon*. Nou pa zis envit zot tou le tan sirtou la lannen pase nou pa'n envit bokou spesyalis.

Be *neuro surgeon* letan i annan en demann nou, nou envite konman en *visiting specialist* pou vin war nou bann pasyan isi. E pou swiv bann pasyan ki'n deza ganny bann tretman aletranze.

So laplipar bann ka mazer nou anvoy nou bann pasyan *overseas* pou tretman. Lo kote *neurological test* nou'n deza annan *basic neurological test* ki

nou fer isi parey *EEG* nou'n deza annan en sistenm an plas e nou annan nou prop *staff* ki'n ganny *train*, pou i annan de dimoun teknisyen ki'n ganny *train* pou fer sa prosedir e nou annan nou en *neurologist* isi ki pe fer *basic reading*.

Me nou annan en *neurologist* ki vini tou le 4 mwan isi Sesel e in vin isi Sesel pou en bon pe letan. Nou tou nou konn li Dr Hans. I vini li sa bann tes ki'n ganny fer, menm parler si i annan tes ki'n ganny fer nou anvoy kot li e li i donn nou en *feedback*.

So la bann servis *neuro surgery neurology* ki nou annan. Mersi.

MR SPEAKER

Mersi *CEO*. Avek sa nou a kapab pran vot lo Bidze pou *Health Care Agency* ki lo paz 393 ziska 405. Eskiz mwan Madanm Clerk i annan en pti fot lo mon papye. Bidze.

Mersi. Wi Bidze *Health Care Agency* lo paz 393 ziska 405 pou en total R1bilyon 301milyon 931mil. Manm ki an faver lev lanmen silvouple? Wi tou Manm in vote. Mersi Madanm Clerk.

Bidze pou *Health Care Agency* lo paz 393 ziska 405 pou en total R1bilyon 301milyon 931mil in ganny 34

vot pour. 0 vot kont. E 0 abstansyon. Alor Bidze in aprouve par Lasanble.

Nou annan ankor en antite pou pran e sa se *Ministry of Health* nou a pran 30 minit *break* e nou a retournen 4er40.

(BREAK)

MINISTRY OF HEALTH

MR SPEAKER

Mon a swet labyenveni zofisyé Minister Lasante ki'n zwenn Minis Vidot e sa i Dr Bernard Valentin *Principal Secretary*, Madanm Maryline Lucas *Director NIHSS* e Mr Michel Brutus *Financial Controller* ti la depi bomaten mersi.

Nou pe pran Bidze *Ministry of Health* lo paz 386 ziska 392 pou en total R49milyon 677mil. Avek sa Minis mon ava envit ou entrodwir sa Bidze.

MINISTER PEGGY VIDOT

Mersi *Mr Chairman*. *Mr Chairman*, *Leader* Lopozisyon, *Leader* Zafer Gouvernman, Onorab, oditer e telespektater bonn apre midi. Mersi pou donn Minister Lasante sa loportinite pou eksplik nou Bidze.

Dan konversasyon toulezour ler nou dir Minister Lasante i pa toultan vedir menm keksoz. Annan de ler Minister Lasante i vedir sistenm lasante piblik dan son lansanm.

Savedir tou antite ki rezervwar resevwar larzan piblik e ki zot manda prensipal i devlopman lasante. Annan de ler Minister Lasante i vedir zis sa pti morso otononm ki responsab pou bann size stratezik e transversal, e ki enkli biro Minis Lasante ek son tim sipor, biro Sekreter Prensipal ek son tim teknik ek lekol *NIHSS*.

Sa Bidze ki nou pe al defann an premye ozordi i konsern Minister Lasante anba sa dezyenm definisyon - pa Minister Lasante dan son lansanm.

Vizavi sa dezyenm definisyon, Minister Lasante i annan en rol kordinasyon pou zwe dan zefor kolektif pou elev lasante nou Nasyon. Minister i rasanble zefor tou bann antite i anmase i analize e i defiz bann gidans.

Savedir tou bann lenformasyon, rezilta resers, operasyonnel e tou pou siport bann Polisi bann Lalwa bann program e lezot aksyon ki apropiye pou promouvwar lasante nou Nasyon.

Nou rol pou anmenn devan Polisi apropiye pou lasante ki evidan. Laplipar travay ki Minister Lasante i fer, i fer li deryer lasenn, deryer rido si oule.

Bann akter kle i byen lwen avek lalimyer medya, me zot fer zot travay tre pre avek bann antite avek lezot parti prenan dan Sekter Lasante Piblik.

Minister Lasante i osi kominik avek lemonn eksteryer lo sityasyon lasante isi Sesel, lo lakonplisman oubyen nou bann defi anver nou bann langazman enternasyonal dan lasante, e kisisa ki nou bezwen konman sipor teknik e partenarya.

Dan pandemi *COVID-19* Minister Lasante in responsab pou etabli e mentenir tou bann platform kominikasyon, ki fer avek medya sosyal medya enprimen e medya odyo vizyel.

E pou fourni sa bann platform avek lenformasyon korek konstan e kontinyel. Travay pou fourni sipor pou bann zefor pou promosyon lasante i osi enn nou bann manda kle.

Minister i fourni sipor pou promosyon lasante, me tou bann antite e tou bann travayer lasante i sipoze angaze aktivman dan promosyon lasante.

Mr Chairman Minister i osi par deryer bann travay stratezik e lonterm dan domenn propoz Lezislasyon ek regilasyon enkli bann sanzman dan Lalwa Lasante Piblik lwen e lonterm.

Minister i osi responsab pou formasyon bann kad lasante e devlopman global resours imen pou lasante. Ler en antite oubyen plizyer antite dan Sekter Lasante, i endike ki i mank mendev dan en tel domenn, i rol Minister Lasante pou reasir, reazir e pou konble sa vid avek plis formasyon.

Nou fer sa an partenarya avek lezot partner nasyonal osi byen ki enternasyonal enkli bann lorganizasyon militilateral tel ki OMS e bann liniversite NIHSS, ki osi pe fonksyon konman en divizyon otononm dan nou Minister.

I zwe en rol enportan pou formasyon e i toultan a la resers bann partenarya apropiye pou akonpli sa lobzektif.

Sa Bidze ki nou ki mon pe prezante ozordi, i met laksan lo sa bann rol enportan ki Minister i zwe. I en gran parti sa Bidze i dedye pou bann program e aksyon formasyon travayer lasante fitir e aktyel isi Sesel. Sa i en alokasyon pou NIHSS.

Larestan Bidze i pou administre bann lezot program stratezik kle, tel ki sipor promosyon lasante e kominikasyon.

Kordinasyon bann size resers operasyonnel, koleksyon e analiz bann statistik e osi swivi ek evalyasyon. Zot pou remarke dan nou Bidze konpare avek lannen 2020, sa i akoz de rezon prensipal tou bann larzan pou alokasyon pou bann zenn etidyan ki lontan ti administre par ASP zot apre dan Bidze Minister Lasante.

Tou bann larzan pou transportasyon bann zenn etidyan pou vin lekol e pou antre se zot apre lekol, sa osi apre dan Bidze Minister Lasante e i ganny administre par NIHSS.

Sa pa ti leka oparavan. I fek arive dan sa Bidze la ki nou pe diskite. Avek sa detrwa pti mo lentrodiksyon Mr Chairman, i nou plezir pou nou apre dan fournir plis leklersisman lo sa Bidze ki nou pe demann zot pou aprouve. Mersi bokou.

MR SPEAKER

Mersi. Mon a pas laparol avek bann Manm. Onorab Samynadin.

HON KELLY SAMYNADIN

Mersi Mr Chair. Bonn apre midi Minis ankor enn fwa avek ou delegasyon. Premyerman mon war ki anba *program 2* i annan en alokasyon 26milyon 712 pou *training and professional development* dan sa laliny mon ti a kontan konnen par lefe ki bann fasilite lasante pe amelyore e pe vin pli avanse.

Mon ti a kontan konnen ki plan Minister an sa ki konsern *training* pou bann ners ek dokter? E vi ki sa bann fasilite i *require* ki bann *staff* i pli azour avek sa bann tel fasilite ki an retour ava permet en *service delivery* pli efikas?

Dezyenmman mon annan en konsern sorti kot bann *staff health information assistants* kot *medical library*. Zot konnen ki pei pe pas atraver en kriz ekonomik difisil me zis anvi konnen ki sityasyon zot konpansasyon ki zot ti sipoze ganyen pou sa sityasyon *fungus*?

Akoz menm si zot in sey enformen avek *DG* pou ganny *resources* zot pa'n zanmen ganny en larepons konkret, zot in zis ganny espere. Si nou ti kapab ganny en lesplikasyon lo la silvouple. Mersi.

MR SPEAKER

Mersi Onorab. Minis.

MINISTER PEGGY VIDOT

Mersi Onorab pou sa kestyon. Lo sa kestyon lo program 2 anba training mon ava demann *PS Valentin* pou li donn en pe leklersisman. E laspe pe *HIA* zot konpansasyon sete en, en keksoz ki nou ti devret merit pran anba *Health Care Agency*, me nou ava kapab rod sa larepons e fournir ou. Mersi.

MR SPEAKER

Mersi. *PS*.

PS BERNARD VALENTIN

Mersi bokou Minis. Mr Chairman, *Leader* Lopozisyon, *Leader* Zafer Gouvernman, Manm Onorab, oditer, telespektater bonn apre midi.

Sa zafer *training* formasyon travayer lasante, i ekstrememan enportan pou Minister Lasante. E zot a remarke ki dan sa Bidze R49milyon apepre 53poursan sa Bidze plis ki lanmwatye i dedye pou formasyon.

Dan sa 53 en gran parti sa larzan i al pou *NIHSS* e i annan en lot porsyon apepre 2poursan ki rezerve pou, pou formasyon bann dimoun ki dan Minister dan servis swa zot dan Minister li menm swa zot dan *Health Care Agency* swa zot dan *Public Health Authority* si zot dan

servis i annan en porsyon larzan ki dedye pou zot devlopman.

NIHSS i annan kantite program ki i fer me selman sa bann program normalman i bann formasyon lokal. Detanzantan i fer bann kolaborasyon avek bann liniversite etranze ;- par egzanp in fer sa avek liniversite *Kwazulu-Natal*, in fer sa avek liniversite *Chamberlain* pou li kapab, pou nou kapab ganny plis dimoun ki'n formen a en o nivo, pou kapab delivre sa kalite servis ki nou anvi donnen.

Mon ava donn laparol plitar Madanm Lucas pou kapab eksplik pli byen sa bann kalite kolaborasyon ki nou annan, avek bann lenstitisyon etranze pou nou kapab donn formasyon nou bann *staff*.

Me nou rol i al plis ki la. Nou rol i touzour pe war avek bann diferan lekol, ek bann diferan *Councils* ki annan kisisa ki nou bezwen fer, pou nou kapab devlop plis resours imen ki posibil. Nou annan en program kot nou al dan lekol pou nou kapab ankouraz bann zenn etidyan pran bann karyer dan servis lasante.

E deza nou war sa in apport en kantite fri. La aktyelman nou annan nou

a pepre 49 zenn etidyan Seselwa ki pe aprann swa dokter swa dantis aletranze. Nou annan osi serten lezot profesyonnel ki nou appel *Allied Health Professionals* ki pe fer formasyon aletranze.

Nou fek konmanse sa lannen e en partenarya avek liniversite Sesel e liniversite *Maurice* pou nou kapab form en 15enn zofisye Lasante Piblik pou rod zot nivo pou fer zot sorti lo sa nivo *Diploma* pou vin lo nivo Degre.

E sa program formasyon i kontinyen toultan, aköz formasyon i kle si Minister Lasante i anvi ofer en meyer servis e sa kalite servis ki Lepep Seselwa pe espekte.

Mon ti a pas laparol prezan avek Madanm Lucas pou eksplik en pe bann program formasyon lo kote kot lekol.

MR SPEAKER

Mersi. Wi Madanm Lucas.

DIRECTOR NIHSS MARYLINE LUCAS

Bonn apre midi Mr Chairman, Manm Onorab e tou dimoun a lekout. Mon pou donn en pti pe lesplikasyon *in regards to NIHSS*. E an prensip bann servis ki nou ofer, *training* ki

nou donnen pou bann profesyonnel lasante.

Si mon kapab donn en pti pe lesplikasyon *in regards* ki mannyer nou *operate*, nou annan de divizyon kot nou lenstitisyon ;- enn i *pre-service* sa nou pran bann etidyan sorti S5.

Aprè nou annan bann *in-service programs* e sa nou pran bann dimoun ki dan deza dan en profesyon ou dan en profesyon lasante so sa de divizyon nou fonksyonnen.

So pou *pre-service* sa nou bokou nou pran bann manmay S5 ki sorti S5 pou *A Levels or other sectors* ki anvi *join* nou *training*. Aprè nou pran bann lezot dimoun ki petet napa en karyer ki anvi sanz en karyer e sa osi zot tonm dan sa kategori.

E *in-service* nou donn servis nou donn bokou *training* pou bann *in-service professionals*. La kot *in-service* nou tonm avek kolaborasyon avek lokal, *partners* enternasyonal.

NHSS i annan en repitasyon depi 2014 pou asosye li bokou avek liniversite ki'n deza fer bann program o nivo. 2014 nou ti fer en program pou *BSC Kwazulu-Natal*.

Nou ti fini nou'n *proceed* avek *Chamberlain* ki 2019 nou

ti annan program pou *Masters program*, nou ti annan osi *program* pou *Bachelors Degree*.

Aprè nou antre an kolaborasyon avek *Kwazulu-Natal Dental University* laba nou'n osi fer 19 lannen pase 19 *BSC* dan *dental therapy*.

So osi la nou ti annan en plan pou nou kontinyen avek devlopman avek liniversite *Chamberlain* me avek en pti pe kontrent *in regards to COVID* avek finans, *this program* nou ankor pe *put on-hold*, me selman nou annan bokou lentansyon pou nou kontinyen avek sa.

E mon krwar Minister osi in donn bokou sipor e Minister Finans a osi dir nou. *So we will* regard dan sa devlopman sa program. Ladan nou ti annan lentansyon fer *training* pou *nurse practitioners* e lezot spesyalizasyon dan lasante.

Me selman osi sa *partnership*, nou ti anvi devlop en *BSC* program pou Sesel. Akoz se ki 2019 ler ti'n nou ti met an plan pou *capacity building* pou lenstitisyon, nou lentansyon se ki nou pou anmenn nou bann dimoun a la oter neserer, pou zot kapab fer *training* a sa nivo *BSC*.

So tou dimoun in fini in pare e la nou annan pou nou devlop nou program. So nou'n

deza apros Liniversite Sesel avek sa linisyativ. Zot in montre nou bokou lentere pou donn nou sipor e nou deza an diskisyon avek tou nou bann *partners* dan Minister, e nou mazine poudir sa program devlopman Degre nivo pou *nursing* pou ganny konmanse 2021.

Aprè osi nou parey nou dir nou pa regard pa zis *nursing* nou pe regard osi *allied health*. So nou deza konmans avek *dental therapy* nou ti deza annan diskisyon avek bann *dental technicians* ki fer bann *dentures and prosthesis*.

And osi nou'n deza konmans diskisyon avek *radiology* dan lepase, so sa osi as nou progrese, *then* nou pou kontinyen sa bann diskisyon dan *in-service*.

MR SPEAKER

Mersi. Mersi madanm pou sa leksplikasyon. Onorab Esparon.

HON REGINA ESPARON

Mersi Mr Chair. Bonn apre midi Minis avek ou lekip. Mr Chair enn bann *challenges* se "*lack of simulators for practical development*" eski sa in ganny pran an kont dan sa Bidze pou aste sa ki neser pou

devlopman *practical skills* e *critical analysis*?

E ki annan dan sa Bidze pou ankouraz bann *school leavers* pou kapab zwenn *medical team*, pou zwenn *nursing* ki annan dan sa Bidze *to create awareness* e pou ankouraz zot?

E dezyenmman enn bann lot *challenges* ki mon pe war avek *NIHSS building*, se sa leta ki sa *building* i ladan. Eski sa Bidze i pran an kont pou annan en alokasyon pou fer renovasyon lo sa *building*, parce ti en lopital avan i ti deza aze e prezan zot, zot in bouz laba. Ki plan oubyen ki zot annan pou *renovate* li? Mersi.

MR SPEAKER

Mersi. Minis wi.

MINISTER PEGGY VIDOT

Mersi Onorab pou ou kestyon. Mr Chairman mon ava pran sa dernyen kestyon lo enfrastruktir *NIHSS*, epi mon ava demann Madanm Lucas pou koz lo akizisyon *simulators* e son program *marketing* pou zenn antre dan profesyon lasante.

Pou *NIHSS* nou realize poudir sa enfrastruktir i pa neserman dezirab e adapte pou li en lekol. Nou'n esey nou mye pou sey aranze me nou

konnen poudir i annan en kantite defi.

E dan sa Bidze li menm i napa en alokasyon ki'n ganny fer pou refer en lekol pou ners. Me selman nou konnen poudir i annan *sorry sponsors* ki'n apros Gouvernman e ki pare pou *rebuild* lekol ners, kot i ti ete oparavan Mont Fleuri deryer obor lopital.

E sa *sponsor* in deza konmans travay lo en plan, ki pou re aranz sa lekol e ki pou fer li vin donn nou bann kapasite ki *NIHSS* i dir i bezwen pou annan en lekol ki pou *accomodate*, tou sa bann program ki Minister Lasante pe demande pou fer isi.

So sa *sponsor* parey mon dir in fini aproz e in fini konmans fer plan e a de ki tou keksoz i ava aprouve e i ava ganny anonse. Sa i pou lenfrastruktir e mon a demann Madanm Lucas pou koz lo *simulators*.

MR SPEAKER

Yes Madanm Lucas.

DIRECTOR NIHSS MARYLINE LUCAS

In regards to bann *high definition simulators* an prensip nou annan nou trwa laboratwar e ladan enn ki konteni bokou bann *models like* nou dir.

Pou nou servi pou *simulations* e an pratik. E sirtou avek sa letan *COVID* la nou pa osi ankouraze e avek modernite dan pratik i annan bokou pou fer avek sa bann *simulations and simulators*.

So nou annan en *lab* me nou pa pou kapab dir 80poursan nou en pti pe pli ba *in regards to equipment*, so sa i enn nou bann *area* kot mon krwar nou bezwen aste lekipman. E osi nou bezwen landrwa ki apropiye.

Konmela avek sa teknolozi pe avanse, bokou sa bann *models*, sa bann *simulators* i asosye avek bann lezot lekipman ankor pou servi.

So nou bezwen en pe lespas e sa bann *simulation* osi i kout bokou so dan nou Bidze pou le moman nou pa, nou pa annan bokou larzan pou nou kapab aste sa bann lekipman.

Sa pou nou bann *simulators in terms* dan *marketing* mon konnen dan lepase nou ti annan en pti pe defayans *in regards to market* nou bann *program* nou fer, me selman pou nou avans devan sa pa ti enn nou bann *strong point*.

Depi lannen pase, depi 2an nou ti pe seye avek lotonomi in permet nou *recruit* en dimoun, ki pou kapab donn nou sa lasistans e sa ekspertiz

pou li kapab ed nou dan *marketing*.

So depi 2019, 2020 e 2020 la depi lannen pase nou'n *intensify* bokou lo nou bann *marketing strategies*, nou annan en *marketing plan*, e nou annan bokou aktivite ki nou pe *involve* ladan ki *promote* e *bring* lenstitisyon devan e ankouraz bann zenn dimoun pou pran *Health and Social Work as* en karyer.

MR SPEAKER

Byen mersi. *PS* i le azoute.

PS BERNARD VALENTIN

Mersi Mr Chairman. Toulezan nou annan en tim sorti kot Minister Lasante ki al ver lekou pou eksplike ki bann karyer posib ki annan dan Lasante. E letan nou fer sa travay nou fer byen kler bann zenn ki lasante i pa zis dokter avek ners.

I annan en kantite karyer ki dimoun i kapab pran dan lasante. I annan bann karyer ki menm pa mazin. Par egzanp nou bezwen statistisyen en kantite dan Minister Lasante, nou bezwen ekonomis, nou bezwen planifikater, nou menm bezwen Avoka dan Minister Lasante nou bezwen tou sa bann *skills*.

Par egzanp nou'n koz mon ti tann koze bomaten ti pe

annan referans lo *bio medical engineer* nou a lekout sa lekou ki *train* bann zenn, pou fer sa bann karyer koumsa nou ankouraz zot pou zwenn Minister Lasante.

E bann dimoun ki'n sorti kot *SIT* dan bann lannen ki'n pase i annan detrwa ki'n zwenn Minister Lasante, e zot pe devlope dousman, dousman dan sa, dan sa domenn *bio medical engineer*.

I annan en kantite, kantite karyer ki bann zenn i kapab pran dan Minister Lasante e letan nou al ver zot nou montre zot tou sa bann posibilite pou ki zot pa mazin zis dokter avek ners me zot mazin en pe pli larz pou kapab deservi Lepep Seselwa dan sekter lasante. Mersi bokou.

MR SPEAKER

Mersi *PS*. Onorab Aglae.

HON EGBERT AGLAE

Mersi Mr Chair. *PS* bonn apre midi avek delegasyon. Minis ouswa *PS* mon ti a kontan met lanfaz lo sa lekou *NHSS* li menm anvi ki pou nou kapab ganny bann bon, bann bon travayer lasante i bezwen annan en bon zesyon avek sa lekou.

Premyerman Minis ou'n nonmen poudir napa ase larzan dan sa Bidze la ki'n ganny mete,

pou kapab amelyor sa lanvironnman ki zanfan pe etidye ladan Minis.

Enn Minis se ki i annan en lasaler laba mon konpran lespas i pa ase. Minis mon ti a kontan petet dan zot plan vi ki ou'n nonmen poudir i annan *sponsor* ki ti pe anvi vin devan pou rekonstri sa lekol laba. Minis eski petet dan sa menm laliny si sa pa materyalize ki zot plan b mon ti a kontan konnen *ok?* Sa i enn.

Dezyenmman Minis bokou lanfaz parfwa i ganny mete lo bann Degre avanse parey bann dokter ki pa dokter ek liniversite, madanm in koz lo sa.

Konmsi eski nou pare pou donn sa bann zanfan sirtou ki pas atraver *NIHSS*, en sans pou zot osi al aprofondir en Degre pli avanse ler zot in konmanse baze lo leksperyans ki zot *acquire* osi ?

Dan en mannyer ki zot osi zot kapab ariv lo sa bann nivo ki pa neserman tou sa ki'n pas atraver *A Level* ki ale. Ki mon konnen dan lepase ti annan, eski zot pe ankouraze pou sa arive?

Dernyen eski bann lorganizasyon enternasyonal ki Minister Lasante i afilye son lekor avek mon konnen parfwa nou Sesel nou ti ganny ozordi

nou pe ganny gete konman en *high income country* e lontan ler nou ti dan *lower* ouswa *middle*, nou ti ganny sipor en pti pe adisyonnèl.

E ozordi nou pe benefisyè sa sis sipor teknik. E eski la avek sa sityasyon ki nou ladan eski Minister i annan bann lezot langazman petet, pou rod bann sipor adisyonnèl fas a sa sityasyon *COVID* ki nou pe pas ladan? Mersi.

MR SPEAKER

Mersi Onorab. Minis.

MINISTER PEGGY VIDOT

Mersi Onorab. Onorab wi parey ou pe dir *NIHSS* kot nou konnen poudir laklas i ptipti, *ceiling* i ba i so, akoz in ganny adapte *from* en lopital pou li fer lekol. E pou sa rezon ki nou'n lans lapel pou regarde si nou kapab ganny *sponsors*.

Nou plis ki sir ki sa enn *sponsor* la pou materyaliz, e me zis akoz i ankor pe fer bann diferan proses, me *as soon* nou ava kapab anonse e nou a kapab konnen.

Me an tou ka si i pa zanmen materyalize nou a bezwen rod sours reveni ankor pou nou kapab *build* sa lekol akoz nou pran li konman priyorite. Me pou le moman

nou annan tou lendikasyon ki i pou materyalize.

Eski nou ki nou pe fer pou nou ankouraz bann etidyan ki konmans dan nou program *NIHSS* pou zot progresse mon krwar *earlier* Madanm Lucas in dir poudir bann program ki li in site, parey pou ners parey pou *dental therapist* sa ki *PS* in site parey pou *environmental health* tousala in konmans dan lekol *NIHSS*.

Zot in fer en letid ki'n donn zot en Diplonm e nou'n fer en lot program swa i *bridge* sa i en program konplet pou leve, pou elev zot nivo pou anmenn zot en nivo Degre.

So i en pe sa lapros ki nou'n pran, an menm tan parey ou'n dir anvoy bann ki kalifye ki pou al ganny en Degre konman en, en *first entry*. Me pou bann ki pa'n arive fer sa e mon krwar i en kantite sa ki nou pe fer, pe fer sa bann program pou zot ariv sa nivo e menm pli o ki sa bann ki kapab kontinyen. Mersi.

MR SPEAKER

Mersi Minis. *PS* pou azoute.

PS BERNARD VALENTIN

Mon ti a kontan adres sa size partenarya enternasyonal ki'n leve dan keston Onorab. Wi nou annan en kantite

partenarya avek bann lorganizasyon multilateral e osi avek bann zanmi bilateral ki kontinyen devlope.

E nou, nou sipor kle pou le moman in toultan leka e i ankor leka i *L'OMS* i annan en kantite kolaborasyon avek *L'OMS* zot ed nou partou kot zot kapab.

Nou annan osi kolaborasyon avek *SADC* lo serten keksoz *UNPA*, *UNDP*, *COI* osi i ed nou lo serten keksoz sirtou lo bann zafer maladi kontazyez, eksetera.

Epi nou annan bann partenarya bilateral avek La Frans sirtou avek La Renyon ki toultan solid *Cuba*, Lenn eksetera, eksetera. So wi nou toultan reserse pou mentenir sa bann partenarya ki nou'n devlope e touzour pe agrandi li.

Par egzanp lannen pase nou ti sinye lakor avek Marok e nou ti sinye osi lakor avek *Czech Republic* - repiblik *Czech* ki de nouvo pei ki nou pe konmans kolabore avek.

Nou osi annan partenarya ki nou'n sinyen avek *Maurice* nou vwazen lot kote e pou nou kapab devlop bann program ansanm. Sa nou toultan pe reserse e nou toultan pe agrandi pou benefis sistenm lasante Sesel. Mersi bokou.

MR SPEAKER

Mersi. Wi Onorab.

HON EGBERT AGLAE

Mersi *CEO, PS, Minis*. Mon annan en *follow-up*. Minis petet lo kote zerans lekol mon anvi konpran si lekol i ganny dirize par en *Board*, ouswa i tonm direk anba ladministrasyon departman lasante li menm li *administratively*? Mersi.

MR SPEAKER

Mersi. *PS* ou a eklersi sa.

PS BERNARD VALENTIN

Bon Minister Lasante i responsab pou Polisi kot lekol tou bann Polisi kot lekol i responsab e *ultimately* se *PS* Lasante ki *accounting officer* pou sa Bidze ki pe ganny ki pou ganny vote pou *NIHSS*.

Me selman *NIHSS* i fonksyonn anba Lalwa *tertiary education*. Akoz i en *vocational center* anba *professional center* anba sa Lalwa.

So dapre sa Lalwa *tertiary education* i sipoze annan en striktir sa Lalwa i obliz li annan sa striktir e i annan en *Board* ki in konstitye anba sa Lalwa, ki get bann aktivite toulezour kot *NIHSS*.

So sa *Board* dapre Lawa i annan en rol *semi-advisory* me selman semi-gouvernans osi.

Me i pa en *Board* gouvernans parey tou lezot *Board*, akoz i annan en kantite Manm lo sa *Board* i osi *staff NIHSS*.

Sa i koumsa akoz Lalwa *tertiary education* i demande ki i koumsa. Petet Madanm Lucas ou ti kapab elabor en pti pe plis lo la.

MR SPEAKER

Wi Madanm Lucas.

DIRECTOR NIHSS MARYLINE LUCAS

Sa ki *PS* in eksplike *in regards to Board* wi parsyelman *governance*, me an prensip tou bann desizyon mazer ki ganny pran dan lenstitisyon i pa al kot ni *PS* ni kot Minis i al kot *Board* avan. E *Board* i fer *the final decision in regards to* bann desizyon mazer dan lenstitisyon.

E si osi i annan en dimoun ki annan okenn *grievance* ouswa en etidyan,, en nenport Manm piblik nenport dimoun *so the last zot appeal* se avek *Board*, e *Board* ki donn nou dernyen desizyon.

An prensip Minister pa enterfer dan en desizyon ki *NIHSS* i fer espesyalman, bann desizyon akademik sa in ganny kite avek *Academic Board NIHSS* apre *NIHSS Board* ki

head sa lenstitisyon sa nou fonksyon.

MR SPEAKER

Mersi Madanm Lucas. Onorab Bistoquet.

HON ROSIE BISTOQUET

Mersi Mr Chair. Bonn apre midi *PS* avek delegasyon. Minis nou'n zwenn li bomaten Madanm Lucas *welcome*. Mon, mon ti pou demann detrwa pti kestyon lo *Access Program* eski sa *Access Program* ki pe ganny *run* kot *NIHSS* konmsi ki, ki kantite *successful is it successful?*

Ou'n koz en pti pe lo *university*, apre *PS* petet sa *PS* avan ou *PSIP program SP 2* mon war ou met "*renovation of SBC House* 10milyon." Petet ou a kapab dir nou eski sa i pou *staff houses?*

E letan mon get anba ou *sub program* pou *rent* i paret mon i annan en *substancial amount of rent* pou *office and building* 3.6milyon. Konbyen lofis ki zot pe *rent* an deor Minister Lasante? Lekel ki pe okip sa bann lofis apre pou konbyen letan zot pou *rent?*

Apre trwazyenm mon pou al lo *home carer* nou ti ganny en koze avek Minis Sosyal Madanm Patricia ki i ti dir nou ki i annan anviron 3700 *home*

carers ki pe ganny *train* par bann *staff* Minister Lasante.

Me selman sa bann *home carers* napa en sertifika, ki en pti pe, en pti pe letan nou gete i en keksoz ki i pa tro bon. Akoz nou annan en bon pe letan ki nou annan *home carers* ki pe *care* pou nou bann vye dimoun dan nou pei be selman zot napa en sertifika zot lanmen pou sertifye poudir zot *they are home carers* anba *social services*.

E letan mon get anba *sub program 2*, pre *service health social care training* i annan 24.1, R24.5milyon, eski mon konnen sa petet i *social work* eski sa osi i pou ganny en debousman pou sa bann *home carers* pou zot kapab fer sir ki nou, nou servis *home carer* i mars byen?

E an plis mon krwar sa i pou kapab donn lasante en *A plus* letan ou kapab fer plis ki bann dimoun i ganny *train*.

Apre mon kontan mon war Madanm Lucas ozordi dan Lasanble akoz sa osi i vin konman en sanzman *which I'm very happy* osi.

MR SPEAKER

Mersi. *Panel* lekel ki pou pran reponn kestyon? *PS*.

PS BERNARD VALENTIN

Mersi Mr Chairman. Mon a reponn sa keston lo *PSIP* lofis eksetera, *rental*. Epi Madanm Lucas i a pran bann ki konsern *training home carer* ek *social care* eksetera.

Bon *PSIP* ki ou'n war sa 10milyon i pa pou lannen 2021 i pou plitar 2022. E *yeah* e lide, lide *right now* Minsiter Lasante pe *rent* en *building* ki kout apepre R300mil par mwan.

E Minister Finans in demann nou pou ekri bann met sa *building* e pou demann en (ogmantasyon), nou'n fini ekri e nou'n fini gannyen. Wi en diminasyon *sorry* en diminasyon nou'n ekri e nou'n ganny en diminasyon lo sa *rental* 300mil 15poursan.

So formel sa bann *owners* in aksepte pou nou diminyen sa *rent* R300mil par mwan par 15poursan. So la aktyelman nou pe *rent* sa *building*, me selman lide se ki byento nou ava arete *rent* letan *SBC* i a *move* dan son nouvo *building* Minister Lasante, i a *move* kot *SBC* i ete.

Bann dimoun ki konn en pe listwar i a konnen poudir sa *building once upon a time* ti pou lasante. Ti en sanatoryonm sa anler laba. So dan en serten sans nou pe retourn dan lakour. E letan nou al laba zot pou konnen poudir sa i en gro

building e Minister Lasante pa neserman sa groser. Me selman lide se ki zour nou al laba nou pou al ek tou sa bann pti antite dan sekter lasante ki ozordi pe *rent* avek en lot dimoun.

E lekel sa bann antite nou annan *Council Nurse* nou pou anmenn li laba li osi. I annan *National Aids Council* ki ozordi ki pe *rent*, li osi i pou al laba. I annan *Seychelles Medical and Dental Council* ki ozordi pe *rent* li osi i pou al laba.

I annan *Health Professional Council* ki li osi i pou al laba. E nou annan lide osi pou anmenn *WHO* laba avek nou sa i a fer ki nou a liber plas dan *Blue Roof* pou *Public Health Authority*, *Health Care Agency* kapab reorganiz zot lekor.

So apard sa *building* ki nou pe lwe *right now* R300mil, i annan en lot pti fasilite ki nou pe lwe pou nou kapab abrit *Nutrition Unit*. E rezon ki nou bezwen abrit *Nutrition Unit* laba se akoz nou'n fer plas dan *Blue Roof* pou kapab abrit *WHO* akoz nou annan en *commitment* avek *WHO* pou nou donn zot fasilite isi Sesel.

E si nou, nou pa donn zot sa fasilite isi Sesel zot pou pran larzan ki *allocated to Seychelles* zot pou al lwe fasilite anvil. I vedir ki larzan ki reste pou

program pou Minister Lasante pou diminyen.

Nou war en benefis alor dan donn zot en landrwa pou zot kapab fonksyonnen *WHO* dan Minister Lasante isi Sesel. So vwala konsernan rent e konsernan *PSIP*, aprezan mon a pas laparol avek Madanm Lucas pou reponn sa bann kestyon lo *training home carer* e si zot devret pa ganny en sertifika.

MR SPEAKER

Mersi. Madanm Lucas.

DIRECTOR NIHSS MARYLINE LUCAS

Mersi Onorab pou ou kestyon. E mon a pran premye bout lo *Access Program*. *Access Program* kot i *NIHSS* ti demare depi 4an pase e pou nou, nou fyer ki nou kapab anmas bann zenn, ki pa neserman ti'n zwenn nou kriter o konmansman e nou, nou'n ed zot pou zot ariv lo sa nivo pou zot kapab antre lo en program *Diploma*.

So en *Access Program* nou pran bann etidyan ki'n *attempt* or in esey fer bann *IGCSE* parey Bioloji, *Chimie*, Matematik, Angle. E sa i bann *core areas* ki *NIHSS* i bezwen dan pou *train* dan Lasante.

E nou program i pou 1an e pou 4an nou'n *successfully run* sa *program*. Nou'n *review* li tou le 2an e la sa lannen nou pou annan lentansyon *review* li ankor.

So ladan nou pran apepre 50 a 60 etidyan par lannen, e nou anmenn zot a sa nivo ki *IGCSE* i demande e zot fer bann *assessment* legzanmen *and all that*. So ladan i bokou pou fer avek bann size akademik ki bezwen pou zot antre dan en *Diploma*.

Apre sa zot swazir zot annan en swa pou swazir *any Diploma programs* ki *NIHSS* ki ofer son lannen apre e la zot *join* sa bann *Diploma programs*.

So ziska pou le moman pou sa 4an nou'n *train* ler nou'n pran apepre 50 nou fini avek apepre en 35, 36, ladan nou perdi en 4, 5 koumsa. So sa lannen nou'n pran 59 e nou kontan bokou ki sa bann zenn i ganny en loportinite pou kontinyen zot letid, si zot pa'n fer dan *S5*. Sa nou *Access Program*.

Pou *home carers* nou ti deza fer bann *training* oparavan mon rappel mon krwar nou ti fer 4 group e ti annan en pe ki ti *train*.

So nou annan en program ki nou annan laba ki nou kapab fer *training* pou

home carers. So sa i depan lo servis e kwa ki zot anmenn devan in regards to si zot bezwen sa training or not.

MR SPEAKER

Mersi. Wi Onorab Bistoquet si ou bezwen klarifikasyon.

HON ROSIE BISTOQUET

Mersi Mr Chair. I pa'n reponn mwan kestyon lo *success rate*. Mersi.

MR SPEAKER

Success rate pou *Access*.

DIRECTOR NIHSS MARYLINE LUCAS

Wi *Access Program* nou kapab dir nou annan en *success rate of 88percent*. So mazorite nou bann etidyan *makes it through* e zot *join* nou *Access Program*.

E i annan bokou etidyan ki temway sa e i kapab rakont zot sa, sa zistwar ki zot in pas ladan dan zot premye lannen konman en *Access Student (NIHSS)*. E nou, nou war sa poudir i ed nou en kantite e i ed dimoun bann zenn pou kontinyen ouswa kontinyen lentere pou pran sa karyer dan Lasante.

MR SPEAKER

Mersi Madanm Lucas. Onorab, wi *PS* ou annan keksoz pou azoute.

PS BERNARD VALENTIN

I annan sa pwen *home carer training* ki Onorab in leve ki pa ankor reponn mon ti a kontan reponn. Sa i pa neserman en programm striktire dan lafason ki *NIHSS* i striktir bann programm.

In plito bann profesyonnel dan lasante ki'n devlop sa programm pou kapab ed bann *home carer* pou kapab deservi bann dimoun ki zot okipe en pe pli byen.

Donk kestyon se ki si a lavenir zot devret ganny en sertifika oubyen non? E pou, pou sa kapab arive nou bezwen pran an kont plizyer keksoz par egzanp i annan ozordi bann standar bann kriter ki nou konnen *SQA* in *set* pou nou kapab donn en dimoun en sertifika.

E si nou anvi pou *home carers* a lafen dizour i ganny sertifika, fodre absoliman fodre sivre sa bann kriter ki *SQA* in *set*. E byensir fodre nou travay avek *NIHSS* pou fer sir ki sa programm i striktire byen pou merit en sertifika a lafen dizour ; - en sertifika ki rekonnet.

Me selman nou kapab donn zot en sertifika *attendance* e normalman nou donn zot en sertifika *attendance*.

Be sa sertifika *attendance* pou le moman i pa fer zot vin en profesyonnel dan lafason ki nou, nou konnen. Me i annan touzour sa posibilite ki nou striktir sa programm byen a lafason ki SQA i anvi ki en programm sertifika i ganny striktire.

E nou form li e nou, e nou delivre li atraver en lenstitisyon rekonnèt pou ki sa bann dimoun i kapab ganny en sertifika ki rekonnèt konman en sertifika valid. Mersi bokou.

MR SPEAKER

Mersi PS. Onorab Mondon.

HON TERENCE MONDON

Mersi Mr Chairman. Mon kestyon mon premye kestyon i relye avek defi ki zot dezyenm *bullet point* zot dir ki nou bezwen *recruit* en *good legal advisor* tro bokou bann *critical post* ki pa ganny bidzete.

Mon anvi konnen lekel sa bann kategori pos ki zot pe fer referans avek e ki kantite i annan? Dezyenmman lo sa NIHSS ou'n dir ki i annan 88poursan *success rate* eski zot fer osi swivi pou war kantite

ladan ki reste dan sa profesyon ki zot in ganny *train*?

Mon dernyen pwen kestyon i baze lo bann kontra dan lepase bokou bann kontra ki nou ti war i pa ti azour, dan bann travay FPAC sirtou nou'n war sa.

Mon anvi konnen petet PS i kapab dir nou, si ozordi i konfirman ki tou bann Kontra servis ki zot annan i azour parey i sipoze ete? Mersi Mr Chairman.

MR SPEAKER

Mersi. PS wi.

PS BERNARD VALENTIN

Mersi bokou pou kestyon konsernan Kontra wi tou bann kontra ki administre kote kot sa ki nou pe diskite ozordi Minister Lasante, wi nou azour *as far as I know*.

Konsernan sa bout lo *recruiting a legal advisor*, mon krwar dan *cutting and pasting* in annan en pti problemm la. Akoz sa premye bout sa *bullet* avek sa dezyenm bout napa relasyon.

So pwen ki nou ti devret fer la, sete zis nou bezwen nou annan *challenge* pou *recruit* en *legal advisor* sa lot bout ki vini i, i napa relasyon ditou avek sa *bullet* e i pa ti sipoze la en fot tipografik la.

Now legal advisor wi nou bezwen en *legal advisor* dan Minister Lasante pou en kantite rezon akoz i annan en kantite size ki transversal ;- savedir ki konsern Minister Lasante li menm ki konsern *Public Health Authority* ki konsern *Health Care Agency* ki nou bezwen adrese.

I toultan annan sa bann kestyon etik ki leve toultan. Par egzanp mon a donn zis en legzanp en dimoun ki pa kapab donn konsantman, pou en size pou en tretman ki ou fer konman en sistenm lasante?

Ki ou fer kan ou fer konmsi i annan tou sa bann kestyon etik, ki ti a bon nou ti annan en *in-house legal mind* ki ed nou avek. I annan plizyer kestyon etik. I pa zis lo sa i osi annan, annan de ler bann dimoun ki petet ki anvi pourswiv Minister Lasante pou en rezon ou en lot.

So i ti a bon ki nou konman en Minister nou annan sa lespri legal ki konsey nou lo serten keksoz. Ou a dir mon wi ou annan lofis *Attorney General* ki donn ou sa sipor wi zot la lofis *Attorney General* pou donn nou sa sipor, me zot pe siport Gouvernman antye pei an antye.

E souvandfwa i en pe difisil pou nou kapab ganny sa,

sa *quality time* oubyen sa, sa kalite konsey ki nou, nou anvi ki ler nou le pou rezourd sa bann problemn.

I annan en kantite size legal ki leve dan Minister Lasante ki ti a bon ki nou, nou annan en dimoun dan Minister Lasante, ki pe ed nou lo sa bann size legal.

So i nou swe, i nou swe ki en zour nou a kapab ganny enn sa dimoun e byensir en dimoun legal normalman i koute pou annan.

E ziska prezan bann, bann saler ki'n ganny asosye avek sa pos i pa bann saler ki'n atir bann dimoun ki annan konpetans neserer pou vin travay ek nou.

Akoz parey ou konnen si nou pou ganny en konseyer legal i bezwen en dimoun mir dan Lalwa. I pa kapab en novis, i pa kapab en dimoun ki pe konmans sa karyer i bezwen en dimoun ase mir pou kapab ed nou.

E sa dimoun nou bezwen donn li en bon pti rekonpans pou nou kapab donn nou son lekspertiz. Mersi bokou.

MR SPEAKER

Mersi i annan, i annan en pwen lo bann etidyan ki kontinyen *retention* dan *NIHSS*.

DIRECTOR NIHSS MARYLINE LUCAS

Pou *retention* ler mon ti mansyonn sa 88poursan e spesifikman nou ti pe koz lo *Access Program*, be si mon swiv sa nou pou vedir tou nou etidyan ki pas nou *Access Program* nou pou dir preski 100poursan i kontinyen avek zot *training* dan Lasante.

MR SPEAKER

Mersi Madanm Lucas. Onorab Cosgrow.

HON WALLACE COSGROW

Mersi Mr Chair. Bonn apre midi Minis, *PS* e zot lezot *staff*. Minis mon kestyon i enn vi ki nou annan lebra Polisi Gouvernman pou Minister Lasante avek nou apre midi.

Mon kestyon i enn *basic* fondamantal, sorti dan Konstitisyon kot i garanti *free, primary health care* pou tou sitwayen dan lenstitisyon Leta.

Vi ki Gouvernman i nouvo e mon sipoze zot annan bann nouvo fason war keksoz e petet vin avek nouvo Polisi e an referans avek en kestyon ki ti ganny leve pli boner *regarding the extend* ki nou'n anmenn *primary health care*.

Dan *extend* ki nou pe anmenn *health care* li menm Sesel ki *free*. Eski nouvo

Gouvernman zot anvizaze fer en revi ladan ouswa zot, zot pou decide kit li kontinyen parey bann *previous* Gouvernman i fer an term *health care* dan nou Konstitisyon ki dir *free health care*?

Ler mon pe, mon pe dir sa mon pe koz an relasyon avek si zot pou revwar *what is primary health care* e *apply* Konstitisyon e petet bann lezot keksoz ki zot anvizaze fer pep fer serten kontribisyon.

Dezyenm en pti pe pli leze konsernan, konsernan *digitalisation of records* mon pa war dan, mon pa war dan zot Bidze *or* dan zot bann detay mon pa konnen si i sinyen *or* si zot menm.

Me selman si ou ti kapab donn nou en kontrandi, ki zistans nou ete dan *digitalisation of medical records*? An vi ki enn zot bann *strategic objectives* se pou rann leksperyans bann dimoun ki servi *health facilities* pli agreab. Mersi.

MR SPEAKER

Minis wi.

MINISTER PEGGY VIDOT

Mersi Onorab pou ou kestyon. Ou kestyon lo konman Gouvernman pou regard laspe *free primary health care* an vi ki

sa i en, i en dwa konstitisyonnèl.

Gouvernman pe respekte sa dwa konstitisyonnèl pou donn *primary health care free at the point of use*. Me selman parey nou pe dir, nou bezwen defini kisisa ki sa *primary health care package should include* pou diferan rezon. Pa neserman pou regarde si i *free* si i kwa.

Me pou nou kapab pli byen zer servis lasante, pou nou kapab donn pli bon swen e deside kote sa bann swen i ganny donner. Pou le moman in annan en bon pe travay ki'n ganny fer lo sa size - en bon pe diskisyon e parey Sesel i pran par dan tou sa bann diskisyon ki annan enternasyonal, sa osi i en topik enternasyonal ki ganny bokou diskite.

Sesel in fer en bon pti pe travay dan sa domenn. E i annan keksoz ki Minister Lasante in travay lo la ki dir ki sa bann konponan ki enkli konman lasante primer. I ava prezan demann nou pou nou pran tou sa, pou met li an servis koumsa ki nou a tou dimoun i a konnen anba sa *constitutional right*, ki sa i enkli.

Ou dir mon si Gouvernman pe regarde si i pe al a demann kontribisyon. Pou le moman sa pa lo latap

Gouvernman pou regard si pou annan kontribisyon pou lasante, pou le moman.

Alor sa nou ankor pe al avek lasante, swen lasante ki nou pe donner an se moman gratwit, pou dimoun Sesel ki bezwen sa servis. Kekfwa PS ki'n travay lo sa dokiman lo *primary health care* i a donn nou en pti pe plis lenformasyon.

Digitalisation of medical records, sa i en keksoz ki *Health Care Agency* pe travay lo la. *Unfortunately* nou pa'n demann sa kestyon boner. Me i tou *part of* sa bann diferan faz. Parey nou ti eksplike enplimantasyon sa sistenm pou fer par faz, e son laspe *digitalisation or moving the medical records on to the system*, i pe diskite, i pe ogarde ki pli bon mannyer fer, kan ki pou konmanse avek kwa ki pou konmanse.

Akoz lakantite rikord ki nou annan otomatikman i pou pran en pti pe letan, e alor i annan diferan faz ki si *CEO* ti la i ti pou kapab donn nou tou sa bann letap. Me i pe ganny fer wi. Me kan mon pou napa sa repons toudswit pou donn ou. Mersi.

MR SPEAKER

Mersi. PS ou a azoute lo *primary health care*.

PS BERNARD VALENTIN

Mersi Mr Chairman. Nou annan konstitisyon apre nou annan *Health Care Agency Act*. E dan *Health Care Agency Act* i defini bann konponan *primary health care* ki Minister i devret met lanfaz lo la byen klerman, e sa bann konponan i baze lo deklarasyon Alma-Ata 1978.

Prezan nou ki nou'n fer nou'n pran sa, sa lartik Konstitisyon, nou'n pran sa ki Lalwa *Health Care Agency* i dir e nou'n pran bann sa ki nou apel meyer pratik dan lemond, nou'n devlop en *package primary health care* pou Sesel.

E *package primary health care* pou Sesel, i pa kapab parey *package primary health care* pou en lot pei, oubyen *primary care* pou en lot pei. I bezwen spesifik pou Sesel. I posib ki serten keksoz ki ofer dan *primary health care* dan serten pei, Sesel pa neserman war li pou pe ofer akoz i pa en priyorite lasante pou Sesel e *vis versa* osi.

I annan keksoz ki petet nou, nou bezwen ofer dan nou *primary health care package*, ki petet enlot pei pa pou ofer. Mon a donn ou en legzanp tipik parey servis danter ; servis danter i kler dan nou *primary health care package*, me bokou landrwa dan lemond enkli

England pou ou ganny servis danter ou bezwen peye enormeman.

Me nou pou nou i dan nou *primary health care package*. Me selman kestyon se dan servis danter kisisa ki *primary health care* e kisisa ki pa *primary health care*? Ansanm avek bann profesyonnel dan *oral health* nou'n esey etabli sa.

Kisisa dan servis danter ki *primary health care*, ki pa *primary health care*? Kisisa dan servis nitrisyon ki pa *primary health care* e ki pa *primary health care*? Eksetera, eksetera.

Apre nou'n adopte nou en sistenm ki nou dir *primary health care* i bezwen konmans depi ler sa endividi, sa et imen menm avan ki i ne depi ler in ne ziska ler i mor.

Dan tou bann trans laz nou bezwen annan program. Nou bezwen annan program madanm ansent ek son zanfanki dan son vant. Letan sa zanfanki ne nou bezwen annan program *primary health care* pou *Petite Enfance*. Nou bezwen annan *primary health care* pou tou laz, ziska ler sa dimoun i ariv dan fen fon son legzistans konman en et imen.

So nou'n fer tou sa, e nou annan en dokiman ozordi ki

nou apel *the primary health care package for Seychelles*.

Bann teknisyen ki'n travay lo la in valid li antre zot, prezan i reste pou prezant sa avek *management* Minister, pou *management* dakor avek son konteni.

E enn fwa ki *management* in dakor avek sa konteni nou pou *elevate* li, *escalate* li to *Cabinet*. E si *Cabinet* i dakor avek konteni sa dokiman, *then* i a ganny proklanmen deklare konman *this is the primary health care package for Seychelles*.

MR SPEAKER

Wi Onorab.

HON WALLACE COSGROW

Zis en pti adisyon Mr Chair. Eski mon byen pou konpran ki an se moman *primary health care* i ganny melanze avek lezot servis lasante ki pa neserman dan sa *package* konsider konman *primary health care*?

Ler sa *package* in ganny aprouve, sa bann lezot servis eski pou annan en posibilite ki sa bann lezot servis anba nouvo Gouvernman i kapab enn bann servis peyant? Mersi

MR SPEAKER

Mon krwar Minis in reponn sa. Minis ou kapab klarifye.

MINISTER PEGGY VIDOT

Onorab mon'n krwar mon'n fer sa kler. Poudir pou le moman la servis lasante i gratwit e sa i, i ki mon kapab dir ou pou le moman.

MR SPEAKER

Mersi. Onorab Clive Roucou.

HON CLIVE ROUCOU

Mersi Mr Chair. Bonn apre midi Minis avek *panel*. Minis mon premye kestyon i anba *major achievements bullet point 9* kot in dir *recorded an increase in student in take in programs at the NIHSS*.

Alors mon kestyon mon anvi demann Madanm Lucas oubyen ou menm Minis. Pou sa dernyen 2an a 3an an konparezon avek sa kantite etidyan ki *NIHSS* i antre, konbyen etidyan ki fini dan *diferan course*?

E mon dezyenm kestyon Madanm Lucas in koz lo *Access Program* mon anvi demann Madanm Lucas si tou *course* i ganny fer kot *NIHSS* i kapab pas atraver *Access Program*? Mersi.

MR SPEAKER

Mersi. Madanm Lucas pou pran sa bann kestyon? Wi.

DIRECTOR NIHSS MARYLINE LUCAS

In regards pou *Access Program* tou *course* ki ganny fer dan Lasante pa Sosyal me Lasante kapab pas *Access Program*. Akoz *Access Program* i program zeneral akademik.

In regards to intake, wi nou'n war en ogmantasyon par apepre 30poursan depi sa dernyen 2an dan *recruitment* pou *training* dan *Health and Social Work*.

So si mon kapab donn zot en sif ki endike. La sa lannen nou annan 25 ners. 2enm lannen nou annan 24 e 3enm lannen 14.

Savedir sa bann 2an pase i annan en *significant increment* dan etidyan pou *nursing* so an total nou annan 63.

Sosyal nou annan 62 etidyan. Ladan i annan 24 2enm lannen ;- 26 trwazyenm lannen e sa lannen nou annan en total 12 etidyan so nou annan 62 pou *Social Work*.

Farmasi nou annan en total 20 etidyan. Ladan 8 i premye lannen 12 i dezyenm lannen. Dan *bio medical* nou annan en total 36 etidyan ladan i annan 17 ki 2enm lannen 19 3enm lannen.

Nou annan en program ki nou ti konmanse 3an pase i dan son 3enm lannen, sa i

Diploma dan *Nutrition* nou annan 9 etidyan ladan ti fek demare 3an pase. Apre nou annan pou *Environmental Health Sciences* ladan nou annan 20 etidyan premye lannen e nou annan 13 3enm lannen.

Pou *Emergency Medical Care* nou annan 9 etidyan *currently*. Apre nou annan 57, 59 *Access Program*.

MR SPEAKER

Wi Onorab klarifikasyon.

HON CLIVE ROUCOU

Wi Mr Chair. Kekfwa Madanm Lucas pa'n tro konpran mwan. Madanm Lucas *what I'm trying to ask you is* ler ou pran en group etidyan ki antre *nursing course* premye lannen ou annan 45, so donn mon en apersi konbyen ki fini apre ki ou pran sa premye group son 3an konbyen ki fini ou *course* an zeneral?

Donn mwan en pti *figure* pou sa de dernyen lannen *at least*. Mersi.

MR SPEAKER

Mersi. Madanm Lucas ou annan sa sif.

DIRECTOR NIHSS MARYLINE LUCAS

Non pa pou sa dernyen 3an me selman mon wi mon krwar mon a kapab reponn sa kestyon. *Nursing* premye lannen sa lannen nou annan 25.

Nou ti konmans avek 26 2an pase pou le moman nou annan 24 savedir 2 nou'n perdi. 3enm lannen ki annan 14 *currently* nou ti konmans avek 20 pou *nursing*. Mon pa konnen Onorab si oule pou lezot.

MR SPEAKER

Mon krwar sa i reponn son kestyon. I ti'n demann pou *nursing*. Nou a *move on* mersi. Onorab Romain.

HON GEORGE ROMAIN

Mersi Mr Chair. Mr Chair mon kestyon in fini ganny reponn. Mon ti pe koz lo *training* pou bann etidyan. Mersi Mr Chair.

MR SPEAKER

Mersi nou apresye *ok*. Onorab William.

HON WAVEN WILLIAM

Mersi Mr Chairman. Mr Chairman mon ti a kontan demann Minis *or from panel*, par lefe ki ti enn nou ti swe Gouvernman lepase e mon mazine i ankor et pou *promote medical tourism*.

E mon anvi konnen en pti pe ki si sa lespri i ankor la. E an diran sa mon konnen poudir ti annan bann *MOUs* ki'n ganny sinyen avek Lenn, prezizaman mon a koz lo sa enn ki annan pou fer avek *MIOT*.

Ti annan lentansyon vin fer en lopital ase spesyalize pou nou ganny bann dokter spesyalize. E mon pa konnen si sa *MOU* ki osi enkli *training of doctors*, bann *nurses*.

Eski sa *MOU* ozordi i ankor aktif? E eski Minister Lasante dan son Polisi, i ankor pe ankouraz sa lespri *medical tourism* e lopital ki pou atrakte osi bann touris dan larezyon, pou pa zis *enjoy* nou lanvironnman, me osi kapab ganny trete Sesel? Sa i mon premye kestyon.

Mon dezyenm se ki lokalman i annan en lasosyasyon ki appel *Alzheimers Association*, pou en bon pe letan zot pe rod en landrwa laba North East Point.

Zot war li ideal pou kapab, kapab kre en *home for alzheimers* pou tret bann pasyan *alzheimers*. Me in annan bann diskisyon ki'n ale, vini, me zot pe war li vreman difisil. Zot pa pe ganny sa sipor. Zot santi menm si Gouvernman fodre donn zot en lot landrwa si zot pa le donn North East Point,

me piblik Seselwa ozordi avek sa problem *alzheimer* ti a kontan gannyen sa servis ki Minister ozordi i kapab ofer. So donn mwan en pti pe leksplikasyon lo la? Mersi.

MR SPEAKER

Mersi. Bann Manm mon pe tann en kantite mirmirasyon konversasyon prive, silvouple koup en pe. Minis.

MINISTER PEGGY VIDOT

Mersi Onorab pou ou kestyon. Ou'n demande ki Polisi Gouvernman pou regard *medical tourism*. Ou'n sit en *MOU* pou ki in deza egziste ant Sesel avek *MIOT* pou sa.

Mon pe demann *PS* i pa pe tro okouran sa *MOU*, me nou kapab regarde e war ki zistans i ete. Boner letan nou'n ganny en kestyon lo sa *specialist hospital* ki Sesel i kapab annan.

Mon krwar i kler pou avek nou pti popilasyon, si nou pe regard en *public private partnership* ki sa group ki pe sey pou vin avek nou zot pa pe regard zis popilasyon Sesel ki zot pou trete aköz i pa pou *cost effective*.

Menm pou nou si Sesel ti pou pe fer en dizon parey in ganny mansyonnen en *Radio Therapy Unit* i pa ti pou *cost effective*, pou sa bann *specialist*

ki ou bezwen pou reste sirplas pou donn sa servis en 5 a 6 dimoun alafwa.

So dan sa si oule loptik nou pou bezwen pe regarde sa *specialist hospital* pe bezwen *provide* en servis pou dimoun otour *outside of* Sesel, pou kapab fer li marse konman en antrepriz ki pou profitab.

E dan sa sans i pou bezwen pe regard dimoun ki pou pe vin isi pou tretman, swa ki part zot vakans ou sinon ki pe vin isi pou zis sa loportinite.

So si nou pou *call* sa *medical tourism* ou si nou pou *call* sa zis en servis ki medikal ki ofer dimoun aletranze, sa i ava ganny war. Me definitivman i ava annan en par pou tret dimoun ki pa Seselwa, dan nenport ki lopital spesyalize ki ganny fer. Si i ganny fer par Sesel, par Sesel ou si non ki ganny fer par lezot. So sa i enn.

Lo kestyon *Alzheimers Association* pe rod en landrwa pou zot kapab fer en *residential treatment center*. I vre zot in apros *Health Care Agency* in apros Gouvernman pou regarde si i kapab ganny en *wing* dan sa North East Point *hospital*.

E ler zot ti vin avek kot *Health Care Agency* zot ti vin avek en proze e *Health Care Agency according to* rikord ki

mon, mon'n war in ekri zot pou demann zot serten lenformasyon lo sa proze.

Ki mon pa'n war ziska prezan zot repons lo la pou kapab fer en serten desizyon. Me i annan kanmenm sa landrwa kot zot, zot ti pe propoze, zot ti oule in ganny pandan sa letan ganny servi par *Health Care Agency* pou program pou sa bann dimoun ki dan sa landrwa.

E parey ou dir i en demann. I en demann pou zot donn en servis ki esansyel, ki enportan, e kekfwa ki nou kapab war eski pli bon landrwa i la dan sa landrwa, kot nou met bann nou annan North East Point *hospital* kot nou annan lezot servis ki pe ganny donner.

Me zot an kominikasyon avek Minister Lasante, e nou ava war dan ki fason ki nou pe kapab asiste e kote kot nou pe kapab asiste. Me mon konpran i annan en pe ale, vini avek diferan diskisyon.

A en tan ti annan en propozisyon ki Minister Lasante i fer sa *capital investment* pou aranz sa landrwa e ki a sa letan pa ti telman en keksoz ki Minister ti kapab fer.

Aprè sa zot in vin avek diferan kalite propozisyon me nou an diskisyon avek zot.

MR SPEAKER

Mersi. Wi Onorab ki klarifikasyon.

HON WAVEN WILLIAM

Mon ti anvi zis fer Minis okouran poudir letan sa lenformasyon ki mon annan se ki, zot in ekri Prezidan me *Health Care Agency* zot anvi ki *Alzheimers Association* i run zis en *day care*. Zot pa anvi en *day care* zot anvi *run a home*.

Epi mon ti ava ankouraz Minis lo sa bann *MOU* la, akoz mon santi poudir i kapab nou *well* mon krwar vwar li drol ki Dr Valentin pa okouran sa *MOU*. Akoz tou sa ki ou'n dir Minis sa lepok sete Vis-Prezidan Faure an menm tan avek Minis Larue ki ti monte pou negosye.

Ti en *brilliant MOU*, me pa malerezman parey mon dir pa'n ganny swivi. Me mon ti ava demande ki petet ou Minis ou sey regarde ki bann posibilite.

Akoz petet Sesel i kapab benefisye olye rod bann fason a lavenir nou ti kapab benefisye lo *retention of larzan* isi.

MR SPEAKER

Mersi Onorab. Minis in note. Nou a kapab *move on ok?* Onorab Vidot.

HON AUDREY VIDOT

Mersi Mr Chair. Minis dan ou lentrodikeyon ou'n mansyonn serten reform ki nouvo administrasyon in fer, e ki pe aparet dan zot Bidze pou Minister Lasante.

Mon bann kekyon i bann konsern e demann sorti kot travayer lasante. Eski koup *allowance* bann *allowance* travayer lasante, ki aköz zot rezon *sick leave* zot pa pou ganny sa bann *allowance*, eski sa osi i form par dan sa bann reform?

Akoz i annan konsern ki *staff* i santi petet zot pe ganny penalize e aköz zot pe ganny *sick leave*, aköz zot in teste pozitiv, zot ti merit pli zot pe ganny dir zot ti merit pli pran plis prekasyon.

E pli boner dan Bidze *Health Care Agency*, ou'n brefman tous en kad travayer dan striktir lasante bann *paramedic*. Ki dan sa bann reform oubyen atraver sa Bidze ki la, eski kwa ki zot pe fer an plis pou zot valoriz en pti pe sa group kad, pou donn zot sa lenportans osi parey zot donn pou ners ou dokter?

Akoz i annan pe demande petet si pou zot pou ganny en pe *training* osi, an adisyon ki zot ti pe deza gannyen avan? Osi byen si petet pou revwar bann *incentive* ;- par egzamp *night*

duty allowance ki, ki zis R50 i annan ki ganny a kout R200?

Bann lezot kad petet kwa ki, kwa ki nouvo ki petet ou pou kontribye atraver sa Bidze pou donn zot sa sipor? Mersi.

MR SPEAKER

Mersi Onorab. Minis.

MINISTER PEGGY VIDOT

Mersi Onorab. Ou dir dan lentrodikeyon mon'n met ek lanfaz lo reform. Mon pe koz isi lo sa antite Minister Lasante, ki zot pa neserman anploy sa bann dimoun parey ou dir ki fer *night duty* ou sinon *paramedic*.

Sa i plis bann dimoun ki ganny anploye par *Health Care Agency*. Nou'n koz plito bann sanzman, bann ankadreman ki nou fer pou tou *staff*.

E ou dernyen kekyon si *paramedic* i en kad ki nou Minister Lasante dan son program edikasyonnel, dan son program pou regarde ki kantite eleve bann dimoun i bezwen fer, ou sinon ganny mete ganny en program ki gard zot okouran dan zot profesyon? Sa wi i ladan.

Akoz Minister i ogard tou kad ki dan servis lasante dan laspe ledikasyon. Mon krwar ki *Health Care Agency* pli boner in adres sa size, kot ki dimoun ki dan karantenn si zot annan een

allowance ki zot pe gannye sa *allowance* pa ganny koupe.

Mon rapel ki *DG HR* in fer sa remark an de fwa. E alor mon war li en pe drol ki sa bann dimoun i ankor pe demann sa bann keston, akoz sa i pa leka.

E pou *paramedic*, parey mon dir nou ava zot osi zot pou ganny kouver dan bann program ki nou pe fer. Mersi.

MR SPEAKER

Mersi Minis. Onorab Henrie.

HON GERVAIS HENRIE

Mersi Mr Chair. *Almost* bonswar tou dimoun. Mr Chair mon premye keston i retourn lo pwen ki *PS Thesee* ti reponn pou mwan bomaten, me selman sa voyaz mon oule gete lo son pwennvi Polisi.

Dan *Seychelles National Health strategic plan 2016-2020*, i fer referans lo en konsern ant separasyon ki egziste ant Minister Lasante e zasyon *health services* dan Sesel.

E zot dir enn bann konsern se labsans en *accountability framework*, pou asire ki sa bann *public* aksyon sa bann *public bodies* i anliny avek Polisi Gouvernman.

Prezan selman mon rekonforte war ki dan Bidze, premye *bullet point* dan

strategic priorities 2021-2023 zot koze lo la pou adres en pe sa *Policy setting and strengthening institutional accountability and monitoring and evaluation*.

Koumsa en Lasanble ki pe al donn zot en Bidze, ki le war vremen sanzman dan sa direksyon mon le zot donn nou en *brief*, ki mannyer zot pe mazine sa pou ganny fer dan la pratik? Sa i mon premye pwen.

Dezyenm pwen i konsern dan manda Minister Lasante, sa mo prevansyon avek promosyon lasante, i ganny mansyonnen. Selman si nou onnet avek nou lekor pou bann nou ki get televizyon par egzamp toulezour, nou war en labsans promosyon lasante lo televizyon.

Si i ganny fer par Minister Lasante ki le fer *either* par *NGO* or *SBC* li menm, ler i pas en *advert* apre anba la i pase pa konsonm bokou delwil kontrol ou disik. Lasante *when was the last time* ki zot in fer en *advert* lo konsonmasyon lalkol, sigaret, teste ou lekor pou *STDs*.

I bezwen annan en konponan bidzeter ki zot investir ladan. Parske en bon promosyon kanpanyi i pou fer nou kominote pli an bonn sante, e i retourn lo sa laspe

pou nou ere parey mon ti pe dir avek Minis pou Zafer Sosyal.

So mon dezyenm pwen se lo prevansyon ek promosyon. Trwazyenm e dernyen Mr Chair mon'n not en labsans *SDG* dan zot bann target e nou konnen ki *SDG* i trwa ki koz lo *good health and wellbeing* e ki i annan 13 target avek 27 endikater.

Enn bann konsern ki mon'n war vizavi size pou Sesel, i dir ki anfet touzour dan sa *Seychelles National Health Strategic Plan* la, i dir poudir Minister Lasante i pa'n neserman donn bann data ase vitman pou zot konnen sirtou kot zot merit adrese bann group ki pe ganny kit deryer.

Se pou tan nou, nou pti nou pe fer byen me selman statistik i kapab dir nou li *where we're going wrong*. So mon anv i war kote sa zafer *data verification and statistics* i ganny adrese dan sa Bidze, pou nou asire poudir nou *up to speed* e vreman nou pe fer byen vizavi Bidze ki nou pe donner? Sa i mon trwa pwen Mr Chair mersi bokou.

MR SPEAKER

Mersi Onorab. Wi Minis.

MINISTER PEGGY VIDOT

Mersi Onorab pou ou bann keston ki vreman tre valab. E

mon pou konmanse apre mon pou demann *PS* pou li elabor plis lo la. Si mon pran premye pwen kot ou'n demann nou vreman ki mannyer nou pe rod bann antite ki annan dan lasante *accountable* ?

I annan serten keksoz ki pe ganny fer, me lefe ki in vin enn ladan konman nou priyorite, i montre poudir i pa pe fer li lo sa nivo ki nou sipoze fer li.

In annan diferan keksoz ki'n deza ganny propoze lafason ki nou pe nou pou arive fer sa pwen. Minister Lasante i annan en plan stratezik ki'n fini lannen pase, e ki nou dir anv i ki tou sa ki'n pase lannen pase ki zot pa'n ganny en sans re devlop en lot, nou pe zis *extend* sa enn pou ankore lan.

Whilst i donn nou letan sa lannen pou nou travay lo enn ki ava pran nou depi 2022 ale ziska 2026. E ladan nou pou bokou pli kler lo ki kalite *accountability framework* ki nou pou annan, pou nou *hold* bann antite *accountable*.

At the moment i annan serten keksoz ki zot pe ganny nou pe *hold* zot *accountable to*. Par egzanp nou *set* bann gran endikater dan Minister lo nivo nasyonal. Annou pran par egzanp *infant mortality rate*, ok?

Nou ladan nou dir poudir sa i bezwen ariv anba 10 e sa i ganny fer bann servis ki ganny ede pou fer sa i ganny fer plito par *Health Care Agency*. E alor nou espekte ki nou war dan plan ki *Health Care Agency* i donn nou, tou bann *steps* ki zot pe pran zot, pou *reduce infant mortality*.

Likewise avek *non-communicable diseases* ki target ki nou, nou'n *set* an term *compliance*, ki dimoun par egzanzp ki ganny dyabet i pe reste lo zot tretman.

Ankor nou war poudir lefe ki i napa tousala e ki kontinyen annan konplikasyon dyabet ki keksoz i manke. Me i manke dan sans ki nou pa'n donn zot klerman, parey konmans dir en Kontra ki dir pou sa prosen *strategic period what are the things you need to address*.

Me dan nou stratezik plan menm si i pa ladan dan Bidze nou adrese bann *SDGs at least* sa ki la e sa ki nou pe anmenn devan ladan, nou pou pe adrese bann *SDGs*, nou pou pe adrese tou sa bann *targets* ki in ganny *set*, e konman e lekel dan bann antite dan lasante, ki pou responsab fer sa e konman nou pou *hold accountable* e konman nou pou pe *monitor* zot.

So sa i *part* nou plan ki nou pe vin avek, pou fer sir ki

enn nou pe ariv nou bi *attain* sa bann diferan *SDGs* e lekel ki pou pe ed nou pou fer kwa, konman, kan e aplike. Mon ava demann *PS* pou elabor plis.

MR SPEAKER

PS wi.

PS BERNARD VALENTIN

Mersi bokou Mr Chair. Mersi bokou Minis. En konsansis ki nou'n gannyen dan Minister Lasante, se ki letan nou evalye nou lekor se ki nou, nou devret arete konpar nou avek larezyon konpar nou avek Lafrik, me nou devret pe viz ver bann pei *OECD*.

So nou target se pou ariv lo nivo ki bann pei *OECD* i ete e bann pei *OECD* ou konnen se bann pei en pe pli ris. Nou bokou deryer zot pou le moman me sela kot nou pe vize. E si nou dir poudir nou bezwen ogmant kalite swen dan Lopital Sesel e partou dan Sesel, nou bezwen viz ver sa bann target *OECD* e fer nou apros ver bann nivo ki bann pei *OECD* in reisi *attempt*.

Now lo kote *SDG* i annan Minister oubyen Departman *Economic Planning*, ki li i kordin tou bann aktivite pou Sesel *attain* bann lobzektif devlopman soutenab.

E nou, nou byen okouran ki nou bezwen fer pou *attain*. I annan parey Minis in dir i annan bann, bann *NCD targets* ki nou pe travay lo la me nou konnen i difisil sa. Akoz bann faktor de risk ki egziste.

E nou pe travay en kantite pou redwir problemn obesite, pou redwir problemn pou amelyor sityasyon nitrisyon dan Sesel. Nou pe fer en kantite pou ogmant aktivite fizik. I annan serten travay ki nou pe fer ek sa.

Me selman nou okouran poudir pou nou kapab reisir dan sa lalit i bezwen en lapros *all Government, all society* parey bann dimoun i dir.

So letan nou ti detrwa lannen pase, letan nou ti annan, ti annan en lagreman *Health in all Policies* ki nou ti sinyen avek tou Minister sete pou al dan sa direksyon.

So idealman ki nou devret annan dan Sesel bann program dan tou sekter ki adres sa bann *priority risk factors* dan nou pei. So nou bezwen evantyelman annan sa.

Me pou nou kapab arive ganny sa, nou bezwen fer en kantite zefor nou tou en kantite zefor nou tou pou nou kapab fer nou pti bout pou sa ta pti bout pou fer en gro bout.

So nou ti konmanse avek program *“My Health, My Responsibility”* detrwa lannen pase e nou’n fer enta tapaz lo la pou plizyer lannen. Mon krwar nou’n ale 4an avek sa konpany. Nou’n war serten amelyorasyon dan konportman dimoun eksetera, eksetera.

Dimoun i realize poudir zot menm zot bezwen fer en kontribisyon ;- en kontribisyon pou amelyor zot lasante e osi lasante pei.

So nou kontan ozordi letan nou war en kantite dimoun pe marse dan semen pe fer *jogging*, pe fer *hiking*, pe fer tou sa bann aktivite fizik. Pe annan *sports* kantite dimoun pe partisipe dimoun pe vey byen zot nitrisyon. Konmsi in annan en mouvman lo la.

Me selman i annan ankor en kantite pou ale. Nou pa satisfè *still* avek konsonmasyon lalkol e osi lezot konsonmasyon sibstans. Nou konnen poudir konsonmasyon sigaret dousman, dousman pe desann.

So tousala i bann rezilta bann travay ki diferan sekter dan, dan pei pe fer pou nou kapab *attain*, non selman bann lobzektif dirab par 2030, me osi bann target maladi non-transmisib par 2025.

So i annan en kantite travay pou fer, me annan de ler lanmen ki manke.

Promosyon lasante : promosyon lasante nou espekte ki i ganny fer par tou dimoun, par tou dimoun e par tou sekter.

Nou annan en, en *unit* me sa *unit* li i annan detrwa dimoun ladan 4, 5, 6 dimoun zot sipoze siport bann aktivite promosyon lasante. So letan ou koz lo prevansyon, wi kekwfa nou devret fer plis prevansyon. Me sa prevansyon ki ou pe koze mon mazine i prevansyon primer - *primary prevention* pou anpes maladi arive.

Me selman nou, nou osi fer *secondary prevention* otan ki posib nou sey fer *early detection* e letan i detekte maladi nou entervenir nou osi fer *tertiary prevention*.

Savedir nou sey reabilit bann dimoun ki'n malad donn tretman eksetera e fer bann reansersyon. Letan nou get nou *national health account* ki nou'n fer, ki nou fer toulezan nou gete kantite larzan pei - pa Minister Lasante pei i depanse lo diferan keksoz, nou war ki larzan ki nou depanse konman en pei, lo prevansyon dousman, dousman pe monte.

I monte e nou, nou annan en target ki en zour kekwfa

a pepre 25poursan, 30poursan nou Bidze pei pou lasante i ava lo prevansyon primer kot nou ava pe anpes bann maladi arive. An menm tan ki nou fer prevansyon segonder e prevansyon tersyer.

Savedir pou reponn ou kestyon, wi nou annan *SDGs* lobzektif devlopman dirab dan nou lizye. Nou osi annan sa *accountability framework* ki nou pe devlope pou fer sir ki Sesel i viz ver kalite servis lasante ki bann pei *OECD* i annan. Mersi bokou.

MR SPEAKER

Mersi. Avek sa nou ava pas lo Onorab Michel Roucou.

HON MICHEL ROUCOU

Mersi. Bonn apre midi *panel*. Mr Speaker avan ki mon demann mon kestyon pourvi ki mon kestyon pou baze Hermitage, e mon senpatiz ek lafanmir Tirant e osi lafanmir Sinon.

Minis pourvi ki nou annan sa ansyen *building NHSS* zis dir nou laba ki plan zot annan, akoz i en landrwa ki annan bokou bann aktivite nwizans ki ganny deroule?

Aprè edik nou en pti pe devlopman sa landrwa li menm li. Nou trouve ki i annan en pti laplenn anba si mon pa tronpe

ansyen Gouvernman ti annan en plan la, si ou kapab dir nou ki devlopman la? Mersi.

MR SPEAKER

Mersi. Minis.

MINISTER PEGGY VIDOT

Mersi Onorab pou ou kestyon. Ler mon'n dir pli boner ki nou pe al refer lekol *NIHSS*, nou pe al refer li la sirplas kot sa lekol Ners lontan ti été e apre ti vin *NIHSS*. So sa devlopman pou la e avek lezot devlopman obor li.

Nou pe osi annan dan sa pti laplenn ki ou dir - *well* en gran laplenn kot sa *isolation centre* pou été. Alor sa plas la pou ganny pran prensipalman par sa 2 *building*.

MR SPEAKER

Mersi. Onorab Pillay.

HON SEBASTIEN PILLAY

Mersi Mr Chairman. I 6.15 so bonswar tou dimoun. Bonswar Minis. In en long lazournen. Minis Minister Lasante son Bidze i R49milyon 677mil en Bidze ase signifikan.

So premyer kestyon ki mon annan se an relasyon avek zis Minister Lasante – annou tir *NIHSS* pou le moman, konbyen dimoun ki annan baze dan Minister Lasante?

E dan *NIHSS* konbyen dimoun ki nou annan ki pran sa konpran bidzeter? Akoz si nou kas sa 2 konponan bidzete nou annan 22milyon 965mil apre lot konponan ki nou annan, se sa konponan program la e ki li i tonm *around - training and professional development around 26milyon 612mil*. So konbyen dimoun ki nou annan anba sa 2 program?

E prezan apre mon a kapab demann en lot kestyon. Mersi Mr Chairman.

MR SPEAKER

Mersi. *PS* ?

PS BERNARD VALENTIN

Well lo nou *nominal roll* dernyen ki nou'n pibliye nou annan nou 27 dimoun ki travay dan sa bout Minister Lasante ki pa *NIHSS* ;- 27.

HON SEBASTIEN PILLAY

(Off-Mic)

PS BERNARD VALENTIN

Dapre *nominal roll* ki la devan mwan i posib *plus or minus one or two*, dapre *nominal roll* i 59 an tou.

MR SPEAKER

Mersi. Ale nou a kontinyen Onorab.

HON SEBASTIEN PILLAY

Mersi Mr Chairman. Mr Chairman i enportan pou nou souliny sa pwen, akoz sa i montre sa Bidze i enn ki'n konsistan *for many years around* R40milyon. I montre ou nou pe *provide* en Bidze 49milyon pou 59 *staff* so i montre ou ki kantite larzan ki pa al zis dan saler, me i al plito pou en kantite keksoz ki bezwen fer.

E enn bann rezon alors akoz nou sistenm lasante i lo sa nivo ki ozordi nou pe koz konpran li avek bann pei *OECD*, zisteman akoz travay ki'n ganny fer pandan sa bann plizyer lannen pou anmenm li kot i éte la.

Akoz si i pa ti'n ariv la kot i éte *then* avek sa sityasyon *COVID* ki nou ti annan en lot sistenm dan en lot pei ti pou *collapse*. Me nou sistenm i kapab *cope* akoz zisteman akoz progre ki nou'n fer.

E pou sa nou bezwen *at least* felisit sanmenm sa Gouvernman ki'n la avan. Akoz in investi dan sistenm lasante.

(APPLAUSE)

HON SEBASTIEN PILLAY

In fer sir ki nou annan en sistenm lasante ki kontinyen

devoue, kontinyen devlope. Prezan Mr Chairman en kestyon fondamantal ki vini prezan se ki plan ki Minis i annan an relasyon avek Minister Lasante pou anmenn keksoz lo en lot nivo?

Eski zot annan plan restriktirasyon mazer dan Minister Lasante? Mon pe koz Minister Lasante. Eski an relasyon avek *NIHSS* zot annan plan fer restriktirasyon mazer ki fer ki Bidze in ogmant par apepre R8milyon?

E eski sa restriktirasyon prezan i viz ver anmenn en planifikasyon lasante lo en pwennvi Polisi ki pli modern e ki viz en lot kalite kliyan ki pe al dan en lekspektasyon bokou pli o?

E dan sa konteks - mon dernyen pwen Chairman, eski nou pe konsider - pei pe konsider en sistenm *medical insurance* si nou pe viz ver sa ki bann pei *OECD* i ofer, parey ki *PS Valentin* ni dir? Mersi Mr Chairman.

MR SPEAKER

Mersi Onorab. Minis?

MINISTER PEGGY VIDOT

Mersi Onorab. Mon krwar nenport ki pei i pou toultan anvi ki son sistenm lasante i modern. E lefe ki oule i reste

modern, i modern ou pa a kapab ale lannen ek lannen san fer serten azisteman pou ou ogarde, ki manner i kapab delivre lo en fason ki anliny avek devlopman global e devlopman nasyonal.

Alor pou dir ki i pou reste zis parey i pa en fe. Nou bezwen pe regarde - pli boner mon' n dir poudir nou'n ariv en nivo kot nou ti annan en plan nasyonal - en plan stratezik pou lasante ki'n fini 2020.

Malerezman an vi ki ti annan bokou keksoz ti pe ale dan 2020, *team* pa'n kapab met en keksoz an plas pou anmenn nou sa *next 5 years*. Pou sa rezon nou'n *extend* sa *strategic plan* e la nou pe regarde, baze lo tou sa lobzektif ki ti'n ganny *set*, baze ki kote nou'n arive, baze lo sa ki nou'n fer byen, sa kot nou ankor annan *gaps* pou nou regarde koman nou pe *move forward*.

Tout an vizan ki nou pou amelyor lo sa ki annan e kot i annan defayans nou ankor pou *strengthen* sa. So poudir ki eski nou pe al pli devan? Wi i nou plan anmezir ki nou devlop sa nouvo plan stratezik pou anmenn nou sistenm lasante pou nou moderniz li pli byen. *Ok?*

Eski nou pe baz - an vi ki nou'n koz lo laspe nou pa

konpran nou tou kou avek rezyon me nou pe mont en pe viz lo gard bann pei *OECD*? Wi nou pe fer sa akoz nou pe si oule *raise* nou *benchmark*.

Akoz nou konnen poudir kekfwa ler nou get nou patern maladi, i pli anliny avek sa bann lezot pei ki annan li dizon avek kontinan kot nou ganny plase dan rezyon *WHO*.

Alor i pou ed nou pou nou avans en pe pli devan. Me eski nou pe fer sa anliny pou regarde parey nou dir, nou pe viv en sistenm *medical insurance*? A sa letan la - mon'n reponn oparavan, ki nou pa ankor pran en desizyon lo finansman lasante ki nou pe *move* avek lasante, swen lasante i gratwit parey i été konmela.

Si ler nou fer nou plan stratezik i annan serten revizyon ki ganny fer, a sa moman sa revizyon i a ganny regarde, i a ganny etidye.

Me pour le moman la, plan stratezik se vreman pou ed nou pou pli byen deside ki nou priyorite, koman nou pa adres sa bann priyorite pou anmenn nou sistenm lasante devan e pou fer sir ki nou bann endikater lasante i amelyore.

E ki dimoun zot leksperyans kan zot servi nou bann servis lasante, i enn ki pli bon. Parey nou'n ganny dir pli

boner i annan en kantite lekspektasyon ki nou pe *meet* sa bann lekspektasyon ki byen fonde, osinon nou pe *improve* leksperyans sa pasyan avek nou servis. E ki Sesel nou vwar tou nou bann benefis dimoun ki an bonn sante.

Mon pa konnen si *PS* ti ava anvi azoute lo la. *Ok?* Mersi.

MR SPEAKER

PS i *ok?* Wi Onorab nou a terminen.

HON SEBASTIEN PILLAY

Wi Mr Chairman. En dernyen pwen. Minis mon pou anvoy en boul dan ou kort la, mwan personnelman petet mon ti anba lekspektasyon ki ou Gouvernman dan son Manifesto, ti ava'n annan en plan lo kote i le restriktir Minister Lasante.

Mon konpran ou fek antre so mon ava donn ou letan pou enplimant ou program e swet tou bann travayer lasante, vi ki nou pa pou ganny sans koz lo zot, bonn sans e kontinyen sa bon travay ki zot pe fer. Mersi Mr Chairman.

MR SPEAKER

Mersi Minis. Mon asire in note. Nou'n ariv a lafen deba. *LGB* mon sipoze ou ti napa kestyon,

nou'n pas? Mersi. Minis wi ou ti anvi en dernyen mo.

MINISTER PEGGY VIDOT

Wi Chairman. Mon ti ava kontan an vi ki nou pe koz lo travayer lasante, e bann komanter ki bann *MNAs* in fer mon a dir zot mersi. Mersi pou zot sipor ki zot pe sipor bann travayer lasante.

E prensipalman nou pe ariv le 7 Avril ki'n ganny dedye touzour koman Lazournen Travayer Lasante e pour sa lannen *l'OMS* ki *set* term pou sa lazournen, in *set* li koman Lazournen Travayer Lasante anvi lakantite kontribisyon ki travayer lasante in fer dan *COVID* pandemik.

Alor mon ti ava demann bann *MNA* si zot kapab kanmenm pou sa zour, a ed nou ansanm pou nou aplodi sa bann travayer lasante dan fason ki zot konn pli byen ki zot ti ava anvi e envit zot *constituency* osi pou ede pou nou kapab remerisi sa bann travay, sa bann sakrifis, sa bann komitman e sa bann vokasyon ki nou'n vwar dan travayer lasante. Mersi Mr Chairman.

MR SPEAKER

Mersi Minis. Mon asire nou pa pou oubliy le (6) Avril an plis ki

nou annan plizyer ansyen travayer lasante dan Lasanble i ava en fason pou nou rapel li byen.

Bon prezan nou a vot lo Bidze pou *Ministry of Health* ki lo paz 386 ziska 392 pou en total R49milyon 677mil. Manm ki an faver lev lanmen silvouple?

Mersi tou Manm in vote. Bidze pou Ministry of Health lo paz 386 ziska 392 pou en total R49milyon 677mil in ganny 31 vot pour, 0 vot kont e 0 abstansyon. Alor mon annan plezir deklare ki Lasanble i aprouv Bidze *Ministry of Health*.

Avek sa mon a dir Minis mersi ek son delegasyon ki'n avek nou, zofisye Minister Lasante, e osi *PS Thesee* e son asistan. Nou pe rebran ankor antite Minister Lasante demen notaman *Public Health Authority* e osi *APDAR* apard en pti amannman Lalwa ki nou pou pran premye keksoz demen bomaten.

Mersi bokou tou bann Manm pou zot partisipasyon. Nou a pas dan staz Lasanble e nou ava *adjourn* e nou ava rezwenn demen bomaten 9er.

(ADJOURNMENT)